

॥ नमो तस्स भगवतो अरहतो सम्मासम्बुद्धस्स ॥

## संयुत्तनिकाये

### खन्धवग्ग-अट्ठकथा

#### १. खन्धसंयुत्तं

##### १. नकुलपितुवग्गो

##### १. नकुलपितुसुत्तवण्णना

१. **खन्धियवग्गस्स** पठमे **भग्गे**सूति एवंनामके जनपदे । **सुसुमारगिरे**ति सुसुमारगिरनगरे । तस्मिं किर मापियमाने सुसुमारो सद्धमकासि, तेनस्स “सुसुमारगिर”न्त्वेव नामं अकंसु । **भेसकळावने**ति भेसकळाय नाम यक्खिनिया अधिवुत्थत्ता एवंलद्धनामे वने । तदेव मिगगणस्स अभयत्थाय दिन्नत्ता **मिगदायो**ति वुच्चति । भगवा तस्मिं जनपदे तं नगरं निस्साय तस्मिं वनसण्डे विहरति । **नकुलपिता**ति नकुलस्स नाम दारकस्स पिता ।

**जिण्णो**ति जराजिण्णो । **वुड्ढो**ति वयोवुड्ढो । **महल्लको**ति जातिमहल्लको । **अद्धगतो**ति तियद्धगतो । **वयोअनुप्पत्तो**ति तेसु तीसु अद्धेसु पच्छिमवयं अनुप्पत्तो । **आतुरकायो**ति गिलानकायो । इदज्झि सरीरं सुवण्णवण्णम्पि निच्चपग्घरणट्ठेन आतुरंयेव नाम । विसेसेन पनस्स जरातुरता ब्याधातुरता मरणातुरताति तस्सो आतुरता होन्ति । तासु किञ्चापि एसो महल्लकत्ता जरातुरोव, अभिण्हरोगताय पनस्स ब्याधातुरता इध अधिप्पेता । **अभिक्खणातद्धो**ति अभिण्हरोगो निरन्तररोगो । **अनिच्चदस्सावी**ति ताय आतुरताय इच्छितिच्छितक्खणे आगन्तुं असक्कोन्तो कदाचिदेव दट्ठुं लभामि, न सब्बकालन्ति अत्थो । **मनोभावनीयानन्ति** मनवड्ढुकानं । येसु हि दिट्ठेसु कुसलवसेन चित्तं वड्ढति, ते सारिपुत्तमोग्गल्लानादयो महाथेरा मनोभावनीया नाम । **अनुसासतू**ति पुनप्पुनं सासतु । पुरिमज्झि वचनं ओवादो नाम, अपरापरं अनुसासनी नाम । ओतिण्णे वा वत्थुस्मिं वचनं ओवादो नाम, अनोतिण्णे तन्तिवसेन वा पवेणिवसेन वा वुत्तं अनुसासनी नाम । अपिच ओवादोति वा अनुसासनीति वा अत्थतो एकमेव, ब्यञ्जनमत्तमेव नानं ।

**आतुरो हायन्ति** आतुरो हि अयं, सुवण्णवण्णो पियङ्गुसामोपि समानो निच्चपग्घरणट्ठेन आतुरोयेव । **अण्डभूतो**ति अण्डं विय भूतो दुब्बलो । यथा कुक्कुटण्डं वा मयूरण्डं वा गेण्डुकं विय गहेत्वा खिपन्तेन वा पहरन्तेन वा न सक्का कीळित्तुं, तावदेव भिज्जति, एवमयम्पि कायो कण्टकेपि खाणुकेपि पक्खलितस्स भिज्जतीति अण्डं विय भूतोति अण्डभूतो । **परियोनद्धो**ति सुखुमेन छविमत्तेन परियोनद्धो । अण्डज्झि सारतचेन परियोनद्धं, तेन डंसमकसादयो निलीयित्वापि छविं छिन्दित्वा यूसं पग्घरापेतुं न सक्कोन्ति । इमस्मिं पन छविं छिन्दित्वा यं इच्छन्ति, तं करोन्ति । एवं सुखुमाय छविया परियोनद्धो । **किमज्जत्र बाल्या**ति बालभावतो अज्जं किमत्थि? बालोयेव अयन्ति अत्थो । **तस्मा**ति यस्मा अयं कायो एवरूपो, तस्मा ।

**तेनुपसङ्कमी**ति रज्जो चक्कवत्तिस्स उपट्ठानं गन्त्वा अनन्तरं परिणायकरतनस्स उपट्ठानं गच्छन्तो राजपुरिसो विय,

सद्धम्मचक्कवत्तिस्स भगवतो उपट्ठानं गन्त्वा, अनन्तरं धम्मसेनापतिस्स अपचिंतिं कातुकामो येनायस्मा सारिपुत्तो, तेनुपसङ्गमि। **विप्पसन्नानीति** सुट्ठु पसन्नानि। **इन्द्रियानीति** मनच्छट्ठानि इन्द्रियानि। **परिसुद्धोति** निद्वोसो। **परियोदातोति** तस्सेव वेवचनं। निरुपक्किलेसतायेव हि एस परियोदातोति वुत्तो, न सेतभावेन। एतस्स च परियोदाततं दिस्वाव इन्द्रियानं विप्पसन्नतं अज्जासि। नयग्गाहपज्जा किरिेसा थेरस्स।

**कथञ्चि नो सियाति** केन कारणेन न लद्धा भविस्सति? लद्धायेवाति अत्थो। इमिना किं दीपेति? सत्थुविस्सासिकभावं। अयं किर सत्थु दिट्ठकालतो पट्ठाय पितिपेमं, उपासिका चस्स मातिपेमं पटिलभति। उभोपि “मम पुत्तो”ति सत्थारं वदन्ति। भवन्तरगतो हि नेसं सिनेहो। सा किर उपासिका पञ्च जातिसतानि तथागतस्स माताव, सो च, गहपति, पिताव अहोसि। पुन पञ्च जातिसतानि उपासिका महामाता, उपासको महापिता, तथा चूळामाता चूळपिताति। एवं सत्था दियट्ठु अत्तभावसहस्सं तेसंयेव हत्थे वट्ठितो। तेनेव ते यं नेव पुत्तस्स, न पितु सन्तिके कथेतुं सक्का, तं सत्थु सन्तिके निसिन्ना कथेन्ति। इमिनायेव च कारणेन भगवा “एतदग्गं, भिक्खवे, मम सावकानं उपासकानं विस्सासिकानं यदिदं नकुलपिता गहपति, यदिदं नकुलमाता गहपतानी”ति (अ० नि० १.२५७) ते एतदग्गे ठपेसि। इति सो इमं विस्सासिकभावं पकासेन्तो **कथञ्चि नो सियाति** आह। **अमतेन अभिसित्तोति** नस्सिध अज्जं किञ्चि ज्ञानं वा विपस्सना वा मग्गो वा फलं वा “अमताभिसेको”ति दट्ठब्बो, मधुरधम्मदेसनायेव पन “अमताभिसेको”ति वेदितब्बो। **दूरतोपीति** तिरोरट्ठापि तिरोजनपदापि।

**अस्सुतवा पुत्तुज्जनोति** इदं वुत्तत्थमेव। **अरियानं अदस्सावीति** आदीसु **अरियाति** आरकत्ता किलेसेहि, अनये न इरियनतो, अये इरियनतो, सदेवकेन च लोकेन अरणीयतो बुद्धा च पच्चेकबुद्धा च बुद्धसावका च वुच्चन्ति। बुद्धा एव वा इध अरिया। यथाह — “सदेवके, भिक्खवे, लोके...पे०... तथागतो अरियो”ति वुच्चतीति (सं० नि० ५.१०९८)। **सप्पुरिसानन्ति** एत्थ पन पच्चेकबुद्धा तथागतसावका च सप्पुरिसाति वेदितब्बा। ते हि लोकुत्तरगुणयोगेन सोभना पुरिसाति सप्पुरिसा। सब्बेव वा एते द्वेधापि वुत्ता। बुद्धापि हि अरिया च सप्पुरिसा च, पच्चेकबुद्धा बुद्धसावकापि। यथाह —

“यो वे कतञ्जु कतवेदि धीरो,  
कल्याणमित्तो दळ्ढभत्ति च होति।  
दुखितस्स सक्कच्च करोति किच्चं,  
तथाविधं सप्पुरिसं वदन्ती”ति॥ (जा० २.१७.७८)।

“कल्याणमित्तो दळ्ढभत्ति च होती”ति एत्तावता हि बुद्धसावको वुत्तो, कतञ्जुतादीहि पच्चेकबुद्धबुद्धाति। इदानी यो तेसं अरियानं अदस्सनसीलो, न च दस्सने साधुकारी, सो “अरियानं अदस्सावी”ति वेदितब्बो। सो च चक्खुना अदस्सावी, जाणेन अदस्सावीति दुविधो। तेसु जाणेन अदस्सावी इध अधिप्पेतो। मंसचक्खुना हि दिब्बचक्खुना वा अरिया दिट्ठापि अदिट्ठाव होन्ति तेसं चक्खूनं वण्णमत्तग्गहणतो न अरियभावगोचरतो। सोणसिङ्गालादयोपि चक्खुना अरिये पस्सन्ति, न चेते अरियानं दस्साविनो नाम।

तत्रिदं वत्थु — चित्तलपब्बतवासिनो किर खीणासवत्थेरस्स उपट्ठाको वुट्ठपब्बजितो एकदिवसं थेरेन सद्धिं पिण्डाय चरित्वा, थेरस्स पत्तचीवरं गहेत्वा, पिट्ठितो आगच्छन्तो थेरं पुच्छि — “अरिया नाम, भन्ते, कीदिसा”ति? थेरो आह — “इधेकच्चो महल्लको अरियानं पत्तचीवरं गहेत्वा वत्तपटिवत्तं कत्वा सहचरन्तोपि नेव अरिये जानाति, एवं दुज्जानावुसो, अरिया”ति। एवं वुत्तेपि सो नेव अज्जासि। तस्मा न चक्खुना दस्सनं दस्सनं, जाणेन दस्सनमेव दस्सनं। यथाह — “किं ते,

वक्कलि, इमिना पूतिकायेन दिट्ठेन? यो खो, वक्कलि, धम्मं पस्सति, सो मं पस्सति । यो मं पस्सति, सो धम्मं पस्सती”ति (सं० नि० ३.८७) । तस्मा चक्खुना पस्सन्तोपि जाणेन अरियेहि दिट्ठं अनिच्चादिलक्खणं अपस्सन्तो, अरियाधिगतञ्च धम्मं अनधिगच्छन्तो अरियकरधम्मनं अरियभावस्स च अदिट्ठत्ता “अरियानं अदस्सावी”ति वेदितब्बो ।

**अरियधम्मस्स अकोविदोति**, सतिपट्टानादिभेदे अरियधम्मे अकुसलो । **अरियधम्मे अविनीतोति** एत्थ पन —

“दुविधो विनयो नाम, एकमेकेत्थ पञ्चधा ।  
अभावतो तस्स अयं, अविनीतोति वुच्चति” ॥

अयञ्हि संवरविनयो पहानविनयोति दुविधो विनयो । एत्थ च दुविधेपि विनये एकमेको विनयो पञ्चधा भिज्जति । **संवरविनयोपि** हि सीलसंवरो सतिसंवरो जाणसंवरो खन्तिसंवरो वीरियसंवरोति पञ्चविधो । **पहानविनयोपि** तदङ्गप्पहानं, विक्खम्भनप्पहानं समुच्छेदप्पहानं पटिप्पस्सद्धिप्पहानं निस्सरणप्पहानन्ति पञ्चविधो ।

तत्थ “इमिना पातिमोक्खसंवरेण उपेतो होति समुपेतो”ति (विभ० ५.११) अयं **सीलसंवरो** । “रक्खति चक्खुन्द्रियं, चक्खुन्द्रिये संवरं आपज्जती”ति अयं (दी० नि० १.२१३; म० नि० १.२९५; सं० नि० ४.२३९; अ० नि० ३.१६) **सतिसंवरो** ।

“यानि सोतानि लोकस्मिं, (अजिताति भगवा)  
सति तेसं निवारणं ।  
सोतानं संवरं ब्रूमि,  
पज्जायेते पिधीये”ति ॥ (सु० नि० १०.४१; चूळनि० अजितमाणवपुच्छानिद्देस.४) —

अयं **जाणसंवरो** । “खमो होति सीतस्स उण्हस्सा”ति (म० नि० १.२४; अ० नि० ४.११४; ६.५८) अयं **खन्तिसंवरो** । “उप्पन्नं कामवितक्कं नाधिवासेती”ति (म० नि० १.२६; अ० नि० ४.११४; ६.५८) अयं **वीरियसंवरो** । सब्बोपि चायं संवरो यथासकं संवरितब्बानं विनेतब्बानञ्च कायदुच्चरितादीनं संवरणतो “संवरो” विनयनतो “विनयो”ति वुच्चति । एवं ताव संवरविनयो पञ्चधा भिज्जतीति वेदितब्बो ।

तथा यं नामरूपपरिच्छेदादीसु विपस्सनाजाणेषु पटिपक्खभावतो दीपालोकेनेव तमस्स, तेन तेन विपस्सनाजाणेन तस्स तस्स अनत्थस्स पहानं । सेय्यथिदं — नामरूपववत्थानेन सक्कायदिट्ठिया, पच्चयपरिगहेन अहेतुविसमहेतुदिट्ठिनं, तस्सेव अपरभागेन कङ्खावितरणेन कथंकथीभावस्स, कलापसम्मसनेन “अहं ममा”ति गाहस्स, मग्गामग्गववत्थानेन अमग्गे मग्गसज्जाय, उदयदस्सनेन उच्छेददिट्ठिया, वयदस्सनेन सस्सतदिट्ठिया, भयदस्सनेन सभये अभयसज्जाय, आदीनवदस्सनेन अस्सादसज्जाय, निब्बिदानुपस्सनाय अभिरतिसज्जाय, मुच्चितुकम्यताजाणेन अमुच्चितुकामताय । उपेक्खाजाणेन अनुपेक्खाय, अनुलोमेन धम्मद्वितियं निब्बाने च पटिलोमभावस्स, गोत्रभुना सङ्खारनिमित्तगाहस्स पहानं, एतं तदङ्गप्पहानं नाम ।

यं पन उपचारप्पनाभेदेन समाधिना पवत्तिभावनिवारणतो घटप्पहारेनेव उदकपिट्ठे सेवालस्स, तेसं तेसं नीवरणादिधम्मनं पहानं, एतं **विक्खम्भनप्पहानं** नाम । यं चतुन्नं अरियमग्गानं भावितत्ता तंतमग्गवतो अत्तनो सन्ताने “दिट्ठिगतानं पहानाया”तिआदिना नयेन (ध० स० २७७; विभ० ६.२८) वुत्तस्स समुदयपक्खिक्कस्स किलेसगणस्स

अच्चन्तं अप्पवत्तिभावेन पहानं, इदं **समुच्छेदप्पहानं** नाम । यं पन फलक्खणे पटिप्पस्सद्धत्तं किलेसानं, एतं **पटिप्पस्सद्धिप्पहानं** नाम ।

यं सब्बसङ्खतनिस्सट्ता पहीनसब्बसङ्खतं निब्बानं, एतं **निस्सरणप्पहानं** नाम । सब्बम्पि चेतं पहानं यस्मा चागट्टेन पहानं, विनयट्टेन विनयो, तस्मा “पहानविनयो”ति वुच्चति । तंतंपहानवतो वा तस्स तस्स विनयस्स सम्भवतोपेतं “पहानविनयो”ति वुच्चति । एवं पहानविनयोपि पञ्चधा भिज्जतीति वेदितब्बो ।

एवमयं सङ्खेपतो दुविधो, भेदतो च दसविधो विनयो भिन्नसंवरत्ता पहातब्बस्स च अप्पहीनत्ता यस्मा एतस्स अस्सुतवतो पुथुज्जनस्स नत्थि, तस्मा अभावतो तस्स अयं “अविनीतो”ति वुच्चतीति । एस नयो **सप्पुरिसानं अदस्सावी सप्पुरिसधम्मस्स अकोविदो सप्पुरिसधम्मे अविनीतो**ति एत्थापि । निन्नानाकरणञ्चि एतं अत्थतो । यथाह —

“येव ते अरिया, तेव ते सप्पुरिसा । येव ते सप्पुरिसा, तेव ते अरिया । यो एव सो अरियानं धम्मो, सो एव सो सप्पुरिसानं धम्मो । यो एव सो सप्पुरिसानं धम्मो, सो एव सो अरियानं धम्मो । येव ते अरियविनया, तेव ते सप्पुरिसविनया । येव ते सप्पुरिसविनया, तेव ते अरियविनया । अरियेति वा सप्पुरिसेति वा, अरियधम्मेति वा सप्पुरिसधम्मेति वा, अरियविनयेति वा सप्पुरिसविनयेति वा एसेसे एके एकट्ठे समे समभागे तज्जाते तज्जेवा”ति ।

**रूपं अत्ततो समनुपस्सतीति** इधेकच्चो रूपं अत्ततो समनुपस्सति, “यं रूपं, सो अहं, यो अहं, तं रूपं”न्ति रूपञ्च अत्तञ्च अद्वयं समनुपस्सति । सेय्यथापि नाम तेलप्पदीपस्स ज्ञायतो या अच्चि, सो वण्णो । यो वण्णो, सा अच्चीति अच्चिञ्च वण्णञ्च अद्वयं समनुपस्सति, एवमेव इधेकच्चो रूपं अत्ततो समनुपस्सति...पे०... अद्वयं समनुपस्सतीति एवं रूपं “अत्ता”ति दिट्ठिपस्सनाय पस्सति । **रूपवन्तं वा अत्तानन्ति** अरूपं “अत्ता”ति गहेत्वा छायावन्तं रुक्खं विय तं रूपवन्तं समनुपस्सति । **अत्तनि वा रूपन्ति** अरूपमेव “अत्ता”ति गहेत्वा पुप्फस्मिं गन्धं विय अत्तनि रूपं समनुपस्सति । **रूपस्मिं वा अत्तानन्ति** अरूपमेव “अत्ता”ति गहेत्वा करण्डके मणिं विय तं अत्तानं रूपस्मिं समनुपस्सति । **परियुट्ठुट्ठायीति** परियुट्ठानाकारेण अभिभवनाकारेण ठितो, “अहं रूपं, मम रूपं”न्ति एवं तण्हादिट्ठीहि गिलित्वा परिनिट्ठुपेत्वा गण्हनको नाम होतीति अत्थो । **तस्स तं रूपन्ति** तस्स तं एवं गहितं रूपं । वेदनादीसुपि एसेव नयो ।

तत्थ “रूपं अत्ततो समनुपस्सती”ति सुद्धरूपमेव अत्ताति कथितं । “रूपवन्तं वा अत्तानं, अत्तनि वा रूपं, रूपस्मिं वा अत्तानं, वेदनं अत्ततो...पे०... सज्जं... सङ्खारे... विज्जाणं अत्ततो समनुपस्सती”ति इमेसु सत्तसु ठानेसु अरूपं अत्ताति कथितं । “वेदनावन्तं वा अत्तानं, अत्तनि वा वेदनं, वेदनाय वा अत्तानं”न्ति एवं चतूसु खन्धेसु तिण्णं तिण्णं वसेन द्वादससु ठानेसु रूपारूपमिस्सको अत्ता कथितो । तत्थ “रूपं अत्ततो समनुपस्सति, वेदनं... सज्जं... सङ्खारे... विज्जाणं अत्ततो समनुपस्सती”ति इमेसु पञ्चसु ठानेसु उच्छेददिट्ठि कथिता, अवसेसेसु सस्सतदिट्ठीति एवमेत्थ पन्नरस भवदिट्ठियो पञ्च विभवदिट्ठियो होन्ति, ता सब्बापि मग्गावरणा, न सग्गावरणा, पठममग्गवज्झाति वेदितब्बा ।

**एवं खो, गहपति, आतुरकायो चेव होति आतुरचित्तो चाति** कायो नाम बुद्धानम्पि आतुरोयेव । चित्तं पन रागदोसमोहानुगतं आतुरं नाम, तं इध दस्सितं । **नो च आतुरचित्तो**ति इध निक्किलेसताय चित्तस्स अनातुरभावो दस्सितो । इति इमस्मिं सुत्ते लोकियमहाजनो आतुरकायो चेव आतुरचित्तो चाति दस्सितो, खीणासवा आतुरकाया अनातुरचित्ता, सत्त सेखा नेव आतुरचित्ता, न अनातुरचित्ताति वेदितब्बा । भजमाना पन अनातुरचित्ततंयेव भजन्तीति । पठमं ।

## २. देवदहसुत्तवण्णना

२. दुतिये देवदहन्ति देवा वुच्चन्ति राजानो, तेसं मङ्गलदहो, सयंजातो वा सो दहोति, तस्मा “देवदहो”ति वुत्तो। तस्स अविदूरे निगमो देवदहन्त्वेव नपुंसकलिङ्गवसेन सङ्गं गतो। **पच्छाभूमगमिका**ति पच्छाभूमं अपरदिसायं निविट्ठं जनपदं गन्तुकामा। **निवासन्ति** तेमासं वस्सावासं। **अपलोकितो**ति आपुच्छितो। **अपलोकेथा**ति आपुच्छथ। कस्मा थेरं आपुच्छापेति? ते सभारे कातुकामताय। यो हि एकविहारे वसन्तोपि सन्तिकं न गच्छति पक्कमन्तो अनापुच्छा पक्कमति, अयं निम्भारो नाम। यो एकविहारे वसन्तोपि आगन्त्वा पस्सति, पक्कमन्तो आपुच्छति, अयं सभारो नाम। इमेपि भिक्खू भगवा “एवमिमे सीलादीहि वड्ढिस्सन्ती”ति सभारे कातुकामो आपुच्छापेति।

**पण्डितो**ति धातुकोसल्लादिना चतुब्बिधेन पण्डित्त्वेन समन्नागतो। **अनुग्गाहको**ति आमिसानुग्गाहेन च धम्मानुग्गाहेन चाति द्वीहिपि अनुग्गाहेहि अनुग्गाहको। थेरो किर अज्जे भिक्खू विय पातोव पिण्डाय अगन्त्वा सब्बभिक्खूसु गतेसु सकलं सङ्घारामं अनुविचरन्तो असम्मट्टुट्ठानं सम्मज्जति, अछट्ठितं कचवरं छट्ठेति, सङ्घारामे दुन्निक्खित्तानि मज्जपीठदारुभण्डमत्तिकाभण्डानि पटिसामेति। किं कारण? “मा अज्जतिथिया विहारं पविट्ठा दिस्वा परिभवं अकंसू”ति। ततो गिलानसालं गन्त्वा गिलाने अस्सासेत्वा “केनत्थो”ति पुच्छित्वा येन अत्थो होति, तदत्थं तेसं दहरसामणेरे आदाय भिक्खाचारवत्तेन वा सभागट्ठाने वा भेसज्जं परियेसित्वा तेसं दत्त्वा, “गिलानुपट्ठानं नाम बुद्धपच्चेकबुद्धेहि वण्णितं, गच्छथ सप्पुरिसा अप्पमत्ता होथा”ति ते पेसेत्वा सयं पिण्डाय चरित्वा उपट्ठाककुले वा भत्तकिच्चं कत्वा विहारं गच्छति। इदं तावस्स निबद्धवासट्ठाने आचिण्णं।

भगवति पन चारिकं चरमाने “अहं अग्गसावको”ति उपाहनं आरुह्य छत्तं गहेत्वा पुरतो पुरतो न गच्छति। ये पन तत्थ महल्लका वा आबाधिका वा अतिदहरा वा, तेसं रुज्जनट्ठानानि तेलेन मक्खापेत्वा पत्तचीवरं अत्तनो दहरसामणेरेहि गाहापेत्वा तंदिवसं वा दुतियदिवसं वा ते गण्हित्वाव गच्छति। एकदिवसज्झि तज्जेव आयस्मन्तं अतिविकाले सम्पत्तत्ता सेनासनं अलभित्वा, चीवरकुटियं निसिन्नं दिस्वा, सत्था पुनदिवसे भिक्खुसङ्गं सन्निपातापेत्वा, हत्थिवानरतित्तिरवत्थुं कथेत्वा, “यथावुट्ठं सेनासनं दातब्ब”न्ति सिक्खापदं पज्जापेसि। एवं तावेस आमिसानुग्गाहेन अनुग्गण्हाति। ओवदन्तो पनेस सतवारम्पि सहस्सवारम्पि ताव ओवदति, याव सो पुग्गलो सोतापत्तिफले पतिट्ठाति, अथ नं विस्सज्जेत्वा अज्जं ओवदति। इमिना नयेन ओवदतो चस्स ओवादे ठत्वा अरहत्तं पत्ता गणनपथं अतिक्कन्ता। एवं धम्मानुग्गाहेन अनुग्गण्हाति।

**पच्चस्सोसु**न्ति ते भिक्खू “अम्हाकं नेव उपज्झायो, न आचरियो न सन्दिट्ठसम्भत्तो। किं तस्स सन्तिके करिस्सामा”ति? तुण्हीभावं अनापज्जित्वा “एवं, भन्ते”ति सत्थु वचनं सम्पटिच्छिंसु। **एळगलागुम्बे**ति गच्छमण्डपके। सो किर एळगलागुम्बो धुवसलिलट्ठाने जातो। अथेत्थ चतूहि पादेहि मण्डपं कत्वा तस्स उपरि तं गुम्बं आरोपेसुं, सो तं मण्डपं छादेसि। अथस्स हेट्ठा इट्ठकाहि परिचिनित्वा वालिकं ओकिरित्वा आसनं पज्जापयिंसु। सीतलं दिवाट्ठानं उदकवातो वायति। थेरो तस्मिं निसीदि। तं सन्धाय वुत्तं “एळगलागुम्बे”ति।

**नानावेरज्जगतन्ति** एकस्स रज्जो रज्जतो नानाविधं रज्जगतं। **विरज्जन्ति** अज्जं रज्जं। यथा हि सदेसतो अज्जो विदेसो, एवं निवुत्थरज्जतो अज्जं रज्जं विरज्जं नाम, तं वेरज्जन्ति वुत्तं। **खत्तियपण्डिता**ति बिम्बिसारकोसलराजादयो पण्डितराजानो। **ब्राह्मणपण्डिता**ति चङ्कीतारुक्खादयो पण्डितब्राह्मणा। **गहपतिपण्डिता**ति चित्तसुदत्तादयो पण्डितगहपतयो। **समणपण्डिता**ति सभियपिलोतिकादयो पण्डितपरिब्बाजका। **वीमंसका**ति अत्थगवेसिनो। **किंवादी**ति

किं अत्तनो दस्सनं वदति, किं लद्धिकोति अत्थो । **किमक्खायी**ति किं सावकानं ओवादानुसासनिं आचिक्खति? **धम्मस्स चानुधम्मन्ति** भगवता वुत्तब्बाकरणस्स अनुब्बाकरणं । **सहधम्मिको**ति सकारणो । **वादानुवादो**ति भगवता वुत्तवादस्स अनुवादो । “वादानुपातो”तिपि पाठो, सत्थु वादस्स अनुपातो अनुपतनं, अनुगमनन्ति अत्थो । इमिनापि वादं अनुगतो वादोयेव दीपितो होति ।

**अविगतरागस्सा**ति आदीसु तण्हावसेनेव अत्थो वेदितब्बो । तण्हा हि रज्जनतो **रागो**, छन्दियनतो **छन्दो**, पियायनट्ठेन **पेमं**, पिवितुकामट्ठेन **पिपासा**, अनुदहनट्ठेन **परिळाहो**ति वुच्चति । **अकुसले चावुसो**, धम्मेतिआदि कस्मा आरब्धं? पञ्चसु खन्धेसु अवीतरागस्स आदीनवं, वीतरागस्स च आनिसंसं दस्सेतुं । तत्र **अविघातो**ति निद्दुक्खो । **अनुपायासो**ति निरुपतापो । **अपरिळाहो**ति निद्दाहो । एवं सब्बत्थ अत्थो वेदितब्बो । दुतियं ।

### ३. हालिद्विकानिसुत्तवण्णना

३. ततिये **अवन्तीसू**ति अवन्तिदक्खिणापथसङ्घाते अवन्तिरट्ठे । **कुररघरे**ति एवंनामके नगरे । **पपाते**ति एकतो पपाते । तस्स किर पब्बतस्स एकं पस्सं छिन्दित्वा पातितं विय अहोसि । “पवत्ते”तिपि पाठो, नानातित्थियानं लद्धिपवत्तट्ठानेति अत्थो । इति थेरो तस्मिं रट्ठे तं नगरं निस्साय तस्मिं पब्बते विहरति । **हालिद्विकानी**ति एवंनामको । **अट्ठकवगिये मागण्डियपज्जे**ति अट्ठकवगिकम्हि मागण्डियपज्जो नाम अत्थि, तस्मिं पज्जे । **रूपधातू**ति रूपक्खन्धो अधिप्पेतो । **रूपधातुरागविनिबद्धन्ति** रूपधातुम्हि रागेन विनिबद्धं । **विज्जाणन्ति** कम्मविज्जाणं । **ओकसारी**ति गेहसारी आलयसारी ।

कस्मा पनेत्थ “विज्जाणधातु खो, गहपती”ति न वुत्तन्ति? सम्मोहविघातत्थं । “ओको”ति हि अत्थतो पच्चयो वुच्चति, पुरेजातञ्च कम्मविज्जाणं पच्छाजातस्स कम्मविज्जाणस्सपि विपाकविज्जाणस्सपि विपाकविज्जाणञ्च विपाकविज्जाणस्सपि कम्मविज्जाणस्सपि पच्चयो होति, तस्मा “कतरं नु खो इध विज्जाण”न्ति? सम्मोहो भवेय्य, तस्स विघातत्थं तं अगहेत्वा असम्भिन्नाव देसना कता । अपिच आरम्भणवसेन चतस्सो अभिसङ्खारविज्जाणट्ठितियो वुत्ताति ता दस्सेतुम्पि इध विज्जाणं न गहितं ।

**उपयुपादाना**ति तण्हूपयदिट्ठूपयवसेन द्वे उपया, कामुपादानादीनि चत्तारि उपादानानि च । **चेतसो अधिट्ठानाभिनिवेसानुसया**ति अकुसलचित्तस्स अधिट्ठानभूता चेव अभिनिवेसभूता च अनुसयभूता च । **तथागतस्सा**ति सम्मासम्बुद्धस्स । सब्बेसम्पि हि खीणासवानं एते पहीनाव, सत्थु पन खीणासवभावो लोके अतिपाकटोति उपरिमकोटिया एवं वुत्तं । **विज्जाणधातुया**ति इध विज्जाणं कस्मा गहितं? किलेसप्पहानदस्सनत्थं । किलेसा हि न केवलं चतूसुयेव खन्धेसु पहीना पहीयन्ति, पञ्चसुपि पहीयन्ति येवाति किलेसप्पहानदस्सनत्थं गहितं । **एवं खो, गहपति, अनोकसारी होती**ति एवं कम्मविज्जाणेन ओकं असरन्तेन अनोकसारी नाम होति ।

**रूपनिमित्तनिकेतविसारविनिबन्धा**ति रूपमेव किलेसानं पच्चयट्ठेन निमित्तं, आरम्भणकिरियसङ्घातनिवासनट्ठानट्ठेन निकेतन्ति रूपनिमित्तनिकेतं । विसारो च विनिबन्धो च विसारविनिबन्धा । उभयेनपि हि किलेसानं पत्थट्ठभावो च विनिबन्धनभावो च वुत्तो, रूपनिमित्तनिकेते विसारविनिबन्धाति रूपनिमित्तनिकेतविसारविनिबन्धा, तस्मा रूपनिमित्तनिकेतम्हि उप्पन्नेन किलेसविसारेन चेव किलेसबन्धनेन चाति अत्थो । **निकेतसारीति वुच्चती**ति आरम्भणकरणवसेन निवासनट्ठानं सारीति वुच्चति । **पहीना**ति ते

रूपनिमित्तनिकेतकिलेसविसारविनिबन्धा पहीना ।

कस्मा पनेत्थ पञ्चकखन्धा “ओका”ति वुत्ता, छ आरम्मणानि “निकेत”न्ति? छन्दरागस्स बलवदुब्बलताय । समानेपि हि एतेसं आलयट्टेन विसयभावे ओकोति निच्चनिवासनट्टानगेहमेव वुच्चति, निकेतन्ति “अज्ज असुकट्टाने कीळिस्सामा”ति कतसङ्केतट्टानं निवासट्टानं उय्यानादि । तत्थ यथा पुत्तदारधनधज्जपुण्णगेहे छन्दरागो बलवा होति, एवं अज्झत्तिकेसु खन्धेसु । यथा पन उय्यानट्टानादीसु ततो दुब्बलतरो होति, एवं बाहिरेसु छसु आरम्मणेसूति छन्दरागस्स बलवदुब्बलताय एवं देसना कताति वेदितब्बो ।

सुखितेसु सुखितोति उपट्टाकेसु धनधज्जलाभादिवसेन सुखितेसु “इदानीहं मनापं भोजनं लभिस्सामी”ति गेहसितसुखेन सुखितो होति, तेहि पत्तसम्पत्तिं अनुभवमानो विय चरति । दुक्खितेसु दुक्खितोति तेसं केनचिदेव कारणेन दुक्खे उप्पन्ने सयं द्विगुणेन दुक्खेन दुक्खितो होति । किच्चकरणीयेसूति किच्चसङ्घातेसु करणीयेसु । तेसु योगं आपज्जतीति उपयोगं सयं तेसं किच्चानं कत्तब्बतं आपज्जति । कामेसूति वत्थुकामेसु । एवं खो, गहपति, कामेहि अरित्तो होतीति एवं किलेसकामेहि अरित्तो होति अन्तो कामानं भावेन अतुच्छो । सुक्कपक्खो तेसं अभावेन रिक्तो तुच्छोति वेदितब्बो ।

पुरक्खरानोति वट्ठं पुरतो कुरुमानो । एवंरूपो सियन्तिआदीसु दीघरस्सकाळोदातादीसु रूपेसु “एवंरूपो नाम भवेय्य”न्ति पत्थेति । सुखादीसु वेदनासु एवंवेदनो नाम; नीलसज्जादीसु सज्जासु एवं सज्जो नाम; पुज्जाभिसङ्घारादीसु सङ्घारेसु एवंसङ्घारो नाम; चक्खुविज्जाणादीसु विज्जाणेसु “एवं विज्जाणो नाम भवेय्य”न्ति पत्थेति ।

अपुरक्खरानोति वट्ठं पुरतो अकुरुमानो । सहितं मे, असहितं तेति तुय्हं वचनं असहितं असिलिट्ठं, मय्हं सहितं सिलिट्ठं मधुरपानसदिसं । अधिचिण्णं ते विपरावत्तन्ति यं तुय्हं दीघेन कालेन परिचितं सुप्पगुणं, तं मम वादं आगम्म सब्बं खणेन विपरावत्तं निवत्तं । आरोपितो ते वादोति तुय्हं दोसो मया आरोपितो । चर वादप्पमोक्खायाति तं तं आचरियं उपसङ्गमित्वा उत्तरि परियेसन्तो इमस्स वादस्स मोक्खाय चर आहिण्डाहि । निब्बेठेहि वा सचे पहोसीति अथ सयमेव पहोसि, इधेव निब्बेठेहीति । ततियं ।

#### ४. दुतियहालिदिकानिसुत्तवण्णना

४. चतुत्थे सक्कपज्हेति चूळसक्कपज्हे, महासक्कपज्हेपेतं वुत्तमेव । तण्हासङ्खयविमुत्ताति तण्हासङ्खये निब्बाने तदारम्मणाय फलविमुत्तिया विमुत्ता । अच्चन्तनिट्ठाति अन्तं अतिककन्तनिट्ठा सततनिट्ठा । सेसपदेसुपि एसेव नयो । चतुत्थं ।

#### ५. समाधिसुत्तवण्णना

५. पञ्चमे समाधिन्ति इदं भगवा ते भिक्खू चित्तेकग्गताय परिहायन्ते दिस्वा, “चित्तेकग्गतं लभन्तानं इमेसं कम्मट्ठानं फातिं गमिस्सती”ति जत्वा आह । अभिनन्दतीति पत्थेति । अभिवदतीति ताय अभिनन्दनाय “अहो पियं इट्ठं कन्तं मनाप”न्ति वदति । वाचं अभिनन्दन्तोपि च तं आरम्मणं निस्साय एवं लोभं उप्पादेन्तो अभिवदतियेव नाम । अज्झोसाय तिट्ठतीति गिलित्वा परिनिट्ठपेत्वा गण्हाति । या रूपे नन्दीति या सा रूपे बलवपत्थनासङ्घाता नन्दी । तदुपादानन्ति तं गहणट्टेन उपादानं । नाभिनन्दतीति न पत्थेति । नाभिवदतीति पत्थनावसेन न “इट्ठं कन्त”न्ति वदति । विपस्सनाचित्तेन चेतसा “अनिच्चं दुक्ख”न्ति वचीभेदं करोन्तोपि नाभिवदतियेव । पञ्चमं ।

## ६. पटिसल्लाणसुत्तवण्णना

६. छट्ठे पटिसल्लाणेति इदं भगवा ते भिक्खू कायविवेकेन परिहायन्ते दिस्वा “कायविवेकं लभन्तानं इमेसं कम्मङ्गानं फातिं गमिस्सती”ति अत्वा आह । छट्ठं ।

## ७. उपादापरितस्सनासुत्तवण्णना

७. सत्तमे उपादापरितस्सनन्ति गहणेन उप्पन्नं परितस्सनं । अनुपादाअपरितस्सनन्ति अगगहणेन अपरितस्सनं । रूपविपरिणामानुपरिवत्तिविज्जाणं होतीति “मम रूपं विपरिणत”न्ति वा “अहु वत मेतं, दानि वत मे नत्थी”ति वा आदिना नयेन कम्मविज्जाणं रूपस्स भेदानुपरिवत्ति होति । विपरिणामानुपरिवत्तिजाति विपरिणामस्स अनुपरिवत्तितो विपरिणामारम्मणचित्ततो जाता । परितस्सना धम्मसमुप्पादाति तण्हापरितस्सना च अकुसलधम्मसमुप्पादा च । चित्तन्ति कुसलचित्तं । परियादाय तिट्ठन्तीति परियादयित्वा तिट्ठन्ति । उत्तासवाति सउत्तासो । विघातवाति सविघातो सदुक्खो । अपेक्खवाति सालयो । उपादाय च परितस्सतीति गण्हित्वा परितस्सको नाम होति । न रूपविपरिणामानुपरिवत्तीति खीणासवस्स कम्मविज्जाणमेव नत्थि, तस्मा रूपभेदानुपरिवत्ति न होतीति वत्तुं वट्ठति । सत्तमं ।

## ८. दुतियउपादापरितस्सनासुत्तवण्णना

८. अट्ठमे तण्हामानदिट्ठिवसेन देसना कता । इति पटिपाटिया चतूसु सुत्तेसु वट्ठिवट्ठमेव कथितं । अट्ठमं ।

## ९. कालत्तयअनिच्चसुत्तवण्णना

९. नवमे को पन वादो पच्चुप्पन्नस्साति पच्चुप्पन्नम्हि कथाव का, अनिच्चमेव तं । ते किर भिक्खू अतीतानागतं अनिच्चन्ति सल्लक्खेत्वा पच्चुप्पन्ने किलमिंसु, अथ नेसं इतो अतीतानागतेपि “पच्चुप्पन्नं अनिच्च”न्ति वुच्चमाने बुज्झिस्सन्तीति अज्झासयं विदित्वा सत्था पुग्गलज्झासयेन इमं देसनं देसेसि । नवमं ।

## १०-११. कालत्तयदुक्खसुत्तादिवण्णना

१०-११. दसमेकादसमानि दुक्खं अनत्ताति पदेहि विसेसेत्वा तथारूपेनेव पुग्गलज्झासयेन कथितानीति । दसमेकादसमानि ।

नकुलपितुवग्गो पठमो ।

## २. अनिच्चवग्गो

## १-१०. अनिच्चसुत्तादिवण्णना

१२-२१. अनिच्चवग्गे परियोसानसुत्तं पुच्छावसिकं, सेसानि तथा तथा बुज्जनकानञ्च वसेन देसितानीति । पठमादीनि ।

अनिच्चवग्गो दुतियो ।



### ३. भारवग्गो

#### १. भारसुत्तवण्णना

२२. भारवग्गस्स पठमे पञ्चुपादानक्खन्धातिस्स वचनीयन्ति पञ्चुपादानक्खन्धा इति अस्स वचनीयं, एवं वत्तब्बं भवेय्याति अत्थो। अयं वुच्चति, भिक्खवे, भारोति ये इमे पञ्चुपादानक्खन्धा, अयं भारोति वुच्चति। केनट्ठेनाति? परिहारभारियट्ठेन। एतेसज्जि ठापनगमननिसीदापननिपज्जापनन्हापनमण्डनखादापनभुज्जापनादिपरिहारो भारियोति परिहारभारियट्ठेन भारोति वुच्चति। एवंनामोति तिस्रो दत्तोतिआदिनामो। एवंगोत्तोति कण्हायनो वच्छायनोतिआदिगोत्तो। इति वोहारमत्तसिद्धं पुग्गलं “भारहारो”ति कत्वा दस्सेति। पुग्गलो हि पटिसन्धिक्खणेयेव खन्धभारं उक्खिपित्वा दसपि वस्सानि वीसतिपि वस्ससतम्पीति यावजीवं इमं खन्धभारं न्हापेन्तो भोजेन्तो मुदुसम्फस्समज्जपीठेसु निसीदापेन्तो निपज्जापेन्तो परिहरित्वा चुतिक्खणे छट्ठेत्वा पुन पटिसन्धिक्खणे अपरं खन्धभारं आदियति, तस्मा भारहारोति जातो।

पोनोभविकाति पुनब्भवनिब्बत्तिका। नन्दीरागसहगताति नन्दिरागेन सह एकत्तमेव गता। तब्भावसहगतज्जि इध अधिप्पेतं। तत्र तत्राभिनन्दिनीति उपपत्तिट्ठाने वा रूपादीसु वा आरम्मणेसु तत्थ तत्थ अभिनन्दनसीलाव। कामतण्हादीसु पञ्चकामगुणिको रागो कामतण्हा नाम, रूपारूपभवरारो ज्ञाननिकन्ति सस्सतदिट्ठिसहगतो रागोति अयं भवतण्हा नाम, उच्छेददिट्ठिसहगतो रागो विभवतण्हा नाम। भारादानन्ति भारगहणं। तण्हाय हि एस भारं आदियति। असेसविरागनिरोधोतिआदि सब्बं निब्बानस्सेव वेवचनं। तज्जि आगम्म तण्हा असेसतो विरज्जति निरुज्जति चजियति पटिनस्सज्जियति विमुच्चति, नत्थि चेत्थ कामालयो वा दिट्ठालयो वाति निब्बानं एतानि नामानि लभति। समूलं तण्हन्ति तण्हाय अविज्जा मूलं नाम। अब्बुट्ठाति अरहत्तमग्गेन तं समूलकं उद्धरित्वा। निच्छातो परिनिब्बुतोति नित्तण्हो परिनिब्बुतो नामाति वत्तुं वट्ठतीति। पठमं।

#### २. परिज्जसुत्तवण्णना

२३. दुतिये परिज्जेय्येति परिजानितब्बे, समतिक्कमितब्बेति अत्थो। परिज्जन्ति अच्चन्तपरिज्जं, समतिक्कमन्ति अत्थो। रागक्खयोतिआदि निब्बानस्स नामं। तज्जि अच्चन्तपरिज्जा नाम। दुतियं।

#### ३. अभिजानसुत्तवण्णना

२४. ततिये अभिजानन्ति अभिजानन्तो। इमिना जातपरिज्जा कथिता, दुतियपदेन तीरणपरिज्जा, ततियचतुत्थेहि पहानपरिज्जाति इमस्मिं सुत्ते तिस्रो परिज्जा कथिताति। ततियं।

#### ४-९. छन्दरागसुत्तादिवण्णना

२५-३०. चतुत्थादीनि धातुसंयुत्ते वुत्तनयेनेव वेदितब्बानि। पटिपाटिया पनेत्थ पञ्चमछट्ठसत्तमेसु चत्तारि सच्चानि कथितानि, अट्ठमनवमेसु वट्ठविवट्ठं। चतुत्थादीनि।

#### १०. अघमूलसुत्तवण्णना

३१. दसमे अघन्ति दुक्खं। एवमेत्थ दुक्खलक्खणमेव कथितं। दसमं।

## ११. पभङ्गसुत्तवण्णना

३२. एकादसमे पभङ्गन्ति पभिज्जनसभावं । एवमिध अनिच्चलक्खणमेव कथितन्ति । एकादसमं ।

भारवग्गो ततियो ।

## ४. नतुम्हाकवग्गो

### १. नतुम्हाकसुत्तवण्णना

३३. नतुम्हाकवग्गस्स पठमे पजहथाति छन्दरागप्पहानेन पजहथ । तिणादीसु तिणं नाम अन्तोफेग्गु बहिसारं तालनाळिकेरादि । कट्ठं नाम अन्तोसारं बहिफेग्गु खदिरसालसाकपनसादि । साखा नाम रुक्खस्स बाहा विय निक्खन्ता । पलासं नाम तालनाळिकेरपण्णादि । पठमं ।

### २. दुतियनतुम्हाकसुत्तवण्णना

३४. दुतियं विना उपमाय बुज्झनकानं अज्झासयेन वुत्तं । दुतियं ।

### ३. अज्जतरभिक्षुसुत्तवण्णना

३५. ततिये रूपञ्चे, भन्ते, अनुसेतीति यदि रूपं अनुसेति । तेन सङ्खं गच्छतीति कामरागादीसु येन अनुसयेन तं रूपं अनुसेति, तेनेव अनुसयेन “रत्तो दुट्ठो मूळ्हो”ति पण्णत्तिं गच्छति । न तेन सङ्खं गच्छतीति तेन अभूतेन अनुसयेन “रत्तो दुट्ठो मूळ्हो”ति सङ्खं न गच्छतीति । ततियं ।

### ४. दुतियअज्जतरभिक्षुसुत्तवण्णना

३६. चतुत्थे तं अनुमीयतीति तं अनुसयितं रूपं मरन्तेन अनुसयेन अनुमरति । न हि आरम्मणे भिज्जमाने तदारम्मणा धम्मा तिड्ढन्ति । यं अनुमीयतीति यं रूपं येन अनुसयेन अनुमरति । तेन सङ्खं गच्छतीति तेन अनुसयेन “रत्तो दुट्ठो मूळ्हो”ति सङ्खं गच्छति । अथ वा यन्ति करणवचनमेतं, येन अनुसयेन अनुमीयति, तेन “रत्तो दुट्ठो मूळ्हो”ति सङ्खं गच्छतीति अत्थो । चतुत्थं ।

### ५-६. आनन्दसुत्तादिवण्णना

३७-३८. पच्चमे ठितस्स अज्जथत्तं पज्जायतीति धरमानस्स जीवमानस्स जरा पज्जायति । ठितीति हि जीवितिन्द्रियसङ्घाताय अनुपालनाय नामं । अज्जथत्तन्ति जराय । तेनाहु पोराणा —

“उप्पादो जाति अक्खातो, भङ्गो वुत्तो वयोति च ।

अज्जथत्तं जरा वुत्ता, ठिती च अनुपालना”ति ॥

एवं एकेकस्स खन्धस्स उप्पादजराभङ्गसङ्घातानि तीणि लक्खणानि होन्ति यानि सन्धाय वुत्तं “तीणिमानि, भिक्खवे,

सङ्घतस्स सङ्घतलक्खणानी'ति (अ० नि० ३.४७)।

तत्थ सङ्घतं नाम पच्चयनिब्बत्तो यो कोचि सङ्घारो। सङ्घारो च न लक्खणं, लक्खणं न सङ्घारो, न च सङ्घारेण विना लक्खणं पज्जापेतुं सक्का, नापि लक्खणं विना सङ्घारो, लक्खणेन पन सङ्घारो पाकटो होति। यथा हि न च गावीयेव लक्खणं, लक्खणमेव न गावी, नापि गाविं मुञ्चित्वा लक्खणं पज्जापेतुं सक्का, नापि लक्खणं मुञ्चित्वा गाविं, लक्खणेन पन गावी पाकटा होति, एवंसम्पदमिदं वेदितव्वं।

तत्थ सङ्घारानं उप्पादक्खणे सङ्घारोपि उप्पादलक्खणमि कालसङ्घातो तस्स खणोपि पज्जायति। “उप्पादोपी”ति वुत्ते सङ्घारोपि जरालक्खणमि कालसङ्घातो तस्स खणोपि पज्जायति। भङ्गक्खणे सङ्घारोपि तंलक्खणमि कालसङ्घातो तस्स खणोपि पज्जायति। अपरे पन वदन्ति “अरूपधम्मानं जराखणो नाम न सक्का पज्जापेतुं, सम्मासम्बुद्धो च वेदनाय उप्पादो पज्जायति, वयो पज्जायति, ठिताय अज्जथत्तं पज्जायती”ति वदन्तो अरूपधम्मानमि तीणि लक्खणानि पज्जापेति, तानि अत्थिक्खणं उपादाय लब्धन्ती’ति वत्वा —

“अत्थिता सब्बधम्मानं, ठिति नाम पवुच्चति।  
तस्सेव भेदो मरणं, सब्बदा सब्बपाणिन’न्ति ॥ —

इमाय आचरियगाथाय तमत्थं साधेन्ति। अथ वा सन्ततिवसेन ठानं ठितीति वेदितव्वन्ति च वदन्ति। यस्मा पन सुत्ते अयं विसेसो नत्थि, तस्मा आचरियमतिया सुत्तं अपटिबाहेत्वा सुत्तमेव पमाणं कत्तव्वं। छट्ठं उत्तानमेव। पञ्चमछट्ठानि।

### ७-१०. अनुधम्मसुत्तादिवण्णना

३९-४२. सत्तमे धम्मानुधम्मपटिपन्नस्साति नवन्नं लोकुत्तरधम्मानं अनुलोमधम्मं पुब्बभागपटिपदं पटिपन्नस्स। अयमनुधम्मोति अयं अनुलोमधम्मो होति। निब्बिदाबहुलोति उक्कण्ठनबहुलो हुत्वा। परिजानातीति तीहि परिज्जाहि परिजानाति। परिमुच्चतीति मग्गक्खणे उप्पन्नाय पहानपरिज्जाय परिमुच्चति। एवं इमस्मिं सुत्ते मग्गोव कथितो होति, तथा इतो परेसु तीसु। इध पन अनुपस्सना अनियमिता, तेसु नियमिता। तस्मा इधापि सा तत्थ नियमितवसेनेव नियमेतव्वा। न हि सक्का तीसु अज्जतरं अनुपस्सनं विना निब्बिन्दितुं परिजानितुं वाति। सत्तमादीनि।

नतुम्हाकवग्गो चतुत्थो।

### ५. अत्तदीपवग्गो

#### १. अत्तदीपसुत्तवण्णना

४३. अत्तदीपवग्गस्स पठमे अत्तदीपाति अत्तानं दीपं ताणं लेणं गतिं परायणं पतिट्ठं कत्वा विहरथाति अत्थो। अत्तसरणाति इदं तस्सेव वेवचनं। अनज्जसरणाति इदं अज्जस्स सरणपटिक्खेपवचनं। न हि अज्जो अज्जस्स सरणं होति अज्जस्स वायामेन अज्जस्स असिज्जनतो, वुत्तमि चेतं —

“अत्ता हि अत्तनो नाथो,

को हि नाथो परो सिया'ति॥ (ध० प० १६०)।

तेनाह “अनञ्जसरणा”ति। को पनेत्थ अत्ता नाम? लोकियलोकुत्तरो धम्मो। तेनेवाह — “धम्मदीपा धम्मसरणा अनञ्जसरणा”ति। योनीति कारणं — “योनि हेसा, भूमिज, फलस्स अधिगमाया”तिआदीसु (म० नि० ३.२२७) विय। किंपहोतिकाति किंपभुतिका, कुतो पभवन्तीति अत्थो? रूपस्स त्वेवाति इदं तेसंयेव सोकादीनं प्हानदस्सनत्थं आरब्धं। न परितस्सतीति न गण्हाति न गहति। तदङ्गनिब्बुतोति तेन विपस्सनाङ्गेन किलेसानं निब्बुतत्ता तदङ्गनिब्बुतो। इमस्मिं सुत्ते विपस्सनाव कथिता। पठमं।

## २. पटिपदासुत्तवण्णना

४४. दुतिये दुक्खसमुदयगामिनी समनुपस्सनाति यस्मा सक्कायो दुक्खं, तस्स च समुदयगामिनी पटिपदा नाम “रूपं अत्ततो समनुपस्सती”ति एवं दिट्ठिसमनुपस्सना वुत्ता, तस्मा दुक्खसमुदयगामिनी समनुपस्सनाति अयमेत्थ अत्थो होति। दुक्खनिरोधगामिनी समनुपस्सनाति एत्थ सह विपस्सनाय चतुमग्गजाणं “समनुपस्सना”ति वुत्तं। इति इमस्मिं सुत्ते वट्ठविट्ठं कथितं। दुतियं।

## ३. अनिच्चसुत्तवण्णना

४५. ततिये सम्मप्यज्जाय दट्ठब्बन्ति सह विपस्सनाय मग्गपज्जाय दट्ठब्बं। विरज्जति विमुच्चतीति मग्गक्खणे विरज्जति, फलक्खणे विमुच्चति। अनुपादाय आसवेहीति अनुप्पादनरोधेन निरुद्धेहि आसवेहि अगहेत्वा इति विमुच्चति। रूपधातुयातिआदि पच्चवेक्खणदस्सनत्थं वुत्तं। सह फलेन पच्चवेक्खणदस्सनत्थन्तिपि वदन्तियेव। ठितन्ति उपरि कत्तब्बकिच्चाभावेन ठितं। ठितत्ता सन्तुस्सितन्ति पत्तब्बं पत्तभावेन सन्तुट्ठं। पच्चत्तंयेव परिनिब्बायतीति सयमेव परिनिब्बायति। ततियं।

## ४. दुतियानिच्चसुत्तवण्णना

४६. चतुत्थे पुब्बन्तानुदिट्ठियोति पुब्बन्तं अनुगता अट्ठारस दिट्ठियो न होन्ति। अपरन्तानुदिट्ठियोति अपरन्तं अनुगता चतुचत्तालीस दिट्ठियो न होन्ति। थामसो परामासोति दिट्ठिथामसो चेव दिट्ठिपरामासो च न होति। एत्तावता पठममग्गो दस्सितो। इदानि सह विपस्सनाय तयो मग्गे च फलानि च दस्सेतुं रूपस्मिन्तिआदि आरब्धं। अथ वा दिट्ठियो नाम विपस्सनाय एव पहीना, इदं पन उपरि सह विपस्सनाय चत्तारो मग्गे दस्सेतुं आरब्धं। चतुत्थं।

## ५. समनुपस्सनासुत्तवण्णना

४७. पञ्चमे पञ्चुपादानक्खन्थे समनुपस्सन्ति एतेसं वा अज्जतरन्ति परिपुण्णगाहवसेन पञ्चक्खन्थे समनुपस्सन्ति, अपरिपुण्णगाहवसेन एतेसं अज्जतरं। इति अयज्जेव समनुपस्सनाति इति अयज्ज दिट्ठिसमनुपस्सना। अस्मीति चस्स अविगतं होतीति यस्स अयं समनुपस्सना अत्थि, तस्मिं अस्मीति तण्हामानदिट्ठिसङ्घातं पपञ्चत्तयं अविगतमेव होति। पञ्चन्नं इन्द्रियानं अवक्कन्ति होतीति तस्मिं किलेसजाते सति कम्मकिलेसपच्चयानं पञ्चन्नं इन्द्रियानं निब्बन्ति होति।

अत्थि, भिक्खवे, मनोति इदं कम्ममनं सन्धाय वुत्तं। धम्माति आरम्मणं। अविज्जाधातूति जवनक्खणे अविज्जा। अविज्जासम्पस्सजेनाति अविज्जासम्पयुत्तफस्सतो जातेन। अपिच मनोति भवङ्गक्खणे विपाकमनोधातु, आवज्जनक्खणे किरियमनोधातु। धम्मादयो वुत्तप्पकाराव। अस्मीतिपिस्स होतीति तण्हामानदिट्ठिवसेन अस्मीति एवम्पिस्स होति। इतो परेसु अयमहमस्मीति रूपादीसु किञ्चिदेव धम्मं गहेत्वा “अयं अहमस्मी”ति अत्तदिट्ठिवसेन वुत्तं। भविस्सन्ति सस्सतदिट्ठिवसेन। न भविस्सन्ति उच्छेददिट्ठिवसेन। रूपा भविस्सन्ति आदीनि सब्बानि सस्सतमेव भजन्ति। अथेत्याति अथ तेनेवाकारेन ठितेसु एतेसु इन्द्रियेसु। अविज्जा पहीयतीति चतूसु सच्चेसु अज्जाणभूता अविज्जा पहीयति। विज्जा उप्पज्जतीति अरहत्तमग्गविज्जा उप्पज्जति। एवमेत्थ अस्मीति तण्हामानदिट्ठियो। कम्मस्स पञ्चन्नञ्च इन्द्रियानं अन्तरे एको सन्धि, विपाकमनं पञ्चिन्द्रियपक्खिकं कत्वा पञ्चन्नञ्च इन्द्रियानं कम्मस्स च अन्तरे एको सन्धीति। इति तयो पपञ्चा अतीतो अब्बा, इन्द्रियादीनि पच्चुप्पन्नो अब्बा, तत्थ कम्ममनं आदिं कत्वा अनागतस्स पच्चयो दस्सितोति। पञ्चमं।

#### ६. खन्धसुत्तवण्णना

४८. छट्ठे रूपक्खन्धो कामावचरो, चत्तारो खन्धा चतुभूमका। सासवन्ति आसवानं आरम्मणभावेन पच्चयभूतं। उपादानियन्ति तथेव च उपादानानं पच्चयभूतं। वचनत्थो पनेत्थ — आरम्मणं कत्वा पवत्तेहि सह आसवेहीति सासवं। उपादातब्बन्ति उपादानियं। इधापि रूपक्खन्धो कामावचरो, अवसेसा तेभूमका विपस्सनाचारवसेन वुत्ता। एवमेत्थ रूपं रासट्ठेन खन्धेसु पविट्ठं, सासवरासट्ठेन उपादानक्खन्धेसु। वेदनादयो सासवापि अत्थि, अनासवापि अत्थि। ते रासट्ठेन सब्बेपि खन्धेसु पविट्ठा, तेभूमका पनेत्थ सासवट्ठेन उपादानक्खन्धेसु पविट्ठाति। छट्ठं।

#### ७-८. सोणसुत्तादिवण्णना

४९-५०. सत्तमे सेय्योहमस्मीति विसिद्धो उत्तमो अहमस्मि। किमज्जत्र यथाभूतस्स अदस्सनाति यथाभूतस्स अदस्सनतो अज्जं किं भवेय्य? अदस्सनं अज्जाणमेव भवेय्याति अत्थो। इदानिस्स ते परिवट्ठं वजिरभेददेसनं आरभन्तो तं किं मज्जसि सोणोति आदिमाह। अट्ठमं उत्तानमेव। सत्तमअट्ठमानि।

#### ९-१०. नन्दिक्खयसुत्तादिवण्णना

५१-५२. नवमदसमेसु नन्दिक्खया रागक्खयो, रागक्खया नन्दिक्खयोति इदं नन्दीति वा रागोति वा इमेसं अत्थतो निन्नानाकरणताय वुत्तं। निब्बिदानुपस्सनाय वा निब्बिन्दन्तो नन्दिं पजहति, विरागानुपस्सनाय विरज्जन्तो रागं पजहति। एतावता विपस्सनं निट्ठपेत्वा “रागक्खया नन्दिक्खयो”ति इध मग्गं दस्सेत्वा “नन्दिरागक्खया चित्तं विमुत्त”न्ति फलं दस्सितन्ति। नवमदसमानि।

अत्तदीपवग्गो पञ्चमो।

मूलपण्णासको समत्तो।

#### ६. उपयवग्गो

## १. उपयसुत्तवण्णना

५३. उपयवग्गस्स पठमे उपयोति तण्हामानदिट्ठिवसेन पञ्चक्खन्धे उपगतो । विज्जाणन्ति कम्मविज्जाणं । आपज्जेय्याति कम्मं जवापेत्वा पटिसन्धिआकड्ढनसमत्थताय वुद्धिआदीनि आपज्जेय्य । विज्जाणुपयन्ति पदस्स अग्गहणे कारणं वुत्तमेव । वोच्छिज्जतारम्मणन्ति पटिसन्धिआकड्ढनसमत्थताय अभावेन आरम्मणं वोच्छिज्जति । पतिट्ठा विज्जाणस्साति कम्मविज्जाणस्स पतिट्ठा न होति । तदप्पतिट्ठितन्ति तं अप्पतिट्ठितं । अनभिसङ्खच्च विमुत्तन्ति पटिसन्धिं अनभिसङ्खरित्वा विमुत्तं । पठमं ।

## २. बीजसुत्तवण्णना

५४. दुतिये बीजजातानीति बीजानि । मूलबीजन्ति वचं वचत्तं हलिद्वं सिङ्गिवेरन्ति एवमादि । खन्धबीजन्ति अस्सत्थो निग्रोधोति एवमादि । फलुबीजन्ति उच्छु वेळु नळोति एवमादि । अग्गबीजन्ति अज्जुकं फणिज्जकन्ति एवमादि । बीजबीजन्ति सालिवीहिआदि पुब्बणञ्चेव मुग्गमासादि अपरणञ्च । अखण्डानीति अभिन्नानि । भिन्नकालतो पट्टाय बीजं बीजत्थाय न उपकप्पति । अपूतिकानीति उदकतेमनेन अपूतिकानि । पूतिबीजज्झि बीजत्थाय न उपकप्पति । अवातातपहतानीति वातेन च आतपेन च न हतानि, निरोजतं न पापितानि । निरोजज्झि कसटं बीजं बीजत्थाय न उपकप्पति । सारादानीति गहितसारानि पतिट्ठितसारानि । निस्सारज्झि बीजं बीजत्थाय न उपकप्पति । सुखसयितानीति चत्तारो मासे कोट्टे पक्खित्तनियामेनेव सुखं सयितानि । पथवीति हेट्ठा पतिट्ठानपथवी । आपोति उपरिस्नेहनआपो । चतस्सो विज्जाणट्ठितियोति कम्मविज्जाणस्स आरम्मणभूता रूपादयो चत्तारो खन्धा । ते हि आरम्मणवसेन पतिट्ठाभूतत्ता पथवीधातुसदिसा । नन्दिरागो सिनेहनट्टेन आपोधातुसदिसो । विज्जाणं साहारन्ति सप्पच्चयं कम्मविज्जाणं । तज्झि बीजं विय पथवियं आरम्मणपथवियं विरुहति । दुतियं ।

## ३. उदानसुत्तवण्णना

५५. ततिये उदानं उदानेसीति बलवसोमनस्ससमुद्धानं उदानं उदाहरि । किं निस्साय पनेस भगवतो उप्पन्नोति । सासनस्स निय्यानिकभावं । कथं? एवं किरस्स अहोसि, “तयोमे उपनिस्सया — दानूपनिस्सयो सीलूपनिस्सयो भावनूपनिस्सयो चा”ति । तेसु दानसीलूपनिस्सया दुब्बला, भावनूपनिस्सयो बलवा । दानसीलूपनिस्सया हि तयो मग्गे च फलानि च पापेन्ति, भावनूपनिस्सयो अरहत्तं पापेति । इति दुब्बलूपनिस्सये पतिट्ठितो भिक्खु घटेन्तो वायमन्तो पञ्चोरम्भागियानि बन्धनानि छेत्वा तीणि मग्गफलानि निब्बत्तेति, “अहो सासनं निय्यानिक”न्ति आवज्जेन्तस्स अयं उदपादि ।

तत्थ “दुब्बलूपनिस्सये ठत्वा घटमानो तीणि मग्गफलानि पापुणाती”ति इमस्सत्थस्साविभावनत्थं मिलकत्थेरस्स वत्थु वेदितब्बं — सो किर गिहिकाले पाणातिपातकम्मेन जीविकं कप्पेन्तो अरज्जे पाससतज्चेव अदूहलसतज्च योजेसि । अथेकदिवसं अङ्गारपक्कमंसं खादित्वा पासट्टानेसु विचरन्तो पिपासाभिभूतो एकस्स अरज्जवासित्थेरस्स विहारं गन्त्वा थेरस्स चङ्कमन्तस्स अविदूरे ठितं पानीयघटं विवरि, हत्थतेमनमत्तम्पि उदकं नादस । सो कुज्झित्वा आह — “भिक्खु, भिक्खु तुम्हे गहपतिकेहि दिन्नं भुज्जित्वा भुज्जित्वा सुपथ, पानीयघटे अज्जलिमत्तम्पि उदकं न ठपेथ, न युत्तमेत”न्ति । थेरो “मया पानीयघटो पूरेत्वा ठपितो, किं नु खो एत”न्ति? गन्त्वा ओलोकेन्तो परिपुण्णघटं दिस्वा पानीयसङ्खं पूरेत्वा अदासि । सो द्वत्तिसङ्खंपूरं पिवित्वा चिन्तेसि — “एवं पूरितघटो नाम मम कम्मं आगम्म तत्तकपालो विय जातो । किं नु खो अनागते

अत्तभावे भविस्सती’ति? संविग्गचित्तो धनुं छुट्टेत्वा, “पब्बाजेथ मं, भन्ते”ति आह। थेरो तचपञ्चककम्मट्टानं आचिक्खित्वा तं पब्बाजेसि।

तस्स समणधम्मं करोन्तस्स बहूनं मिगसूकरानं मारितट्टानं पासअदूहलानञ्च योजितट्टानं उपट्ठाति। तं अनुस्सरतो सरीरे दाहो उप्पज्जति, कूटगोणो विय कम्मट्टानमपि वीथिं न पटिपज्जति। सो “किं करिस्सामि भिक्खुभावेना”ति? अनभिरतिया पीळितो थेरस्स सन्तिकं गन्त्वा वन्दित्वा आह — “न सक्कोमि, भन्ते, समणधम्मं कातु”न्ति। अथ नं थेरो “हत्थकम्मं करोही”ति आह। सो “साधु, भन्ते”ति वत्त्वा उदुम्बरादयो अल्लरुक्खे छिन्दित्वा महन्तं रासिं कत्वा, “इदानीं किं करोमी”ति पुच्छि? झापेहि नन्ति। सो चतूसु दिसासु अग्गिं दत्त्वा झापेतुं असक्कोन्तो, “भन्ते, न सक्कोमी”ति आह। थेरो “तेन हि अपेही”ति पथविं द्विधा कत्वा अवीचितो खज्जोपनकमत्तं अग्गिं नीहरित्वा तत्थ पक्खिपि। सो ताव महन्तं रासिं सुक्खपण्णं विय खणेन झापेसि। अथस्स थेरो अवीचिं दस्सेत्वा, “सचे विब्भमिस्ससि, एत्थ पच्चिस्ससी”ति संवेगं जनेसि। सो अवीचिदस्सनतो पट्टाय पवेधमानो “निय्यानिकं, भन्ते, बुद्धसासन”न्ति पुच्छि, आमावुसोति। भन्ते, बुद्धसासनस्स निय्यानिकत्ते सति मिलको अत्तमोक्खं करिस्सति, मा चिन्तयित्थाति। ततो पट्टाय समणधम्मं करोति घटेति, तस्स वत्तपटिवत्तं पूरेति, निद्वाय बाधयमानाय तिन्तं पलालं सीसे ठपेत्वा पादे सोण्डियं ओतारेत्वा निसीदति। सो एकदिवसं पानीयं परिस्सावेत्वा घटं ऊरुम्हि ठपेत्वा उदकमणिकानं पच्छेदं आगमयमानो अट्ठासि। अथ खो थेरो सामणेस्स इमं उद्देसं देति —

“उट्टानवतो सतीमतो,  
सुचिकम्मस्स निसम्मकारिनो।  
सञ्जतस्स धम्मजीविनो,  
अप्पमत्तस्स यसोभिवट्ठती”ति॥ (ध० प० २४)।

सो चतुप्पदिकम्मि तं गाथं अत्तनियेव उपनेसि — “उट्टानवता नाम मादिसेन भवितब्बं। सतिमतापि मादिसेनेव...पे०... अप्पमत्तेनपि मादिसेनेव भवितब्ब”न्ति। एवं तं गाथं अत्तनि उपनेत्वा तस्मिंयेव पदवारे ठितो पञ्चोरम्भागियानि संयोजनानि छिन्दित्वा अनागामिफले पतिट्टाय हट्टुट्ठो —

“अल्लं पलालपुज्जाहं, सीसेनादाय चङ्कमिं।  
पत्तोस्मि ततियं ठानं, एत्थ मे नत्थि संसयो”ति॥ —

इमं उदानगाथं आह। एवं दुब्बलूपनिस्सये ठितो घटेन्तो वायमन्तो पञ्चोरम्भागियानि संयोजनानि छिन्दित्वा तीणि मग्गफलानि निब्बत्तेति। तेनाह भगवा — “नो चस्सं, नो च मे सिया, नाभविस्स, न मे भविस्सतीति एवं अधिमुच्चमानो भिक्खु छिन्देय्य ओरम्भागियानि संयोजनानी”ति।

तत्थ नो चस्सं, नो च मे सियाति सचे अहं न भवेय्यं, मम परिक्रारोपि न भवेय्य। सचे वा पन मे अतीते कम्माभिसङ्खारो नाभविस्स, इदं मे एतरहि खन्धपञ्चकं न भवेय्य। नाभविस्स, न मे भविस्सतीति इदानीं पन तथा परक्कमिस्सामि, यथा मे आर्यातिं खन्धाभिनिब्बत्तको कम्मसङ्खारो न भविस्सति, तस्मिं असति आर्यातिं पटिसन्धि नाम न मे भविस्सति। एवं अधिमुच्चमानोति एवं अधिमुच्चन्तो भिक्खु दुब्बलूपनिस्सये ठितो पञ्चोरम्भागियानि संयोजनानि छिन्देय्य। एवं वुत्तेति एवं सासनस्स निय्यानिकभावं आवज्जेन्तेन भगवता इमस्मिं उदाने वुत्ते। रूपं विभविस्सतीति रूपं

भिज्जिस्सति । **रूपस्स विभवा**ति विभवदस्सनेन सहविपस्सनेन । सहविपस्सना हि चत्तारो मग्गा रूपादीनं विभवदस्सनं नाम । तं सन्धायेतं वुत्तं । **एवं अधिमुच्चमानो, भन्ते, भिक्खु छिन्देय्याति**, भन्ते, एवं अधिमुच्चमानो भिक्खु छिन्देय्येव पञ्चोरम्भागियानि संयोजनानि । कस्मा न छिन्दिस्सतीति?

इदानी उपरि मग्गफलं पुच्छन्तो **कथं पन, भन्ते**ति आदिमाह । तत्थ **अनन्तरा**ति द्वे अनन्तरानि आसन्नानन्तरञ्च दूरानन्तरञ्च । विपस्सना मग्गस्स आसन्नानन्तरं नाम, फलस्स दूरानन्तरं नाम । तं सन्धाय “कथं पन, भन्ते, जानतो कथं पस्सतो विपस्सनानन्तरा ‘आसवानं खयो’ति सङ्खं गतं अरहत्तफलं होती”ति पुच्छति । **अतसिताये**ति अतसितब्बे अभायितब्बे ठानमिह । **तासं आपज्जती**ति भयं आपज्जति । **तासो हेसो**ति या एसा “नो चस्सं, नो च मे सिया”ति एवं पवत्ता दुब्बलविपस्सना, सा यस्मा अत्तसिनेहं परियादातुं न सक्कोति, तस्मा अस्सुतवतो पुथुज्जनस्स तासो नाम होति । सो हि “इदानीहं उच्छिज्जिस्सामि, न दानि किञ्चि भविस्सामी”ति अत्तानं पपाते पतन्तं विय पस्सति अज्जतरो ब्राह्मणो विय । लोहपासादस्स किर हेट्ठा तिपिटकचूळनागत्येरो तिलक्खणाहतं धम्मं परिवत्तेति । अथ अज्जतरस्स ब्राह्मणस्स एकमन्ते ठत्वा धम्मं सुणन्तस्स सङ्खारा सुज्जतो उपट्ठहिंसु । सो पपाते पतन्तो विय हुत्वा विवटद्वारेन ततो पलायित्वा गेहं पविसित्वा, पुत्तं उरे सयापेत्वा, “तात, सक्कयसमयं आवज्जेन्तो मनमिह नट्ठो”ति आह । **न हेसो भिक्खु तासो**ति एसा एवं पवत्ता बलविपस्सना सुतवतो अरियसावकस्स न तासो नाम होति । न हि तस्स एवं होति “अहं उच्छिज्जिस्सामी”ति वा “विनस्सिस्सामी”ति वाति । एवं पन होति “सङ्खाराव उपपज्जन्ति, सङ्खाराव निरुज्जन्ती”ति । ततियं ।

#### ४. उपादानपरिपवत्तसुत्तवण्णना

५६. चतुत्थे **चतुपरिवट्टन्ति** एकेकस्मिं खन्धे चतुन्नं परिवट्टनवसेन । **रूपं अब्भज्जासिन्ति** रूपं दुक्खसच्चन्ति अभिज्जासिं । एवं सब्बपदेसु चतुसच्चवसेनेव अत्थो वेदितब्बो । **आहारसमुदया**ति एत्थ सच्छन्दरागो कबळीकाराहारो आहारो नाम । **पटिपन्ना**ति सीलतो पट्टाय याव अरहत्तमग्गा पटिपन्ना होन्ति । **गाधन्ती**ति पतिट्ठहन्ति । एत्तावता सेक्खभूमिं कथेत्वा इदानी असेक्खभूमिं कथेन्तो **ये च खो केचि, भिक्खवे**ति आदिमाह । **सुविमुत्ता**ति अरहत्तफलविमुत्तिया सुट्ठु विमुत्ता । **केवलिनो**ति सकलिनो कतसब्बकिच्चा । **वट्ठं तेसं नत्थि पज्जापनाया**ति येन ते अवसिट्ठेन वट्ठेन पज्जापेय्युं, तं नेसं वट्ठं नत्थि पज्जापनाय । अथ वा वट्टन्ति कारणं, पज्जापनाय कारणं नत्थीति । एत्तावता असेक्खभूमिवारो कथितो । चतुत्थं ।

#### ५. सत्तट्ठानसुत्तवण्णना

५७. पज्जमे **सत्तट्ठानकुसलो**ति सत्तसु ओकासेसु छेको । **वुसितवा**ति वुसितवासो । **उत्तमपुरिसो**ति सेट्ठपुरिसो । सेसमेत्थ वुत्तनयेनेव वेदितब्बं । इदं पन सुत्तं उस्सदनन्दियञ्चेव पलोभनीयञ्चाति वेदितब्बं । यथा हि राजा विजितसङ्गामो सङ्गामे विजयिनो योधे उच्चट्ठाने ठपेत्वा तेसं सक्कारं करोति । किं कारणा? एतेसं सक्कारं दिस्वा सेसापि सूरा भवितुं मज्जिस्सन्तीति, एवमेव भगवा अप्पमेय्यं कालं पारमियो पूरेत्वा महाबोधिमण्डे किलेसमारविजयं कत्वा सब्बज्जुतं पत्तो सावत्थियं जेतवनमहाविहारे निसीदित्वा इमं सुत्तं देसेन्तो खीणासवे उक्खिपित्वा थोमेसि वण्णोसि । किं कारणा? एवं अवसेसा सेक्खपुग्गला अरहत्तफलं पत्तब्बं मज्जिस्सन्तीति । एवमेतं सुत्तं खीणासवानं उक्खिपित्वा पसंसितत्ता उस्सदनन्दियं, सेक्खानं पलोभितत्ता पलोभनीयन्ति वेदितब्बं ।

**एवं खो, भिक्खवे, भिक्खु सत्तट्ठानकुसलो** होतीति एत्तावता चेत्थ मग्गफलपच्चवेक्खणवसेन देसनं निट्ठपेत्वापि



पुन कथञ्च, भिक्खवे, भिक्खु तिविधूपपरिक्खी होतीति इदं “खीणासवो यस्मिं आरम्भणे सततविहारेण विहरति, तं सत्तो वा पुग्गलो वा न होति, धातुआदिमत्तमेव पन होती”ति एवं खीणासवस्स सततविहारञ्च, “इमेसु धम्मेसु कम्मं कत्वा अयं आगतो”ति आगमनीयपटिपदञ्च दस्सेतुं वुत्तं। तत्थ धातुसो उपपरिक्खतीति धातुसभावेन पस्सति ओलोकेति। सेसपदद्वयेपि एसेव नयो। पञ्चमं।

#### ६. सम्मासम्बुद्धसुत्तवण्णना

५८. छट्ठे को अधिप्पयासोति को अधिकपयोगो। अनुप्पन्नस्साति इमज्झि मग्गं कस्सपसम्मासम्बुद्धो उप्पादेसि, अन्तरा अज्जो सत्था उप्पादेतुं नासक्खि, इति भगवा अनुप्पन्नस्स मग्गस्स उप्पादेता नाम। नगरोपमस्मिज्झि अवळज्जनट्टानेसु पुराणमग्गो जातो, इध अवत्तमानट्टेन अनुप्पन्नमग्गो नाम। असज्जातस्साति तस्सेव वेवचनं। अनक्खातस्साति अकथितस्स। मग्गं जानातीति मग्गज्जू। मग्गं विदितं पाकटं अकासीति मग्गविदू। मग्गे च अमग्गे च कोविदोति मग्गकोविदो। मग्गानुगाति मग्गं अनुगच्छन्ता। पच्छा समन्नागताति अहं पठमं गतो, सावका पच्छा समन्नागता। छट्ठं।

#### ७. अनत्तलक्खणसुत्तवण्णना

५९. सत्तमे पञ्चवगियेति अज्जासि कोण्डज्जत्थेरादिके पञ्च जने पुराणुपट्टाके। आमन्तेसीति आसाळिहपुण्णमदिवसे धम्मचक्कप्पवत्तनतो पट्टाय अनुक्कमेन सोतापत्तिफले पतिट्ठिते “इदानि नेसं आसवक्खयाय धम्मं देसेस्सामी”ति पञ्चमियं पक्खस्स आमन्तेसि। एतदवोचाति एतं “रूपं, भिक्खवे, अनत्ता”ति आदिनयप्पवत्तं अनत्तलक्खणसुत्तं अवोच। तत्थ अनत्ताति पुब्बे वुत्तेहि चतूहि कारणेहि अनत्ता। तं किं मज्जथ, भिक्खवेति इदं कस्मा आरब्धं? एत्तकेन ठानेन अनत्तलक्खणमेव कथितं, न अनिच्चदुक्खलक्खणानि, इदानि तानि दस्सेत्वा समोधानेत्वा तीणिपि लक्खणानि दस्सेतुं इदमारब्धन्ति वेदितब्बं। तस्माति यस्मा इमे पञ्चक्खन्था अनिच्चा दुक्खा अनत्ता, तस्मा। यंकिञ्च रूपन्ति आदीसु वित्थारकथा विसुद्धिमग्गे पज्जाभावनाधिकारे खन्धनिद्वेसे वुत्ताव। सेसं सब्बत्थ वुत्तानुसारेनेव वेदितब्बं। इमस्मिं पन सुत्ते अनत्तलक्खणमेव कथितन्ति। सत्तमं।

#### ८. महालिसुत्तवण्णना

६०. अट्ठमे एकन्तदुक्खन्ति आदीनि धातुसंयुत्ते वुत्तनयानेव। अट्ठमं।

#### ९. आदित्तसुत्तवण्णना

६१. नवमे आदित्तन्ति एकादसहि अग्गीहि आदित्तं पज्जलितं। इति द्वीसुपि इमेसु सुत्तेसु दुक्खलक्खणमेव कथितं। नवमं।

#### १०. निरुत्तिपथसुत्तवण्णना

६२. दसमे निरुत्तियोव निरुत्तिपथा, अथ वा निरुत्तियो च ता निरुत्तिवसेन विज्जातब्बानं अत्थानं पथत्ता पथा चाति निरुत्तिपथा। सेसपदद्वयेपि एसेव नयो। तीणिपि चेतानि अज्जमज्जवेवचनानेवाति वेदितब्बानि। असंकिण्णाति

अविजहिता, “को इमेहि अत्थो”ति वत्वा अछड्ढिता। असंकिण्णपुब्बाति अतीतेपि न जहितपुब्बा। न संकीयन्तीति एतरहिपि “किमेतेही”ति न छड्ढीयन्ति। न संकीयिस्सन्तीति अनागतेपि न छड्ढीयिस्सन्ति। अप्पटिकुट्टाति अप्पटिबाहिता। अतीतन्ति अत्तनो सभावं भङ्गमेव वा अतिक्कन्तं। निरुद्धन्ति देसन्तरं असङ्कमित्वा तत्थेव निरुद्धं वूपसन्तं। विपरिणतन्ति विपरिणामं गतं नहुं। अजातन्ति अनुप्पन्नं। अपातुभूतन्ति अपाकटीभूतं।

उक्कलाति उक्कलजनपदवासिनो। वस्सभज्जाति वस्सो च भज्जो च। द्वेपि हि ते मूलदिट्ठिगतिका। अहेतुकवादातिआदीसु “नत्थि हेतु नत्थि पच्चयो”ति गहितत्ता अहेतुकवादा। “करोतो न करीयति पाप”न्ति गहितत्ता अकिरियवादा। “नत्थि दिन्न”न्तिआदिगहणतो नत्थिकवादा। तत्थ इमे द्वे जना, तिस्सो दिट्ठियो, किं एकेकस्स दियड्ढा होतीति? न तथा, यथा पन एको भिक्खु पटिपाटिया चत्तारिपि झानानि निब्बत्तेति, एवमेत्थ एकेको तिस्सोपि दिट्ठियो निब्बत्तेसीति वेदितब्बो। “नत्थि हेतु नत्थि पच्चयो”ति पुनप्पुनं आवज्जेन्तस्स आहरन्तस्स अभिनन्दन्तस्स अस्सादेन्तस्स मग्गदस्सनं विय होति। सो मिच्छत्तनियामं ओक्कमति, सो एकन्तकाळकोति वुच्चति। यथा पन अहेतुकदिट्ठियं, एवं “करोतो न करीयति पापं, नत्थि दिन्न”न्ति इमेसुपि ठानेसु मिच्छत्तनियामं ओक्कमति।

न गरहितब्बं नप्पटिक्कोसितब्बं अमज्जिंसूति एत्थ “यदेतं अतीतं नाम, नयिदं अतीतं, इदमस्स अनागतं वा पच्चुप्पन्नं वा”ति वदन्तो गरहति नाम। तत्थ दोसं दस्सेत्वा “किं इमिना गरहितेना”ति? वदन्तो पटिक्कोसति नाम। इमे पन निरुत्तिपथे तेपि अच्चन्तकाळका दिट्ठिगतिका न गरहितब्बे न पटिक्कोसितब्बे मज्जिंसु। अतीतं पन अतीतमेव, अनागतं अनागतमेव, पच्चुप्पन्नं पच्चुप्पन्नमेव कथयिंसु। निन्दाघट्टनव्यारोसउपारम्भभयाति विज्जूनं सन्तिका निन्दाभयेन च घट्टनभयेन च दोसारोपनभयेन च उपारम्भभयेन च। इति इमस्मिं सुत्ते चतुभूमिकखन्धानं पण्णत्ति कथिताति। दसमं।

उपयवग्गो छट्ठो।

## ७. अरहन्तवग्गो

### १. उपादियमानसुत्तवण्णना

६३. अरहन्तवग्गस्स पठमे उपादियमानोति तण्हामानदिट्ठिवसेन गण्हमानो। बद्धो मारस्साति मारस्स पासेन बद्धो नाम। मुत्तो पापिमतोति पापिमतो पासेन मुत्तो नाम होति। पठमं।

### २. मज्जमानसुत्तवण्णना

६४. दुतिये मज्जमानोति तण्हामानदिट्ठिमज्जनाहि मज्जमानो। दुतियं।

### ३. अभिनन्दमानसुत्तवण्णना

६५. ततिये अभिनन्दमानोति तण्हामानदिट्ठिअभिनन्दनाहियेव अभिनन्दमानो। ततियं।

### ४-५. अनिच्चसुत्तादिवण्णना

६६-६८. चतुर्थे छन्दोति तण्हाछन्दो । पञ्चमछन्देसुपि एसेव नयो । चतुत्थादीनि ।

### ७. अनत्तनियसुत्तवण्णना

६९. सत्तमे अनत्तनियन्ति न अत्तनो सन्तकं, अत्तनो परिकखारभावेन सुज्जतन्ति अत्थो । सत्तमं ।

### ८-१०. रजनीयसण्ठितसुत्तादिवण्णना

७०-७२. अट्टमे रजनीयसण्ठितन्ति रजनीयेन आकारेण सण्ठितं, रागस्स पच्चयभावेन ठितन्ति अत्थो ।  
नवमदसमानि राहुलसंयुते वुत्तनयेनेव वेदितब्बानीति । अट्टमादीनि ।

अरहन्तवग्गो सत्तमो ।

### ८. खज्जनीयवग्गो

### १-३. अस्सादसुत्तादिवण्णना

७३-७५. खज्जनीयवग्गस्स आदितो तीसु सुत्तेसु चतुसच्चमेव कथितं । पठमादीनि ।

### ४. अरहन्तसुत्तवण्णना

७६. चतुर्थे यावता, भिक्खवे, सत्तावासाति, भिक्खवे, यत्तका सत्तावासा नाम अत्थि । यावता भवगन्ति यत्तकं भवगं नाम अत्थि । एते अग्गा एते सेट्ठाति एते अग्गभूता चेव सेट्ठभूता च । यदिदं अरहन्तोति ये इमे अरहन्तो नाम ।  
इदम्पि सुत्तं पुरिमनयेनेव उस्सदनन्दियच्च पलोभनीयच्चाति वेदितब्बं ।

अथापरं एतदवोचाति तदत्थपरिदीपनाहि चेव विसेसत्थपरिदीपनाहि च गाथाहि एतं “सुखिनो वत अरहन्तो”ति आदिवचनं अवोच । तत्थ सुखिनोति ज्ञानसुखेन मग्गसुखेन फलसुखेन च सुखिता । तण्हा तेसं न विज्जतीति तेसं अपायदुक्खजनिका तण्हा न वज्जति । एवं ते इमस्सपि तण्हामूलकस्स अभावेन सुखिताव । अस्मिमानो समुच्छिन्नोति नवविधो अस्मिमानो अरहत्तमग्गेन समुच्छिन्नो । मोहजालं पदालितन्ति जाणेन अविज्जाजालं फालितं ।

अनेजन्ति एजासङ्घाताय तण्हाय पहानभूतं अरहत्तं । अनुपलित्ताति तण्हादिट्ठिलेपेहि अलित्ता । ब्रह्मभूताति सेट्ठभूता । परिज्जायाति तीहि परिज्जाहि परिजानित्वा । सत्तसद्धम्मगोचराति सद्धा हिरी ओत्तप्पं बाहुसच्चं आरद्धवीरियता उपट्ठितस्सतिता पज्जाति इमे सत्त सद्धम्मा गोचरो एतेसन्ति सत्तसद्धम्मगोचरा ।

सत्तरतनसम्पन्नाति सत्तहि बोज्झङ्गरतनेहि समन्नागता । अनुविचरन्तीति लोक्कियमहाजनापि अनुविचरन्तियेव । इध पन खीणासवानं निरासङ्कचारो नाम गहितो । तेनेवाह “पहीनभयभेरवा”ति । तत्थ भयं भयमेव, भेरवं बलवभयं । दसहङ्गेहि सम्पन्नाति असेक्खेहि दसहि अङ्गेहि समन्नागता । महानागाति चतूहि कारणेहि महानागा । समाहिताति उपचारप्पनाहि समाहिता । तण्हा तेसं न विज्जतीति “ऊनो लोको अतित्तो तण्हादासोति खो, महाराज, तेन भगवता”ति (म० नि० २.३०५) एवं वुत्ता दासकारिका तण्हापि तेसं नत्थि । इमिना खीणासवानं भुजिस्सभावं दस्सेति ।

असेखजाणन्ति अरहत्तफलजाणं । अन्तिमोयं समुस्सयोति पच्छिमो अयं अत्तभावो । यो सारो ब्रह्मचरियस्साति सारो नाम फलं । तस्मिं अपरपच्चयाति तस्मिं अरियफले, न अज्जं पत्तियायन्ति, पच्चक्खतोव पटिविज्झित्वा ठिता । विधासु न विकम्पन्तीति तीसु मानकोट्टासेसु न विकम्पन्ति । दन्तभूमिन्ति अरहत्तं । विजिताविनोति रागादयो विजेत्वा ठिता ।

उद्धन्तिआदीसु उद्धं वुच्चति केसमत्थको, अपाचीनं पादतलं, तिरियं वेमज्झं । उद्धं वा अतीतं, अपाचीनं अनागतं, तिरियं पच्चुप्पन्नं । उद्धं वा वुच्चति देवलोको, अपाचीनं अपायलोको, तिरियं मनुस्सलोको । नन्दी तेसं न विज्जतीति एतेसु ठानेसु सङ्खेपतो वा अतीतानागतपच्चुप्पन्नेसु खन्धेसु तेसं तण्हा नत्थि । इध वट्टमूलकतण्हाय अभावो दस्सितो । बुद्धाति चतुन्नं सच्चानं बुद्धत्ता बुद्धा ।

इदं पनेत्थ सीहनादसमोधानं — “विमुत्तिसुखेनम्हा सुखिता, दुक्खजनिका नो तण्हा पहीना, पच्चक्खन्था परिज्जाता, दासकारिकतण्हा चेव वट्टमूलकतण्हा च पहीना, अनुत्तरम्हा असदिसा, चतुन्नं सच्चानं बुद्धत्ता बुद्धा”ति भवपिढे ठत्वा अभीतनादसङ्गातं सीहनादं नदन्ति खीणासवाति । चतुत्थं ।

#### ५. दुतियअरहन्तसुत्तवण्णना

७७. पच्चमं विना गाथाहि सुद्धिकमेव कत्वा कथियमानं बुज्झनकानं अज्झासयेन वुत्तं । पच्चमं ।

#### ६. सीहसुत्तवण्णना

७८. छट्ठे सीहोति चत्तारो सीहा — तिणसीहो, काळसीहो, पण्डुसीहो, केसरसीहोति । तेसु तिणसीहो कपोतवण्णगाविसदिसो तिणभक्खो च होति । काळसीहो काळगाविसदिसो तिणभक्खोयेव । पण्डुसीहो पण्डुपलासवण्णगाविसदिसो मंसभक्खो । केसरसीहो लाखारसपरिकम्मकतेनेव मुखेन अगगनङ्गुट्टेन चतूहि च पादपरियन्तेहि समन्नागतो, मत्थकतोपिस्स पट्टाय लाखातूलिकाय कत्वा विय तिस्सो राजियो पिट्ठिमज्झेन गन्त्वा अन्तरसत्थिम्हि दक्खिणावत्ता हुत्वा ठिता, खन्धे पनस्स सतसहस्सगघनिककम्बलपरिक्खेपो विय केसरभारो होति, अवसेसट्टानं परिसुद्धं सालिपिट्टसङ्खचुण्णपिचुवण्णं होति । इमेसु चतूसु सीहेसु अयं केसरसीहो इध अधिप्पेतो ।

मिगराजाति मिगगणस्स राजा । आसयाति वसनट्टानतो सुवण्णगुहतो वा रजतमणिफलिकमनोसिलागुहतो वा निक्खमतीति वुत्तं होति । निक्खममानो पनेस चतूहि कारणेहि निक्खमति अन्धकारपीळितो वा आलोकत्थाय, उच्चारपस्सावपीळितो वा तेसं विस्सज्जनत्थाय, जिघच्छापीळितो वा गोचरत्थाय, सम्भवपीळितो वा अस्सद्धम्मपटिसेवनत्थाय । इध पन गोचरत्थाय निक्खन्तोति अधिप्पेतो ।

विजम्भतीति सुवण्णतले वा रजतमणिफलिकमनोसिलातलानं वा अज्जतरस्मिं द्वे पच्छिमपादे समं पतिट्ठापेत्वा पुरिमपादे पुरतो पसारेत्वा सरीरस्स पच्छाभागं आकट्ठित्वा पुरिमभागं अभिहरित्वा पिट्ठिं नामेत्वा गीवं उक्खिपित्वा असनिसदं करोन्तो विय नासपुटानि पोथेत्वा सरीरलग्गं रजं विधुनन्तो विजम्भति । विजम्भनभूमियज्ज पन तरुणवच्छको विय अपरापरं जवति । जवतो पनस्स सरीरं अन्धकारे परिब्भमन्तं अलातं विय खायति ।

अनुविलोकेतीति कस्मा अनुविलोकेति? परानुदयताय । तस्मिं किर सीहनादं नदन्ते पपातावाटादीसु विसमट्टानेसु

चरन्ता हत्थिगोकणमहिंसादयो पाणा पपातेपि आवाटेपि पतन्ति, तेसं अनुदयाय अनुविलोकेति । किं पनस्स लुद्धकम्मस्स परमंसखादिनो अनुदया नाम अत्थीति? आम अत्थि । तथा हेस “किं मे बहूहि घातितेही”ति? अत्तनो गोचरत्थायपि खुद्धके पाणे न गण्हाति, एवं अनुदयं करोति । वुत्तम्पिचेतं — “माहं खो खुद्धके पाणे विसमगते सङ्घातं आपादेसि”न्ति (अ० नि० १०.२१) ।

**सीहनादं नदतीति** तिक्खत्तुं ताव अभीतनादं नदति । एवञ्च पनस्स विजम्भनभूमियं ठत्वा नदन्तस्स सद्दो समन्ता तियोजनपदेसं एकनिन्नादं करोति, तमस्स निन्नादं सुत्वा तियोजनम्भन्तरगता द्विपदचतुप्पदगणा यथाठाने ठातुं न सक्कोन्ति । **गोचराय पक्कमतीति** आहारत्थाय गच्छति । कथं? सो हि विजम्भनभूमियं ठत्वा दक्खिणतो वा वामतो वा उप्पतन्तो उसभमत्तं ठानं गण्हाति, उद्धं उप्पतन्तो चत्तारिपि अट्ठपि उसभानि उप्पतति, समट्ठाने उजुकं पक्खन्दन्तो सोळसउसभमत्तम्पि वीसतिउसभमत्तम्पि ठानं पक्खन्दति, थला वा पब्बता वा पक्खन्दन्तो सट्ठिउसभमत्तम्पि असीतिउसभमत्तम्पि ठानं पक्खन्दति, अन्तरामगगे रुक्खं वा पब्बतं वा दिस्वा तं परिहरन्तो वामतो वा दक्खिणतो वा, उसभमत्तम्पि अपक्कमति । ततियं पन सीहनादं नदित्वा तेनेव सद्धिं तियोजने ठाने पज्जायति । तियोजनं गन्त्वा निवत्तित्वा ठितो अत्तनोव नादस्स अनुनादं सुणाति । एवं सीधेन जवेन पक्कमतीति ।

**येभ्य्येनाति** पायेन । **भयं संवेगं सन्तासन्ति** सब्बं चित्तुत्रासस्सेव नामं । सीहस्स हि सद्धं सुत्वा बहू सत्ता भायन्ति, अप्पका न भायन्ति । के पन तेति? समसीहो हत्थाजानीयो अस्साजानीयो उसभाजानीयो पुरिसाजानीयो खीणासवोति । कस्मा पनेते न भायन्तीति? समसीहो नाम “जातिगोत्तकुलसूरभावेहि समानोस्मी”ति न भायति, हत्थाजानीयादयो अत्तनो सक्कायदिट्ठिबलवताय न भायन्ति, खीणासवो सक्कायदिट्ठिपहीनत्ता न भायति ।

**बिलासयाति** बिले सयन्ता बिलवासिनो अहिनकुलगोधादयो । **दकासयाति** उदकवासिनो मच्छकच्छपादयो । **वनासयाति** वनवासिनो हत्थिअस्सगोकणमिगादयो । **पविसन्तीति** “इदानि आगन्त्वा गण्हिस्सती”ति मग्गं ओलोकेन्ताव पविसन्ति । **दळ्ळेहीति** थिरेहि । **वरत्तेहीति** चम्मरज्जूहि । **महिद्धिकोति** आदीसु विजम्भनभूमियं ठत्वा दक्खिणपस्सादीहि उसभमत्तं, उजुकं वीसतिउसभमत्तादिलङ्घनवसेन महिद्धिकता, सेसमिगानं अधिपतिभावेन महेसक्खता, समन्ता तियोजने सद्धं सुत्वा पलायन्तानं वसेन महानुभावता वेदितब्बा ।

**एवमेव खोति** भगवा तेसु तेसु सुत्तेसु तथा तथा अत्तानं कथेसि । “सीहोति खो, भिक्खवे, तथागतस्सेतं अधिवचनं अरहतो सम्मासम्बुद्धस्सा”ति (अ० नि० ५.९९; १०.२१) इमस्मिं ताव सुत्ते सीहसदिसं अत्तानं कथेसि । “भिसक्को सल्लकत्तोति खो, सुनक्खत्त, तथागतस्सेतं अधिवचन”न्ति (म० नि० ३.६५) इमस्मिं वेज्जसदिसं । “ब्राह्मणोति, भिक्खवे, तथागतस्सेतं अधिवचन”न्ति (अ० नि० ८.८५) इमस्मिं ब्राह्मणसदिसं । “पुरिसो मग्गकुसलोति खो, तिस्स, तथागतस्सेतं अधिवचन”न्ति (सं० नि० ३.८४) इमस्मिं मग्गदेसकपुरिससदिसं । “राजाहमस्मि सेला”ति (सु० नि० ५.५९) इमस्मिं राजसदिसं । “सीहोति खो तथागतस्सेतं अधिवचन”न्ति (अ० नि० ५.९९; १०.२१) इमस्मिं पन सुत्ते सीहसदिसमेव कत्वा अत्तानं कथेन्तो एवमाह ।

तत्रायं सदिसता — सीहस्स कञ्चनगुहादीसु वसनकालो विय हि तथागतस्स दीपङ्करपादमूले कताभिनीहारस्स अपरिमितकालं पारमियो पूरेत्वा पच्छिमभावे पटिसन्धिगहणेन चेव मातुकुच्छितो निक्खमनेन च दससहस्सिलोकधातुं कम्पेत्वा बुद्धिमन्वाय दिब्बसम्पत्तिसदिसं सम्पत्तिं अनुभवमानस्स तीसु पासादेसु निवासकालो दट्ठब्बो । सीहस्स कञ्चनगुहादितो निक्खन्तकालो विय तथागतस्स एकूनतिसे संवच्छरे विवटेन द्वारेन कण्डकं आरुह्य छन्नसहायस्स

निक्खमित्वा तीणि रज्जानि अतिक्कमित्वा अनोमानदीतीरे ब्रह्मना दिन्नानि कासायानि परिदहित्वा पब्बजितस्स सत्तमे दिवसे राजगहं गन्त्वा तत्थ पिण्डाय चरित्वा पण्डवगिरिपब्भारे कतभत्तिकच्चस्स सम्मासम्बोधिं पत्वा, पठममेव मगधरट्ठं आगमनत्थाय याव रज्जो पटिज्जादानकालो ।

सीहस्स विजम्भनकालो विय तथागतस्स दिन्नपटिज्जस्स आळारकालामउपसङ्कमनं आदिं कत्वा याव सुजाताय दिन्नपायासस्स एकूनपण्णासाय पिण्डेहि परिभुत्तकालो वेदितब्बो । सीहस्स केसरविधुननं विय सायन्हसमये सोत्तियेन दिन्ना अट्ठ तिणमुट्ठियो गहेत्वा दससहस्सचक्कवाळदेवताहि थोमियमानस्स गन्धादीहि पूजियमानस्स तिक्खत्तुं बोधिं पदक्खिणं कत्वा बोधिमण्डं आरुह्य चुहसहत्थुब्बे ठाने तिणसन्थरं सन्थरित्वा चतुरङ्गवीरियं अधिट्ठाय निसिन्नस्स तंखणंयेव मारबलं विधमित्वा तीसु यामेसु तिस्सो विज्जा विसोधेत्वा अनुलोमपटिलोमं पटिच्चसमुप्पादमहासमुदं यमकजाणमन्थनेन मन्थेन्तस्स सब्बज्जुतज्जाणे पटिविद्धे तदनुभावेन दससहस्सिलोकधातुकम्पनं वेदितब्बं ।

सीहस्स चतुदिसाविलोकनं विय पटिविद्धसब्बज्जुतज्जाणस्स सत्तसत्ताहं बोधिमण्डे विहरित्वा परिभुत्तमधुपिण्डिकाहारस्स अजपालनिग्रोधमूले महाब्रह्मनो धम्मदेसनायाचनं पटिगहेत्वा तत्थ विहरन्तस्स एकादसमे दिवसे “स्वे आसाळिहपुण्णमा भविस्सती”ति पच्चूससमये “कस्स नु खो अहं पठमं धम्मं देसेय्य”न्ति? आळारुदकानं कालङ्कतभावं जत्वा धम्मदेसनत्थाय पञ्चवगियानं ओलोकनं दट्ठब्बं । सीहस्स गोचरत्थाय तियोजनं गमनकालो विय अत्तनो पत्तचीवरमादाय “पञ्चवगियानं धम्मचक्कं पवत्तेस्सामी”ति पच्छाभत्ते अजपालनिग्रोधतो वुट्ठितस्स अट्टारसयोजनमगं गमनकालो ।

सीहनादकालो विय तथागतस्स अट्टारसयोजनमगं गन्त्वा पञ्चवगिये सज्जापेत्वा अचलपल्लङ्के निसिन्नस्स दसहि चक्कवाळसहस्सेहि सन्निपतितेन देवगणेन परिवुत्तस्स “द्वेमे, भिक्खवे, अन्ता पब्बजितेन न सेवितब्बा”तिआदिना (सं० नि० ५.१०८१; महाव० १३) नयेन धम्मचक्कप्पवत्तनकालो वेदितब्बो । इमस्मिञ्च पन पदे देसियमाने तथागतसीहस्स धम्मघोसो हेट्ठा अवीचिं उपरि भवगं गहेत्वा दससहस्सिलोकधातुं पटिच्छादेसि । सीहस्स सद्देन खुद्वकपाणानं सन्तासं आपज्जनकालो विय तथागतस्स तीणि लक्खणानि दीपेत्वा चत्तारि सच्चानि सोळसहाकारेहि सट्ठिया च नयसहस्सेहि विभजित्वा धम्मं कथेन्तस्स दीघायुकदेवतानं जाणसन्तासस्स उप्पत्तिकालो वेदितब्बो ।

**यदाति यस्मिं काले । तथागतोति** अट्ठहि कारणेहि भगवा तथागतो – तथा आगतोति तथागतो, तथा गतोति तथागतो, तथलक्खणं आगतोति तथागतो, तथधम्मं याथावतो अभिसम्बुद्धोति तथागतो, तथदस्सिताय तथागतो, तथावादिताय तथागतो, तथाकारिताय तथागतो । अभिभवनट्ठेन तथागतोति । तेसं वित्थारो ब्रह्मजालवण्णनायम्पि (दी० नि० अट्ठ० १.७) मूलपरियायवण्णनायम्पि (म० नि० अट्ठ० १.१२) वुत्तोयेव । **लोकेति** सत्तलोके । **उप्पज्जतीति** अभिनीहारतो पट्टाय याव बोधिपल्लङ्का वा अरहत्तमगाजाणा वा उप्पज्जति नाम, अरहत्तफले पन पत्ते उप्पन्नो नाम । **अरहं सम्मासम्बुद्धोति**आदीनि विसुद्धिमग्गे बुद्धानुस्सतिनिद्देसे वित्थारितानि ।

**इति रूपन्ति** इदं रूपं एत्तकं रूपं, न इतो भिय्यो रूपं अत्थीति । एत्तावता सभावतो सरसतो परियन्ततो परिच्छेदतो परिच्छिन्दनतो यावता चत्तारो च महाभूता चतुन्नञ्च महाभूतानं उपादायरूपं, तं सब्बं दस्सितं होति । **इति रूपस्स समुदयोति** अयं रूपस्स समुदयो नाम । एत्तावता हि “आहारसमुदयो रूपसमुदयो”तिआदि सब्बं दस्सितं होति । **इति रूपस्स अत्थङ्गमोति** अयं रूपस्स अत्थङ्गमो । इमिनापि “आहारनिरोधा रूपनिरोधो”तिआदि सब्बं दस्सितं होति । **इति वेदनाति**आदीसुपि एसेव नयो ।

वण्णवन्तोति सरीरवण्णेन वण्णवन्तो । धम्मदेसनं सुत्वाति इमं पञ्चसु खन्धेसु पण्णासलक्खणपटिमण्डितं तथागतस्स धम्मदेसनं सुत्वा । **येभुय्येनाति** इध के ठपेति? अरियसावके देवे । तेसज्हि खीणासवत्ता चित्तुत्रासभयम्पि न उप्पज्जति, संविग्गस्स योनिसो पधानेन पत्तब्बं पत्तताय जाणसंवेगोपि । इतरेसं पन देवानं “तासो हेसो भिक्खू”ति अनिच्चतं मनसिकरोन्तानं चित्तुत्रासभयम्पि, बलवविपस्सनाकाले जाणभयम्पि उप्पज्जति । **भोति** धम्मालपनमत्तमेतं । **सक्कायपरियापन्नाति** पञ्चक्खन्धपरियापन्ना । इति तेसं सम्मासम्बुद्धे वट्टदोसं दस्सेत्वा तिलक्खणाहतं कत्वा धम्मं देसेन्ते जाणभयं नाम ओक्कमति ।

**अभिज्जायाति** जानित्वा । **धम्मचक्कन्ति** पटिवेधजाणम्पि देसनाजाणम्पि । **पटिवेधजाणं** नाम येन जाणेन बोधिपल्लङ्के निसिन्नो चत्तारि सच्चानि सोळसहाकारेहि सट्ठिया च नयसहस्सेहि पटिविज्झि । **देसनाजाणं** नाम येन जाणेन तिपरिवट्टं द्वादसाकारं धम्मचक्कं पवत्तेसि । उभयम्पि तं दसबलस्स उरे जातजाणमेव । तेसु इध देसनाजाणं गहेतब्बं । तं पनेस याव अट्टारसहि ब्रह्मकोटीहि सद्धिं अज्जासिकोण्डज्जत्थेरस्स सोतापत्तिफलं उप्पज्जति, ताव पवत्तेति नाम । तस्मिं उप्पन्ने पवत्तितं नाम होतीति वेदितब्बं । **अप्पटिपुग्गलोति** सदिसपुग्गलरहितो । **यसस्सिनोति** परिवारसम्पन्ना । **तादिनोति** लाभालाभादीहि एकसदिसस्स । छट्ठं ।

### ७. खज्जनीयसुत्तवण्णना

**७९.** सत्तमे पुब्बेनिवासन्ति न इदं अभिज्जावसेन अनुस्सरणं सन्धाय वुत्तं, विपस्सनावसेन पन पुब्बेनिवासं अनुस्सरन्ते समणब्राह्मणे सन्धायेतं वुत्तं । तेनेवाह — “सब्बेते पञ्चुपादानक्खन्धे अनुस्सरन्ति, एतेसं वा अज्जतर”न्ति । अभिज्जावसेन हि समनुस्सरन्तस्स खन्धापि उपादानक्खन्धापि खन्धपटिबद्धापि पण्णत्तिपि आरम्भणं होतियेव । **रूपंयेव अनुस्सरतीति** एवज्झि अनुस्सरन्तो न अज्जं किज्चि सत्तं वा पुग्गलं वा अनुस्सरति, अतीते पन निरुद्धं रूपक्खन्धमेव अनुस्सरति । वेदनादीसुपि एसेव नयोति । सुज्जतापब्बं निट्ठितं ।

इदानी सुज्जताय लक्खणं दस्सेतुं **किज्च, भिक्खवे, रूपं वदेथाति**आदिमाह । यथा हि नट्टं गोणं परियेसमानो पुरिसो गोगणे चरमाने रत्तं वा काळं वा बलीबद्धं दिस्वापि न एत्तकेनेव “अयं मय्हं गोणो”ति सन्निट्ठानं कातुं सक्कोति । कस्मा? अज्जेसम्पि तादिसानं अत्थिताय । सरीरपदेसे पनस्स सत्तिसूलादिलक्खणं दिस्वा “अयं मय्हं सन्तको”ति सन्निट्ठानं होति, एवमेव सुज्जताय कथितायपि याव सुज्जतालक्खणं न कथीयति, ताव सा अकथिताव होति, लक्खणे पन कथिते कथिता नाम होति । गोणो विय हि सुज्जता, गोणलक्खणं विय सुज्जतालक्खणं । यथा गोणलक्खणे असल्लक्खिते गोणो न सुट्ठु सल्लक्खितो होति, तस्मिं पन सल्लक्खिते सो सल्लक्खितो नाम होति, एवमेव सुज्जतालक्खणे अकथिते सुज्जता अकथिताव होति, तस्मिं पन कथिते सा कथिता नाम होतीति सुज्जतालक्खणं दस्सेतुं **किज्च, भिक्खवे, रूपं वदेथाति**आदिमाह ।

तत्थ **किज्चाति** कारणपुच्छा, केन कारणेन रूपं वदेथ, केन कारणेनेतं रूपं नामाति अत्थो । **रुप्पतीति** खोति एत्थ **इतीति** कारणद्वेसो, यस्मा रुप्पति, तस्मा रूपन्ति वुच्चतीति अत्थो । **रुप्पतीति** कुप्पति घट्टीयति पीळीयति, भिज्जतीति अत्थो । **सीतेनपि** **रुप्पतीति**आदीसु सीतेन ताव रूपनं लोकन्तरिकनिरये पाकटं । तिण्णं तिण्णज्झि चक्कवाळानं अन्तरे एकेको लोकन्तरिकनिरयो नाम होति अट्टयोजनसहस्सप्पमाणो । यस्स नेव हेट्ठा पथवी अत्थि, न उपरि चन्दिमसूरियदीपमणिआलोको, निच्चन्धकारो । तत्थ निब्बत्तसत्तानं तिगावुतो अत्तभावो होति, ते वग्गुलियो विय पब्बतपादे दीघपुथुलेहि नखेहि लगित्वा अवंसिरा ओलम्बन्ति । यदा संसप्पन्ता अज्जमज्जस्स हत्थपासागता होन्ति, अथ “भक्खो नो

लद्धो'ति? मज्जमाना तत्थ ब्यावटा विपरिवत्तित्वा लोकसन्धारके उदके पतन्ति, वाते पहरन्तेपि मधुकफलानि विय छिज्जित्वा उदके पतन्ति, पतितमत्ताव अच्चन्तखारे उदके तत्ततेले पतितपिड्डपिण्डि विय पटपटायमाना विलीयन्ति । एवं सीतेन रूपनं लोकन्तरिकनिरये पाकटं । महंसकरट्टादीसुपि हिमपातसीतलेसु पदेसेसु एतं पाकटमेव । तत्थ हि सत्ता सीतेन भिन्नसरीरा जीवितक्खयम्पि पापुणन्ति ।

उण्हेन रूपनं अवीचिमहानिरये पाकटं होति । जिघच्छाय रूपनं पेत्तिविसये चेव दुब्भिक्खकाले च पाकटं । पिपासाय रूपनं कालकज्जिकादीसु पाकटं । एको किर कालकज्जिकअसुरो पिपासं अधिवासेतुं असक्कोन्तो योजनगम्भीरवित्थारं महागङ्गं ओतरि, तस्स गतगतट्टाने उदकं छिज्जति, धूमो उग्गच्छति, तत्ते पिड्डिपासाणे चङ्कमनकालो विय होति । तस्स उदकसद्वं सुत्वा इतो चितो च विचरन्तस्सेव रत्ति विभायि । अथ नं पातोव भिक्खाचारं गच्छन्ता तिसमत्ता पिण्डचारिकभिक्खू दिस्वा “को नाम त्वं सप्पुरिसा”ति? पुच्छिंसु । “पेतोहमस्मि, भन्ते”ति । “किं परियेससी”ति? “पानीयं, भन्ते”ति । “अयं गङ्गा परिपुण्णा, किं त्वं न पस्ससी”ति? “न उपकप्पति, भन्ते”ति । तेन हि गङ्गापिड्डे निपज्ज, मुखे ते पानीयं आसिज्जिस्सामा”ति । सो वालिकापुळिने उत्तानो निपज्जि । भिक्खू तिसमत्ते पत्ते नीहरित्वा उदकं आहरित्वा तस्स मुखे आसिज्जिंसु । तेसं तथा करोन्तानयेव वेला उपकट्टा जाता । ततो “भिक्खाचारकालो अम्हाकं सप्पुरिस, कच्चि ते अस्सादमत्ता लद्धा”ति आहंसु । पेतो “सचे मे, भन्ते, तिसमत्तानं अय्यानं तिसपत्तेहि आसित्तउदकतो अट्ठपसतमत्तम्पि परगलं गतं, पेतत्तभावतो मोक्खो मा होतू”ति आह । एवं पिपासाय रूपनं पेत्तिविसये पाकटं ।

डंसादीहि रूपनं डंसमक्खिकादिबहुलेसु पदेसेसु पाकटं । एत्थ च डंसाति पिङ्गलमक्खिका । मकसाति मकसाव । वाताति कुच्छिवातपिड्डिवातादिवसेन वेदितब्बा । सरीरस्मिज्हि वातरोगो उप्पज्जित्वा हत्थपादपिड्डिआदीनि भिन्दति, काणं करोति, खुज्जं करोति, पीठसप्पिं करोति । आतपोति सूरियातपो । तेन रूपनं मरुकन्तारादीसु पाकटं । एका किर इत्थी मरुकन्तारे रत्ति सत्थतो ओहीना दिवा सूरिये उग्गच्छन्ते वालिकाय तप्पमानाय पादे ठपेतुं असक्कोन्ती सीसतो पच्छिं ओतारेत्वा अक्कमि । कमेन पच्छिया उण्हाभितत्ताय ठातुं असक्कोन्ती तस्सा उपरि साटकं ठपेत्वा अक्कमि । तस्मिम्पि सन्तत्ते अत्तनो अङ्केन गहितपुत्तकं अधोमुखं निपज्जापेत्वा कन्दन्तयेव अक्कमित्वा सद्धिं तेन तस्मियेव ठाने उण्हाभितत्ता कालमकासि ।

सरीसपाति ये केचि दीघजातिका सरन्ता गच्छन्ति । तेसं सम्फस्सेन रूपनं आसीविसदट्टकादीनं वसेन वेदितब्बं । इति भगवता यानि इमानि सामज्जपच्चत्तवसेन धम्मानं द्वे लक्खणानि, तेसु रूपक्खन्धस्स ताव पच्चत्तलक्खणं दस्सितं । रूपक्खन्धस्सेव हि एतं, न वेदनादीनं, तस्मा पच्चत्तलक्खणन्ति वुच्चति । अनिच्चदुक्खानत्तलक्खणं पन वेदनादीनम्पि होति, तस्मा तं सामज्जलक्खणन्ति वुच्चति ।

किञ्च, भिक्खवे, वेदनं वदेथातिआदीसु पुरिमसदिसं वुत्तनयेनेव वेदितब्बं । यं पन पुरिमेन असदिसं, तस्सायं विभावना — सुखम्पि वेदयतीति सुखं आरम्मणं वेदेति अनुभवति । परतो पदद्वयेपि एसेव नयो । कथं पनेतं आरम्मणं सुखं दुक्खं अदुक्खमसुखं नाम जातन्ति? सुखादीनं पच्चयतो । स्वायमत्थो “यस्मा च खो, महालि, रूपं सुखं सुखानुपतितं सुखावक्कन्त”न्ति इमस्मिं महालिसुत्ते (सं० नि० ३.६०) आगतोयेव । वेदयतीति एत्थ च वेदनाव वेदयति, न अज्जो सत्तो वा पुग्गलो वा । वेदना हि वेदयितलक्खणा, तस्मा वत्थारम्मणं पटिच्च वेदनाव वेदयतीति । एवमिध भगवा वेदनायपि पच्चत्तलक्खणमेव भाजेत्वा दस्सेसि ।

नीलम्पि सज्जानातीति नीलपुप्फे वा वत्थे वा परिकम्मं कत्वा उपचारं वा अप्पनं वा पापेन्तो सज्जानाति । अयज्हि



सञ्जा नाम परिकम्मसञ्जापि उपचारसञ्जापि अप्पनासञ्जापि वट्ठति, नीलं नीलन्ति उप्पज्जनसञ्जापि वट्ठतियेव ।  
**पीतकादीसुपि एसेव नयो ।** इधापि भगवा सञ्जाननलक्खणाय सञ्जाय पच्चत्तलक्खणमेव भाजेत्वा दस्सेसि ।

**रूपं रूपत्ताय सङ्खतमभिसङ्खरोन्तीति** यथा यागुमेव यागुत्ताय, पूवमेव पूवत्ताय पचति नाम, एवं पच्चयेहि समागन्त्वा कतभावेन सङ्खतन्ति लद्धनामं रूपमेव रूपत्ताय यथा अभिसङ्खतं रूपं नाम होति, तथत्ताय रूपभावाय अभिसङ्खरोति आयूहति सम्पिण्डेति, निष्पादेतीति अत्थो । **वेदनादीसुपि एसेव नयो ।** अयं पनेत्थ सङ्खेपो — अत्तना सह जायमानं रूपं सम्पयुत्ते च वेदनादयो धम्मे अभिसङ्खरोति निब्बत्तेतीति । इधापि भगवा चेतयितलक्खणस्स सङ्खारस्स पच्चत्तलक्खणमेव भाजेत्वा दस्सेसि ।

**अम्बिलम्पि विजानातीति** अम्बअम्बाटकमातुलुङ्गादिअम्बिलं “अम्बिल”न्ति विजानाति । एसेव नयो सब्बपदेसु । अपि चेत्य **तित्तकन्ति** निम्बपटोलादिनानप्पकारं **कटुकन्ति** पिप्पलिमरिचादिनानप्पकारं । **मधुरन्ति** सप्पिफाणितादिनानप्पकारं । **खारिकन्ति** वातिङ्गणनाळिकेर चतुरस्सवल्लिवेत्तङ्कुरादिनानप्पकारं । **अखारिकन्ति** यं वा तं वा फलजातं कारपण्णादिमिस्सकपण्णं । **लोणिकन्ति** लोणयागुलोणमच्छलोणभत्तादिनानप्पकारं । **अलोणिकन्ति** अलोणयागुअलोणमच्छअलोणभत्तादिनानप्पकारं । **तस्मा विज्जाणन्ति वुच्चतीति** यस्मा इमं अम्बिलादिभेदं अज्जमज्जविसिट्ठेन अम्बिलादिभावेन जानाति, तस्मा विज्जाणन्ति वुच्चतीति । एवमिधापि भगवा विजाननलक्खणस्स विज्जाणस्स पच्चत्तलक्खणमेव भाजेत्वा दस्सेसि ।

यस्मा पन आरम्मणस्स आकारसण्ठानगहणवसेन सञ्जा पाकटा होति, तस्मा सा चक्खुद्वारे विभत्ता । यस्मा विनापि आकारसण्ठाना आरम्मणस्स पच्चत्तभेदगहणवसेन विज्जाणं पाकटं होति, तस्मा तं जिह्वाद्वारे विभत्तं । इमेसं पन सञ्जाविज्जाणपज्जानं असम्मोहतो सभावसल्लक्खणत्थं **सञ्जानाति, विजानाति, पजानातीति** एत्थ विसेसा वेदितब्बा । तत्थ उपसग्गमत्तमेव विसेसो, जानातीति पदं पन अविसेसो । तस्सपि जाननट्ठेन विसेसो वेदितब्बो । सञ्जा हि नीलादिवसेन आरम्मणसञ्जाननमत्तमेव, अनिच्चं दुक्खमनत्ताति लक्खणपटिवेधं पापेतुं न सक्कोति । विज्जाणं नीलादिवसेन आरम्मणज्जेव जानाति, अनिच्चादिवसेन लक्खणपटिवेधज्ज पापेति, उस्सक्कित्वा पन मग्गपातुभावं पापेतुं न सक्कोति । पज्जा नीलादिवसेन आरम्मणम्पि जानाति, अनिच्चादिवसेन लक्खणपटिवेधम्पि पापेति, उस्सक्कित्वा मग्गपातुभावम्पि पापेति ।

यथा हि हेरज्जिकफलके कहापणरासिम्हि कते अजातबुद्धिदारको गामिकपुरिसो महाहेरज्जिकोति तीसु जनेसु ओलोकेत्वा ठितेसु अजातबुद्धिदारको कहापणानं चित्तविचित्तचतुरस्समण्डलादिभावमेव जानाति, “इदं मनुस्सानं उपभोगपरिभोगं रतनसम्मत्”न्ति न जानाति । गामिकपुरिसो चित्तादिभावज्ज जानाति, मनुस्सानं उपभोगपरिभोगरतनसम्मत्भावज्ज, “अयं कूटो, अयं छेको, अयं करटो, अयं सण्हो”ति न जानाति । महाहेरज्जिको चित्तादिभावम्पि रतनसम्मत्भावम्पि कूटादिभावम्पि जानाति । जानन्तो च पन रूपं दिस्वापि सद्दं सुत्वापि गन्धं घायित्वापि रसं सायित्वापि हत्थेन गरुलहुभावं उपधारेत्वापि “असुकगामे कतो”तिपि जानाति, “असुकनिगमे असुकनगरे असुकपब्बत्तच्छायाय असुकनदीतीरे कतो”तिपि, “असुकाचरियेन कतो”तिपि जानाति । एवमेव सञ्जा अजातबुद्धिदारकस्स कहापणदस्सनं विय नीलादिवसेन आरम्मणमत्तमेव जानाति । विज्जाणं गामिकपुरिसस्स कहापणदस्सनं विय नीलादिवसेन आरम्मणम्पि जानाति, अनिच्चादिवसेन लक्खणपटिवेधम्पि पापेति । पज्जा महाहेरज्जिकस्स कहापणदस्सनं विय नीलादिवसेन आरम्मणम्पि जानाति, अनिच्चादिवसेन लक्खणपटिवेधम्पि पापेति,

उस्सविकत्वा मग्गपातुभावम्पि पापेति ।

सो पन नेसं विसेसो दुप्पटिविज्झो । तेनाह आयस्मा नागसेनो —

“दुक्करं, महाराज, भगवता कतन्ति । किं, भन्ते नागसेन, भगवता दुक्करं कतन्ति? दुक्करं, महाराज, भगवता कतं, इमेसं अरूपीनं चित्तचेतसिकानं धम्मानं एकारम्मणे वत्तमानानं ववत्थानं अक्खातं ‘अयं फस्सो, अयं वेदना, अयं सज्जा, अयं चेतना, इदं चित्तं’”न्ति (मि० प० २.७.१६) ।

यथा हि तिलतेलं सासपतेलं मधुकतेलं एरण्डकतेलं वसातेलन्ति इमानि पञ्च तेलानि एकचाटियं पक्खिपित्वा दिवसं यमकमन्थे हि मन्थेत्वा ततो “इदं तिलतेलं, इदं सासपतेलं”न्ति एकेकस्स पाटियेक्कं उद्धरणं नाम दुक्करं, इदं ततो दुक्करतरं । भगवा पन सब्बज्जुतज्जाणस्स सुप्पटिविद्धत्ता धम्मिस्सरो धम्मराजा इमेसं अरूपीनं धम्मानं एकारम्मणे वत्तमानानं ववत्थानं अकासि । पञ्चन्नं महानदीनं समुद्वं पविट्ठुद्वाने “इदं गङ्गाय उदकं, इदं यमुनाया”ति एवं पाटियेक्कं उदकुद्धरणेनापि अयमत्थो वेदितब्बो ।

इति पठमपब्बेन सुज्जतं, दुतियेन सुज्जतालक्खणन्ति द्वीहि पब्बेहि अनत्तलक्खणं कथेत्वा इदानीं दुक्खलक्खणं दस्सेतुं तत्र, **भिक्षवेति** आदिमाह । तत्थ **खज्जामी**ति न रूपं सुनखो विय मंसं लुञ्चित्वा लुञ्चित्वा खादति, यथा पन किलिडुवत्थनिवत्थो ततोनिदानं पीळं सन्धाय “खादति मं वत्थं”न्ति भणति, एवमिदम्पि पीळं उप्पादेन्तं खादति नामाति वेदितब्बं । **पटिपन्नो होती**ति सीलं आदिं कत्वा याव अरहत्तमग्गा पटिपन्नो होति । यो पनेत्थ बलवजाणो तिक्खबुद्धि जाणुत्तरो योगावचरो पधानभूमियं वायमन्तो खाणुना वा कण्टकेन वा विद्धो आवुधेन वा पहटो ब्यग्घादीहि वा गहेत्वा खज्जमानो तं वेदनं अब्बोहारिकं कत्वा मूलकम्मट्टानं सम्मसन्तो अरहत्तमेव गण्हाति, अयं वेदनाय निब्बिदाय विरागाय निरोधाय पटिपन्नो नाम वुच्चति पीतमल्लत्थेरो विय कुटुम्बियपुत्तमहातिस्सत्थेरो विय वत्तनिअटवियं तिसमत्तानं भिक्षूनं अज्जतरो ब्यग्घमुखे निपन्नभिक्षु विय कण्टकेन विद्धत्थेरो विय च ।

द्वादससु किर भिक्षूसु घण्टिं पहरित्वा अरज्जे पधानमनुयुज्जन्तेसु एको सूरिये अत्थङ्गतमत्तेयेव घण्टिं पहरित्वा चङ्कमं ओरुह्य चङ्कमन्तो तिरियं निम्मथेन्तो तिणपटिच्छन्नं कण्टकं अक्कमि । कण्टको पिट्ठिपादेन निक्खन्तो । तत्तफालेन विनिविद्धकालो विय वेदना वत्तति । थेरो चिन्तेसि — “किं इमं कण्टकं उद्धरामि, उदाहु पकतिया विज्झित्वा ठितकण्टकं”न्ति? तस्स एवमहोसि — “इमिना कण्टकेन विद्धत्ता निरयादीसु भयं नाम नत्थि, पकतिया विज्झित्वा ठितकण्टकंयेवा”ति । सो तं वेदनं अब्बोहारिकं कत्वा सब्बरत्तिं चङ्कमित्वा विभाताय रत्तिया अज्जस्स सज्जं अदासि । सो आगन्त्वा “किं, भन्ते”ति पुच्छि? “कण्टकेनम्हि, आवुसो, विद्धो”ति । “काय वेलाय, भन्ते”ति? “सायमेव, आवुसो”ति । “कस्मा न अम्हे पक्कोसित्थ, कण्टकं उद्धरित्वा तत्थ तेलम्पि सिञ्चेय्यामा”ति? “पकतिया विज्झित्वा ठितकण्टकमेव उद्धरितुं वायमिम्हा, आवुसो”ति । “सक्कुणित्थ, भन्ते, उद्धरितु”न्ति । “एकदेसमत्तेन मे, आवुसो, उद्धटो”ति । सेसवत्थूनि दीघमज्झिमट्टकथासु (दी० नि० अट्ठ० २.३७३; म० नि० अट्ठ० १.१०६) सतिपट्टानसुत्तनिद्देसे वित्थारितानेव ।

तं किं मज्जथ, **भिक्षवेति** कस्मा आरद्धं? इमस्मिं पब्बे दुक्खलक्खणमेव कथितं, न अनिच्चलक्खणं । तं दस्सेतुं इदमारद्धं । तीणि लक्खणानि समोधानेत्वा दस्सेतुम्पि आरद्धमेव । **अपचिनाति नो आचिनातीति** वट्टं विनासेति, नेव चिनाति । **पजहति न उपादियतीति** तदेव विस्सज्जेति, न गण्हाति । **विसिनेति न उस्सिनेतीति** विकिरति न सम्मिण्डेति । **विधूपेति न सन्धूपेतीति** निब्बापेति न जालापेति ।

एवं पस्सं, भिक्खवेति इदं कस्मा आरब्धं? वट्टं विनासेत्वा ठितं महाखीणासवं दस्सेस्सामीति आरब्धं । एत्तकेन वा ठानेन विपस्सना कथिता, इदानी सह विपस्सनाय चत्तारो मग्गे दस्सेतुं इदं आरब्धं । अथ वा एत्तकेन ठानेन पठममग्गे कथितो, इदानी सह विपस्सनाय तयो मग्गे दस्सेतुं इदमारब्धं । एत्तकेन वा ठानेन तीणि मग्गानि कथितानि, इदानी सह विपस्सनाय अरहत्तमग्गं दस्सेतुम्पि इदं आरब्धमेव ।

सपजापतिकाति सद्धिं पजापतिना देवराजेन । आरकाव नमस्सन्तीति दूरतोव नमस्सन्ति, दूरेपि ठितं नमस्सन्तियेव आयस्मन्तं नीतत्थेरं विय ।

थेरो किर पुप्फच्छट्टुककुलतो निक्खम्म पब्बजितो, खुरग्गेयेव अरहत्तं पत्वा चिन्तेसि — “अहं अज्जेव पब्बजितो अज्जेव मे पब्बजितकिच्चं मत्थकं पत्तं, चतुपच्चयसन्तोसभावनाराममण्डितं महाअरियवंसपटिपदं पूरेस्सामी”ति । सो पंसुकूलत्थाय सावत्थिं पविसित्वा चोळकं परियेसन्तो विचरि । अथेको महाब्रह्मा समापत्तितो वुट्ठाय मनुस्सपथं ओलोकेन्तो थेरं दिस्वा — “अज्जेव पब्बजित्वा अज्जेव खुरग्गे अरहत्तं पत्वा महाअरियवंसपटिपदं पूरेतुं चोळकं परियेसती”ति अज्जलिं पग्गय्ह नमस्समानो अट्ठासि । तमज्जो महाब्रह्मा दिस्वा “कं नमस्ससी”ति? पुच्छि । नीतत्थेरं नमस्सामीति । किं कारणाति? अज्जेव पब्बजित्वा अज्जेव खुरग्गे अरहत्तं पत्वा महाअरियवंसपटिपदं पूरेतुं चोळकं परियेसतीति । सोपि नं नमस्समानो अट्ठासि । अथज्जो, अथज्जोति सत्तसता महाब्रह्मानो नमस्समाना अट्ठंसु । तेन वुत्तं —

“ता देवता सत्तसता उळारा,  
ब्रह्मा विमाना अभिनिक्खमित्वा ।  
नीतं नमस्सन्ति पसन्नचित्ता,  
‘खीणासवो गण्हति पंसुकूलं’” ॥

“ता देवता सत्तसता उळारा,  
ब्रह्मा विमाना अभिनिक्खमित्वा ।  
नीतं नमस्सन्ति पसन्नचित्ता,  
‘खीणासवो कयिरति पंसुकूलं’” ॥

“‘खीणासवो धोवति पंसुकूलं’ ।  
‘खीणासवो रजति पंसुकूलं’ ।  
‘खीणासवो पारुपति पंसुकूलं’”न्ति ॥

इति भगवा इमस्मिं सुत्ते देसनं तीहि भवेहि विनिवत्तेत्वा अरहत्तस्स कूटं गण्हि । देसनापरियोसाने पज्जसता भिक्खू अरहत्ते पतिट्ठहिंसु । सत्तमं ।

## ८. पिण्डोत्थसुत्तवण्णना

८०. अट्ठमे किस्मिज्चिदेव पकरणेति किस्मिज्चिदेव कारणे । पणामेत्वाति नीहरित्वा । किस्मिं पन कारणे एते भगवता पणामिताति? एकस्मिज्हि अन्तोवस्से भगवा सावत्थियं वसित्वा वुत्थवस्सो पवारेत्वा महाभिक्खुसङ्घपरिवारो सावत्थितो निक्खमित्वा जनपदचारिकं चरन्तो कपिलवत्थुं पत्वा निग्रोधारामं पाविसि । सक्थराजानो “सत्था आगतो”ति

सुत्वा पच्छाभत्ते कप्पियानि तेलमधुफाणितादीनि चेव पानकानि च काजसतेहि गाहापेत्वा विहारं गन्त्वा सङ्घस्स निव्यातेत्वा सत्थारं वन्दित्वा पटिसन्थारं करोन्ता एकमन्ते निसीदिसु । सत्था तेसं मधुरधम्मकथं कथेन्तो निसीदि । तस्मिं खणे एकच्चे भिक्खू सेनासनं पटिजगन्ति, एकच्चे मज्जपीठादीनि पज्जापेन्ति, सामणेरा अप्पहरितं करोन्ति । भाजनीयद्वाने सम्पत्तिभिक्खूपि अत्थि, असम्पत्तिभिक्खूपि अत्थि । सम्पत्ता असम्पत्तानं लाभं गणहन्ता, “अम्हाकं देथ, अम्हाकं आचरियस्स देथ उपज्झायस्स देथा”ति कथेन्ता महासद्धमकंसु । सत्था सुत्वा थेरं पुच्छि “के पन ते, आनन्द, उच्चासद्वा महासद्वा केवट्टा मज्जे मच्छविलोपे”ति? थेरो एतमत्थं आरोचेसि । सत्था सुत्वा “आमिसहेतु, आनन्द, भिक्खू महासद्धं करोन्ती”ति आह । “आम, भन्ते”ति । “अननुच्छविकं, आनन्द, अप्पतिरूपं । न हि मया कप्पसतसहस्साधिकानि चत्तारि असङ्ख्येय्यानि चीवरादिहेतु पारमियो पूरिता, नापि इमे भिक्खू चीवरादिहेतु अगारस्मा अनगारियं पब्बजिता, अरहत्तहेतु पब्बजित्वा अनत्थं अत्थसदिसं असारं सारसदिसं करोन्ति, गच्छानन्द, ते भिक्खू पणामेही”ति ।

**पुब्बण्हसमयन्ति** दुतियदिवसे पुब्बण्हसमयं । **बेलुवलट्टिकाय मूले**ति तरुणबेलुवरुक्खमूले । **पवाळ्हो**ति पवाहितो । पवाळ्होतिपि पाठो, पवाहितोति अत्थो । उभयम्पि नीहटभावमेव दीपेति । **सिया अज्जथत्तन्ति** पसादज्जथत्तं वा भावज्जथत्तं वा भवेय्य । कथं? “सम्मासम्बुद्धेन मयं लहुके कारणे पणामिता”ति पसादं मन्दं करोन्तानं पसादज्जथत्तं नाम होति । सल्लिङ्गेनेव तित्थायतनं पक्कमन्तानं भावज्जथत्तं नाम । **सिया विपरिणामो**ति एत्थ पन “मयं सत्थु अज्झासयं गणितुं सक्खिस्सामाति पब्बजिता, नं गहेतुं असक्कोन्तानं किं अम्हाकं पब्बज्जाया”ति? सक्खं पच्चक्खाय हीनायावत्तनं विपरिणामोति वेदितब्बो । **वच्छस्सा**ति खीरूपकवच्छस्स । **अज्जथत्तन्ति** मिलायनअज्जथत्तं । खीरूपको हि वच्छो मातु अदस्सनेन खीरं अलभन्तो मिलायति कम्पति पवेधति । **विपरिणामो**ति मरणं । सो हि खीरं अलभमानो खीरपिपासाय सुस्सन्तो पतित्वा मरति ।

**बीजानं तरुणानन्ति** उदकेन अनुगगहेतब्बानं विरूळ्हबीजानं । **अज्जथत्तन्ति** मिलायनअज्जथत्तमेव । तानि हि उदकं अलभन्तानि मिलायन्ति । **विपरिणामो**ति विनासो । तानि हि उदकं अलभन्तानि सुक्खित्वा विनस्सन्ति, पलालमेव होन्ति । **अनुगगहितो**ति आमिसानुगगेन चेव धम्मानुगगेन च अनुगगहितो । **अनुगगहेय्यन्ति** द्वीहिपि एतेहि अनुगगहेहि अनुगगहेय्यं । अचिरपब्बजिता हि सामणेरा चेव दहरभिक्खू च चीवरादिपच्चयवेकल्ले वा सति गेलज्जे वा सत्थारा वा आचरियुपज्झायेहि वा आमिसानुगगेन अननुगगहिता किलमन्ता न सक्कोन्ति सज्झायं वा मनसिकारं वा कातुं, धम्मानुगगेन अननुगगहिता उद्देसेन चेव ओवादानुसासनिया च परिहायमाना न सक्कोन्ति अकुसलं परिवज्जेत्वा कुसलं भावेतुं । इमेहि पन द्वीहि अनुगगहेहि अनुगगहिता कायेन अकिलमन्ता सज्झायमनसिकारे पवत्तित्वा यथानुसिद्धं पटिपज्जमाना अपरभागे तं अनुगगहं अलभन्तापि तेनेव पुरिमानुगगेन लद्धबला सासने पतिट्ठहन्ति, तस्मा भगवतो एवं परिवितक्को उदपादि ।

**भगवतो पुरतो पातुरहोसी**ति सत्थु चित्तं जत्वा — “इमे भिक्खू भगवता पणामिता, इदानी नेसं अनुगगहं कातुकामो एवं चिन्तेसि, कारणं भगवा चिन्तेसि, अहमेत्थ उस्साहं जनेस्सामी”ति पुरतो पाकटो अहोसि । **सन्तेत्थ भिक्खू**ति इदं सो महाब्रह्मा यथा नाम ब्यत्तो सूदो यदेव अम्बिलग्गादीसु रसजातं रज्जो रुच्चति, तं अभिसङ्खारेन सादुतरं कत्वा पुनदिवसे उपनामेति, एवमेव अत्तनो ब्यत्तताय भगवता आहटउपमंयेव **एवमेतं भगवा**तिआदिवचनेहि अभिसङ्खरित्वा भगवन्तं याचन्तो भिक्खुसङ्घस्स अनुगगहकरणत्थं वदति । तत्थ **अभिनन्दतू**ति “मम सन्तिकं भिक्खुसङ्घो आगच्छतू”ति । एवमस्स आगमनं सम्पियायमानो अभिनन्दतु । **अभिवदतू**ति आगतस्स च ओवादानुसासनिं ददन्तो अभिवदतु ।

पटिसल्लानाति एकीभावा । इद्धाभिसङ्खारं अभिसङ्खासीति इद्धि अकासि । एकद्वीहिकायाति एकेको चेव द्वे द्वे च हुत्वा । सारज्जमानरूपाति ओत्तप्पमानसभावा भायमाना । कस्मा पन भगवा तेसं तथा उपसङ्कमनाय इद्धिमकासीति? हितपत्थनाय । यदि हि ते वग्गवग्गा हुत्वा आगच्छेय्युं, “भगवा भिक्खुसङ्घं पणामेत्वा अरज्जं पविट्ठो एकदिवसम्मि तत्थ वसितुं नासक्खि, वेगेनेव आगतो”ति केळिम्मि करेय्युं । अथ नेसं नेव बुद्धगारवं पच्चुपट्ठहेय्य, न धम्मदेसनं सम्पटिच्छित्तुं समत्था भवेय्युं । सभयानं पन ससारज्जानं एकद्वीहिकाय आगच्छन्तानं बुद्धगारवज्जेव पच्चुपट्ठितं भविस्सति, धम्मदेसनञ्च सम्पटिच्छित्तुं सक्खिस्सन्तीति चिन्तेत्वा तेसं हितपत्थनाय तथारूपं इद्धि अकासि ।

निसीदिसूति तेसु हि सारज्जमानरूपेसु आगच्छन्तेसु एको भिक्खु “ममंयेव सत्था ओलोकेति, मंयेव मज्जे निग्गण्हितुकामो”ति सणिकं आगन्त्वा वन्दित्वा निसीदि, अथज्जो अथज्जोति एवं पच्चभिक्खुसतानि निसीदिसु । एवं निसिन्नं पन भिक्खुसङ्घं सीदन्तरे सन्निसिन्नं महासमुद्धं विय निवाते पदीपं विय च निच्चलं दिस्वा सत्था चिन्तेसि — “इमेसं भिक्खून् कीदिसी धम्मदेसना वट्ठती”ति? अथस्स एतदहोसि — “इमे आहारहेतु पणामिता, पिण्डियालोपधम्मदेसनाव नेसं सप्पाया, तं दस्सेत्वा मत्थके तिपरिवट्ठदेसनं देसेस्सामि, देसनापरियोसाने सब्बे अरहत्तं पापुणिस्सन्ती”ति । अथ नेसं तं धम्मदेसनं देसेन्तो अन्तमिदं, भिक्खवेतिआदिमाह ।

तत्थ अन्तन्ति पच्छिमं लामकं । यदिदं पिण्डोल्यन्ति यं एवं पिण्डपरियेसनेन जीविकं कप्पेन्तस्स जीवितं । अयं पनेत्थ पदत्थो — पिण्डाय उलतीति पिण्डोलो, पिण्डोलस्स कम्मं पिण्डोल्यं, पिण्डपरियेसनेन निष्फादितजीवितन्ति अत्थो । अभिसापोति अक्कोसो । कुपिता हि मनुस्सा अत्तनो पच्चत्थिकं “चीवरं निवासेत्वा कपालं गहेत्वा पिण्डं परियेसमानो चरिस्सती”ति अक्कोसन्ति । अथ वा पन “किं तुद्धं अकातब्बं अत्थि, यो त्वं एवं बलवा वीरियसम्पन्नोपि हिरोत्तपं पहाय कपणो विय पिण्डोलो विचरसि पत्तपाणी”ति? एवम्मि अक्कोसन्तियेव । तज्ज खो एतन्ति एवं तं अभिसापं समानम्मि पिण्डोल्यं । कुलपुत्ता उपेन्ति अत्थवसिकाति मम सासने जातिकुलपुत्ता च आचारकुलपुत्ता च अत्थवसिका कारणवसिका हुत्वा कारणवसं पटिच्च उपेन्ति ।

राजाभिनीतातिआदीसु ये रज्जो सन्तकं खादित्वा रज्जा बन्धनागारे बन्धापिता पलायित्वा पब्बजन्ति, ते राजाभिनीता नाम । ते हि रज्जा बन्धनं अभिनीतत्ता राजाभिनीता नाम । ये पन चोरेहि अटवियं गहेत्वा एकच्चेसु मारियमानेसु एकच्चे “मयं सामि तुम्हेहि विस्सट्ठा गेहं अनज्झावसित्वा पब्बजिस्साम, तत्थ यं यं बुद्धपूजादिपुज्जं करिस्साम, ततो तुम्हाकं पत्तिं दस्सामा”ति तेहि विस्सट्ठा पब्बजन्ति, ते चोराभिनीता नाम । तेपि हि चोरेहि मारेतब्बतं अभिनीताति चोराभिनीता नाम । ये पन इणं गहेत्वा पटिदातुं असक्कोन्ता पलायित्वा पब्बजन्ति, ते इणट्ठा नाम, इणपीळिताति अत्थो । इणट्ठातिपि पाठो, इणे ठिताति अत्थो । ये राजचोरछातकरोगभयानं अज्जतरेन अभिभूता उपट्ठुता पब्बजन्ति, ते भयट्ठा नाम, भयपीळिताति अत्थो । भयट्ठातिपि पाठो, भये ठिताति अत्थो । आजीविकापकताति आजीविकाय उपट्ठुता अभिभूता, पुत्तदारं पोसेतुं असक्कोन्ताति अत्थो । ओतिण्णाम्हाति अन्तो अनुपविट्ठा ।

सो च होति अभिज्झालूति इदं सो कुलपुत्तो “दुक्खस्स अन्तं करिस्सामी”तिआदिवसेन चित्तं उप्पादेत्वा पब्बजितो, अपरभागे, तं पब्बज्जं तथारूपं कातुं न सक्कोति, तं दस्सेतुं वुत्तं । तत्थ अभिज्झालूति परभण्डानं अभिज्झायिता । तिब्बसारागोति बहलरागो । व्यापन्नचित्तोति पूतिभावेन विपन्नचित्तो । पदुट्टमनसङ्कप्पोति तिखिणसिङ्गो विय गोणो दुट्ठचित्तो । मुट्ठस्सतीति भत्तनिक्खित्तकाको विय नट्ठस्सति, इध कतं एत्थ नस्सति । असम्पजानोति निष्पज्जो । खन्धादिपरिच्छेदरहितो । असमाहितोति चण्डसोते बद्धनावा विय उपचारप्पनाभावेन असण्ठितो । विब्भन्तचित्तोति

बन्धारुळहमगो विय सन्तमनो । **पाकतिन्द्रियो**ति यथा गिही पुत्तधीतरो ओलोकेन्तो असंवुतिन्द्रियो होति, एवं असंवुतिन्द्रियो ।

**छवालातन्ति** छवानं दड्डुट्टाने अलातं । **उभतोपदित्तं मज्झे गूथगतन्ति** पमाणेन अड्डङ्गुलमत्तं द्वीसु ठानेसु आदित्तं मज्झे गूथमक्खित्तं । **नेव गामेति** सचे हि तं युगनङ्गलगोपानसिपक्खपासकादीनं अत्थाय उपनेतुं सक्का अस्स, गामे कट्ठत्थं फरेय्य । सचे खेत्तकुटियं कट्ठत्थरमञ्चकादीनं अत्थाय उपनेतुं सक्का, अरज्जे कट्ठत्थं फरेय्य । यस्मा पन उभयथापि न सक्का, तस्मा एवं वुत्तं । **गिहिभोगा च परिहीनोति** यो अगारे वसन्तेहि गिहीहि दायज्जे भाजियमाने भोगो लद्धब्बो अस्स, ततो च परिहीनो । **सामञ्जत्थञ्चाति** आचरियुपज्झायानं ओवादे ठत्वा परियत्तिपटिवेधवसेन पत्तब्बं सामञ्जत्थञ्च । इमञ्च पन उपमं सत्था न दुस्सीलस्स वसेन आहारि, परिसुद्धसीलस्स पन अलसस्स अभिज्झादीहि दोसेहि उपहतस्स पुग्गलस्स इमं उपमं आहारि ।

**तयोमे, भिक्खवेति** कस्मा आरब्धं? इमस्स पुग्गलस्स छवालातसदिसभावो नेव मातापितूहि कतो, न आचरियुपज्झायेहि, इमेहि पन पापवितक्केहि कतोति दस्सनत्थं आरब्धं । **अनिमित्तं वा समाधिन्ति** विपस्सनासमाधिं । सो हि निच्चनिमित्तादीनं समुग्धातनेन अनिमित्तोति वुच्चति । एत्थ च चत्तारो सतिपट्टाना मिस्सका, अनिमित्तसमाधि पुब्बभागो । अनिमित्तसमाधि वा मिस्सको, सतिपट्टाना पुब्बभागाति वेदितब्बा ।

**देमा, भिक्खवे, दिट्ठियोति** इदं पन न केवलं अनिमित्तसमाधिभावना इमेसंयेव तिण्णं महावितक्कानं पहानाय संवत्तति, सस्सतुच्छेददिट्ठीनम्पि पन समुग्धातं करोतीति दस्सनत्थं वुत्तं । **न वज्जवा अस्सन्ति** निदोसो भवेय्यं । सेसमेत्थ उत्तानमेव । इति भगवा इमस्मिम्पि सुत्ते देसनं तीहि भवेहि विनिवत्तेत्वा अरहत्तेन कूटं गण्हि । देसनावसाने पञ्चसता भिक्खु सह पटिसम्भिदाहि अरहत्तं पापुणिसूति । अट्ठमं ।

## ९. पालिलेय्यसुत्तवण्णना

**८१. नवमे चारिकं पक्कामीति** कोसम्बिकानं भिक्खूनं कलहकाले सत्था एकदिवसं दीधीतिस्स कोसलरज्जो वत्थुं आहरित्वा “न हि वेरेन वेरानि, सम्मन्तीध कुदाचन”न्तिआदीहि (ध० प० ५) गाथाहि ओवदति । तंदिवसं तेसं कलहं करोन्तानंयेव रत्ति विभाता । दुतियदिवसेपि भगवा तमेव वत्थुं कथेसि । तंदिवसम्पि तेसं कलहं करोन्तानंयेव रत्ति विभाता । ततियदिवसेपि भगवा तमेव वत्थुं कथेसि । अथ नं अज्जतरो भिक्खु एवमाह — “अप्पोस्सुक्को, भन्ते, भगवा दिट्ठधम्मसुखविहारं अनुयुत्तो विहरतु, मयमेतेन भण्डनेन कलहेन विग्गहेन विवादेन पज्जायिस्सामा”ति । सत्था “परियादिण्णरूपचित्ता खो इमे मोघपुरिसा, न इमे सक्का सज्जापेतु”न्ति चिन्तेत्वा — “किं मय्हं इमेहि, एकचारवासं वसिस्सामी”ति? सो पातोव सरीरपटिजगगनं कत्वा कोसम्बियं पिण्डाय चरित्वा कञ्चिपि अनामन्तेत्वा एकोव अदुतियो चारिकं पक्कामि ।

**यस्मिं, आवुसो, समयेति** इदं थेरो यस्मास्स अज्ज भगवा एकेन भिक्खुना सद्धिं पक्कमिस्सति, अज्ज द्वीहि, अज्ज सतेन, अज्ज सहस्सेन, अज्ज एककोवाति सब्बो भगवतो चारो विदितो पाकटो पच्चक्खो, तस्मा आह ।

**अनुपुब्बेनाति** गामनिगमपटिपाटिया पिण्डाय चरमानो एकचारवासं ताव वसमानं भिक्खुं पस्सितुकामो हुत्वा बालकलोणकारगामं अगमासि । तत्थ भगुत्थेरस्स सकलपच्छाभत्तज्येव तियामरत्तिज्ज एकचारवासे आनिसंसं कथेत्वा

पुनर्दिवसे तेन पच्छासमणेन पिण्डाय चरित्वा तं तत्थेव निवत्तेत्वा “समग्गवासं वसमाने तयो कुलपुत्ते पस्सिस्सामी”ति पाचीनवंसमिगदायं अगमासि । तेसम्पि सकलपच्छाभत्तञ्चेव तियामरत्तिञ्च एकचारवासे आनिसंसं कथेत्वा ते तत्थेव निवत्तेत्वा एककोव पालिलेय्य नगराभिमुखो पक्कमित्वा अनुपुब्बेन पालिलेय्यनगरं सम्पत्तो । तेन वुत्तं — “अनुपुब्बेन चारिकं चरमानो येन पालिलेय्यकं, तदवसरी”ति ।

**भद्रसालमूले**ति पालिलेय्यवासिनो भगवतो दानं दत्त्वा पालिलेय्यतो अविदूरे रक्खितवनसण्डो नाम अत्थि, तत्थ भगवतो पण्णसालं कत्वा “एत्थ वसथा”ति पटिञ्जं कारेत्वा वासयिंसु । भद्रसालो पन तत्थेको मनापो लद्धको सालरुक्खो । भगवा तं नगरं उपनिस्साय तस्मिं वनसण्डे पण्णसालसमीपे तस्मिं रुक्खमूले विहरति । तेन वुत्तं “भद्रसालमूले”ति ।

एवं विहरन्ते पनेत्थ तथागते अज्जतरो हत्थिनागो हत्थिनीहि हत्थिपोतकादीहि गोचरभूमितित्थोगाहनादीसु उब्बाळ्हो यूथे उक्कण्ठितो “किं मे इमेहि हत्थीही”ति? यूथं पहाय मनुस्सपथं गच्छन्तो पालिलेय्यकवनसण्डे भगवन्तं दिस्वा घटसहस्सेन निब्बापितसन्तापो विय निब्बुतो हुत्वा सत्थु सन्तिके अट्ठासि । सो ततो पट्टाय सत्थु वत्तपटिवत्तं करोन्तो मुखधोवनं देति, न्हानोदकं आहरति, दन्तकटुं देति, परिवेणं सम्मज्जति, अरज्जतो मधुरानि फलाफलानि आहरित्वा सत्थुनो देति । सत्था परिभोगं करोति ।

एकदिवसं सत्था रत्तिभागसमनन्तरे चङ्कमित्वा पासाणफलके निसीदि । हत्थीपि अविदूरे ठाने अट्ठासि । सत्था पच्छतो ओलोकेत्वा न किञ्चि अद्दस, एवं पुरतो च उभयपस्सेसु च । अथस्स “सुखं वताहं अज्जत्र तेहि भण्डनकारकेहि वसामी”ति चित्तं उप्पज्जि । हत्थिनोपि “मया नामितसाखं अज्जे खादन्ता नत्थी”ति आदीनि चिन्तेत्वा — “सुखं वत एककोव वसामि, सत्थु वत्तं कातुं लभामी”ति चित्तं उप्पज्जि । सत्था अत्तनो चित्तं ओलोकेत्वा — “मम ताव ईदिसं चित्तं, कीदिसं नु खो हत्थिस्सा”ति तस्सापि तादिसमेव दिस्वा “समेति नो चित्तं”न्ति इमं उदानं उदानेसि —

“एतं नागस्स नागेन, ईसादन्तस्स हत्थिनो ।

समेति चित्तं चित्तेन, यदेको रमती वने”ति ॥ (महाव० ४६७) ।

**अथ खो सम्बहुला भिक्खू**ति अथ एवं तथागते तत्थ विहरन्ते पञ्चसता दिसासु वस्संवुत्था भिक्खू । **येनायस्मा आनन्दो**ति “सत्था किर भिक्खुसङ्घं पणामेत्वा अरज्जं पविट्ठो”ति अत्तनो धम्मताय सत्थु सन्तिकं गन्तुं असक्कोन्ता येनायस्मा आनन्दो, तेनुपसङ्कमिंसु ।

**अनन्तरा आसवानं खयो**ति मगानन्तरं अरहत्तफलं । **विचयसो**ति विचयेन, तेसं तेसं धम्मानं सभावविचिननसमत्थेन जाणेन परिच्छिन्दित्वाति अत्थो । **धम्मो**ति सासनधम्मो । चत्तारो सतिपट्टानातिआदि ये ये कोट्टासे परिच्छिन्दित्वा धम्मो देसितो, तेसं पकासनत्थाय वुत्तं । **समनुपस्सना**ति दिट्ठिसमनुपस्सना । **सङ्खारो सो**ति दिट्ठिसङ्खारो सो । **ततो जो सो सङ्खारो**ति ततो तण्हातो सो सङ्खारो जातो । तण्हासम्पयुत्तेसु चित्तेसुपि चतूसु चित्तेसु एस जायति । **सापि तण्हा**ति सा दिट्ठिसङ्खारस्स पच्चयभूता तण्हा । **सापि वेदना**ति सा तण्हाय पच्चयभूता वेदना । **सोपि फस्सो**ति सो वेदनाय पच्चयो अविज्जासम्पस्सो । **सापि अविज्जा**ति सा फस्ससम्पयुत्ता अविज्जा ।

**नो चस्सं, नो च मे सिया**ति सचे अहं न भवेय्यं, मम परिक्रारोपि न भवेय्य । **नाभविस्सं, न मे भविस्सती**ति सचे

पन आयतिमि अहं न भविस्सामि, एवं मम परिकखारोपि न भविस्सति । एत्तके ठाने भगवा तेन भिक्खुना गहितगहितदिट्ठिं विस्सज्जापेन्तो आगतो पुग्गलज्झासयेनपि देसनाविलासेनपि । ततो जो सो सङ्गारोति तण्हासम्पयुत्तचित्ते विचिकिच्छाव नत्थि, कथं विचिकिच्छासङ्गारो तण्हातो जायतीति? अप्पहीनत्ता । यस्स हि तण्हाय अप्पहीनाय सो उप्पज्जति, तं सन्धायेतं वुत्तं । दिट्ठियापि एसेव नयो लब्भतियेव चतूसु हि चित्तुप्पादेसु सम्पयुत्तदिट्ठि नाम नत्थि । यस्मा पन तण्हाय अप्पहीनत्ता सा उप्पज्जति, तस्मा तं सन्धाय तत्रापि अयमत्थो युज्जति । इति इमस्मिं सुत्ते तेवीसतिया ठानेसु अरहत्तं पापेत्वा विपस्सना कथिता । नवमं ।

## १०. पुण्णमसुत्तवण्णना

८२. दसमे तदहुपोसथेतिआदि पवारणसुत्ते वित्थारितमेव । किञ्चिदेव देसन्ति किञ्चि कारणं । सके आसने निसीदित्वा पुच्छ यदाकङ्कसीति कस्मा एवमाह? सो किर भिक्खु पञ्चसतभिक्खुपरिवारो । आचरिये पन ठितके पुच्छन्ते सचे ते भिक्खू निसीदन्ति, सत्थरि गारवं कतं होति, आचरिये अगारवं । सचे उट्ठहन्ति, आचरिये गारवं कतं होति, सत्थरि अगारवं । इति नेसं चित्तं अनेकगं भविस्सति, देसनं सम्पटिच्छित्तुं न सक्खिस्सन्ति । तस्मिं पन निसीदित्वा पुच्छन्ते तेसं चित्तं एकगं भविस्सति, देसनं सम्पटिच्छित्तुं सक्खिस्सन्तीति जत्वा भगवा एवमाह । इमे नु खो, भन्तेति अयं थेरो पञ्चन्नं भिक्खुसतानं आचरियो, पञ्चक्खन्धमत्तमि नप्पजानातीति न वत्तब्बो । पज्जं पुच्छन्तेन पन “इमे पञ्चुपादानक्खन्धा, न अज्जे”ति एवं जानन्तेन विय हुत्वा पुच्छित्तुं न वट्ठति, तस्मा अजानन्तो विय पुच्छति । तेपि चस्स अन्तेवासिका “अम्हाकं आचरियो ‘अहं जानामी’ति न कथेति, सब्बज्जुतज्जाणेन पन सद्धिं संसन्दित्वाव कथेती”ति सोतब्बं सद्धातब्बं मज्जिस्सन्तीतिपि अजानन्तो विय पुच्छति ।

छन्दमूलकाति तण्हाछन्दमूलका । न खो भिक्खु तज्जेव उपादानं ते पञ्चुपादानक्खन्धाति यस्मा छन्दरागमत्तं पञ्चक्खन्धा न होति, तस्मा इदं वुत्तं । यस्मा पन सहजाततो वा आरम्मणतो वा खन्धे मुञ्चित्वा उपादानं नत्थि, तस्मा नापि अज्जत्र पञ्चहि उपादानक्खन्धेहि उपादानन्ति वुत्तं । तण्हासम्पयुत्तस्मिञ्चि चित्ते वत्तमाने तंचित्तसमुद्धानरूपं रूपक्खन्धो, ठपेत्वा तं तण्हं सेसा अरूपधम्मा चत्तारो खन्धाति सहजाततोपि खन्धे मुञ्चित्वा उपादानं नत्थि । उपादानस्स पन रूपादीसु अज्जतरं आरम्मणं कत्वा उप्पज्जनतो आरम्मणतोपि पञ्चक्खन्धे मुञ्चित्वा उपादानं नत्थि । छन्दरागवेमत्तताति छन्दरागनानत्तं । एवं खो भिक्खूति एवं रूपारम्मणस्स छन्दरागस्स वेदनादीसु अज्जतरं आरम्मणं अकरणतो सिया छन्दरागवेमत्तता । खन्धाधिवचनन्ति खन्धाति अयं पज्जति । अयं पन अनुसन्धि न घटियति, किञ्चापि न घटियति, सानुसन्धिकाव पुच्छा, सानुसन्धिकं विस्सज्जनं । अयञ्चि थेरो तेसं तेसं भिक्खून् अज्झासयेन पुच्छति, सत्थापि तेसं तेसं अज्झासयेनेव विस्सज्जेति । सेसं सब्बत्थ उत्तानमेव । दसमं ।

इमस्स च पन वग्गस्स एकेकस्मिं सुत्ते पञ्चसता पञ्चसता भिक्खू अरहत्तं पत्ताति ।

खज्जनीयवग्गो अट्ठमो ।

## ९. थेरवग्गो

### १. आनन्दसुत्तवण्णना

८३. थेरवग्गस्स पठमे मन्ताणिपुत्तोति, मन्ताणिया नाम ब्राह्मणिया पुत्तो । उपादायाति आगम्म आरब्ध सन्धाय



पटिच्च । अस्मीति होतीति अस्मीति एवं पवत्तं तण्हामानदिट्ठिपपञ्चत्तयं होति । दहरोति तरुणो । युवाति योव्वनेन समन्नागतो । मण्डनकजातिकोति मण्डनकसभावो मण्डनकसीलो । मुखनिमित्तन्ति मुखपटिबिम्बं । तज्झि परिसुद्धं आदासमण्डलं पटिच्च पञ्जायति । किं पन तं ओलोकयतो सकमुखं पञ्जायति, परमुखन्ति? यदि सकं भवेय्य, परम्ममुखं हुत्वा पञ्जायेय्य, अथ परस्स भवेय्य, वण्णादीहि असदिसं हुत्वा पञ्जायेय्य । तस्मा न तं अत्तनो, न परस्स, आदासं पन निस्साय निभासरूपं नाम तं पञ्जायतीति वदन्ति । अथ यं उदके पञ्जायति, तं केन कारणेनाति? महाभूतानं विसुद्धताय । धम्मो मे अभिसमितोति मया जाणेन चतुसच्चधम्मो अभिसमागतो, सोतापन्नोस्मि जातोति कथेसि । पठमं ।

## २. तिस्ससुत्तवण्णना

८४. दुतिये मधुरकजातो वियाति सज्जातगरुभावो विय अकम्मज्जो । दिसापि मेति अयं पुरत्थिमा अयं दक्खिणाति एवं दिसापि मय्हं न पक्खायन्ति, न पाकटा होन्तीति वदति । धम्मापि मं न पटिभन्तीति परियत्तिधम्मापि मय्हं न उपट्ठहन्ति, उग्गहितं सज्झायितं न दिस्सतीति वदति । विचिकिच्छाति नो महाविचिकिच्छा । न हि तस्स “सासनं निय्यानिकं नु खो, न नु खो”ति विमति उपपज्जति । एवं पनस्स होति “सक्खिस्सामि नु खो समणधम्मं कातुं, उदाहु पत्तचीवरधारणमत्तमेव करिस्सामी”ति ।

कामानमेतं अधिवचनन्ति यथा हि निन्नं पल्ललं ओलोकेन्तस्स दस्सनरामण्येय्यकमत्तं अत्थि, यो पनेत्थ ओतरति, तं चण्डमीनाकुलताय आकड्ढित्वा अनयव्यसनं पापेति, एवमेवं पञ्चसु कामगुणेषु चक्खुद्वारादीनं आरम्मणे रामण्येय्यकमत्तं अत्थि, यो पनेत्थ गेधं आपज्जति, तं आकड्ढित्वा निरयादीसु एव पक्खिपन्ति । अप्पस्सादा हि कामा बहुदुक्खा बहुपायासा, आदीनवो एत्थ भिय्योति इमं अत्थवसं पटिच्च “कामानमेतं अधिवचन”न्ति वुत्तं । अहमनुग्गहेनाति अहं धम्मामिसानुग्गहेहि अनुग्गण्हामि । अभिनन्दीति सम्पटिच्छि । न केवलञ्च अभिनन्दि, इमं पन सत्थु सन्तिका अस्सासं लभित्वा घटेन्तो वायमन्तो कतिपाहेन अरहत्ते पतिट्ठासि । दुतियं ।

## ३. यमकसुत्तवण्णना

८५. ततिये दिट्ठिगतन्ति सचे हिस्स एवं भवेय्य “सङ्खारा उपपज्जन्ति चेव निरुज्झन्ति च, सङ्खारप्पवत्तमेव अप्पवत्तं होती”ति, दिट्ठिगतं नाम न भवेय्य, सासनावचरिकं जाणं भवेय्य । यस्मा पनस्स “सत्तो उच्छिज्जति विनस्सती”ति अहोसि, तस्मा दिट्ठिगतं नाम जातं । थामसा परामासाति दिट्ठिथामेन चेव दिट्ठिपरामासेन च ।

येनायस्मा सारिपुत्तोति यथा नाम पच्चन्ते कुपिते तं वूपसमेतुं असक्कोन्ता राजपुरिसा सेनापतिस्स वा रज्जो वा सन्तिकं गच्छन्ति, एवं दिट्ठिगतवसेन तस्मिं थेरे कुपिते तं वूपसमेतुं असक्कोन्ता ते भिक्खू येन धम्मराजस्स धम्मसेनापति आयस्मा सारिपुत्तो, तेनुपसङ्कमिंसु । एवंब्याखोति तेसं भिक्खूनां सन्तिके विय थेरस्स सम्मुखा पग्गय्ह वत्तुं असक्कोन्तो ओलम्बन्तेन हदयेन “एवंब्याखो”ति आह । तं किं मज्जसि, आवुसोति? इदं थेरो तस्स वचनं सुत्वा, “नायं अत्तनो लब्धिं दोसं पस्सति, धम्मदेसनाय अस्स तं पाकटं करिस्सामी”ति चिन्तेत्वा तिपरिवट्ठं देसनं देसेतुं आरभि ।

तं किं मज्जसि, आवुसो यमक, रूपं तथागतोति इदं कस्मा आरद्धं? अनुयोगवत्तं दापनत्थं । तिपरिवट्ठदेसनावसानस्मिज्झि थेरो सोतापन्नो जातो । अथ नं अनुयोगवत्तं दापेतुं “तं किं मज्जसी”तिआदिमाह? तथागतोति सत्तो । रूपं वेदना सज्जा सङ्खारा विज्जाणन्ति इमे पञ्चक्खन्थे सम्पिण्डेत्वा “तथागतो”ति समनुपस्ससीति

पुच्छति । एत्थ च ते, आवुसोति इदं थेरस्स अनुयोगे भुम्मं । इदं वुत्तं होति — एत्थ च ते एत्तके ठाने दिट्ठेव धम्मे सच्चतो थिरतो सत्ते अनुपलब्धिमानेति । सचे तं, आवुसोति इदमेतं अज्जं ब्याकरापेतुकामो पुच्छति । यं दुक्खं तं निरुद्धन्ति यं दुक्खं, तदेव निरुद्धं, अज्जो सत्तो निरुज्जनको नाम नत्थि, एवं ब्याकरेय्यन्ति अत्थो ।

एतस्सेव अत्थस्साति एतस्स पठममग्गस्स । भिय्योसोमत्ताय जाणायाति अतिरेकप्पमाणस्स जाणस्स अत्थाय, सहविपस्सनकानं उपरि च तिण्णं मग्गानं आविभावत्थायाति अत्थो । आरक्खसम्पन्नोति अन्तोआरक्खेन चेव बहिआरक्खेन च समन्नागतो । अयोगक्खेमकामोति चतूहि योगेहि खेमभावं अनिच्छन्तो । पसह्हाति पसह्हित्वा अभिभवित्वा । अनुपखज्जाति अनुपविसित्वा ।

पुब्बुट्ठायीति आदीसु दूरतोव आगच्छन्तं दिस्वा आसनतो पठमतरं वुट्ठातीति पुब्बुट्ठायी । तस्स आसनं दत्त्वा तस्मिं निसिन्ने पच्छा निपतति निसीदतीति, पच्छानिपाती । पातोव वुट्ठाय “एत्तका कसितुं गच्छथ, एत्तका वपितुं”न्ति वा सब्बपठमं वुट्ठातीति पुब्बुट्ठायी । सायं सब्बेसु अत्तनो अत्तनो वसनट्ठानं गतेसु गेहस्स समन्ततो आरक्खं संविधाय द्वारानि थकेत्वा सब्बपच्छा निपज्जनतोपि पच्छानिपाती । “किं करोमि, अय्यपुत्त? किं करोमि अय्यपुत्ता”ति? मुखं ओलोकेन्तो किंकारं पटिसावेतीति किंकारपटिस्सावी । मनापं चरतीति मनापचारी । पियं वदतीति पियवादी । मित्ततोपि नं सद्दहेय्याति मित्तो मे अयन्ति सद्दहेय्य । विस्सासं आपज्जेय्याति एकतो पानभोजनादिं करोन्तो विस्सासिको भवेय्य । संविस्सत्थोति सुट्ठु विस्सत्थो ।

एवमेव खोति एत्थ इदं ओपम्मसंसन्दनं — बालगहपतिपुत्तो विय हि वट्ठसन्निस्सितकाले अस्सुतवा पुथुज्जनो, वधकपच्चामित्तो विय अबलदुब्बला पञ्चक्खन्धा, वधकपच्चामित्तस्स “बालगहपतिपुत्तं उपट्ठहिस्सामी”ति उपगतकालो विय पटिसन्धिकखणे उपगता पञ्चक्खन्धा, तस्स हि “न मे अयं सहायो, वधकपच्चत्थिको अय”न्ति अजाननकालो विय वट्ठनिस्सितपुथुज्जनस्स पञ्चक्खन्धे “न इमे मय्”न्ति अगहेत्वा “मम रूपं, मम वेदना, मम सज्जा, मम सङ्खारा, मम विज्जाण”न्ति गहितकालो, वधकपच्चत्थिकस्स “मित्तो मे अय”न्ति गहेत्वा सक्कारकरणकालो विय “मम इमे”ति गहेत्वा पञ्चन्नं खन्धानं न्हापनभोजनादीहि सक्कारकरणकालो, “अतिविस्सत्थो मे अय”न्ति जत्वा सक्कारं करोन्तस्सेव असिना सीसच्छिन्दनं विय विस्सत्थस्स बालपुथुज्जनस्स तिखिणेहि भिज्जमानेहि खन्धेहि जीवितपरियादानं वेदितब्बं ।

उपेतीति उपगच्छति । उपादियतीति गण्हाति । अधिट्ठातीति अधितिट्ठति । अत्ता मेति अयं मे अत्ताति । सुतवा च खो, आवुसो, अरियसावकोति यथा पन पण्डितो गहपतिपुत्तो एवं उपगतं पच्चत्थिकं “पच्चत्थिको मे अय”न्ति जत्वा अप्पमत्तो तानि तानि कम्मानि कारेत्वा अनत्थं परिहरति, अत्थं पापुणाति, एवं सुतवा अरियसावकोपि “न रूपं अत्ततो समनुपस्सती”ति आदिना नयेन पञ्चक्खन्धे अहन्ति वा ममन्ति वा अगहेत्वा, “पच्चत्थिका मे एते”ति जत्वा रूपसत्तकअरूपसत्तकादिवसेन विपस्सनाय योजेत्वाव ततोनिदानं दुक्खं परिवज्जेत्वा अग्गफलं अरहत्तं पापुणाति । सेसमेत्थ उत्तानमेव । ततियं ।

#### ४. अनुराधसुत्तवण्णना

८६. चतुत्थे अरज्जकुटिकायन्ति तस्सेव विहारस्स पच्चन्ते पण्णसालायं । तं तथागतोति तुम्हाकं सत्था तथागतो तं सत्तं तथागतं । अज्जत्र इमेहीति तस्स किर एवं अहोसि “इमे सासनस्स पटिपक्खा पटिविलोमा, यथा इमे भणन्ति, न एवं सत्था पज्जापेस्सति, अज्जथा पज्जापेस्सती”ति । तस्मा एवमाह । एवं वुत्ते ते अज्जतित्थियाति एवं थेरेन अत्तनो च

परेसञ्च समयं अजानित्वा वुत्ते एकदेसेन सासनसमयं जानन्ता थेरस्स वादे दोसं दातुकामा ते अञ्जतिथिया परिब्बाजका आयस्मन्तं अनुराधं एतदवोचुं ।

तं किं मञ्जसि अनुराधाति सत्था तस्स कथं सुत्वा चिन्तेसि — “अयं भिक्खु अत्तनो लद्धियं दोसं न जानाति, कारको पनेस युत्तयोगो, धम्मदेसनाय एव नं जानापेस्सामी”ति तिपरिवट्टं देसनं देसेतुकामो “तं किं मञ्जसि, अनुराधा”ति आदिमाह । अथस्स तां देसनाय अरहत्तप्पत्तस्स अनुयोगवत्तं आरोपेन्तो तं किं मञ्जसि, अनुराध? रूपं तथागतोति आदिमाह । दुक्खञ्चेव पञ्जपेमि, दुक्खस्स च निरोधन्ति वट्ठदुक्खञ्चेव वट्ठदुक्खस्स च निरोधं निब्बानं पञ्जपेमि । दुक्खन्ति वा वचनेन दुक्खसच्चं गहितं । तस्मिं गहिते समुदयसच्चं गहितमेव होति, तस्स मूलत्ता । निरोधन्ति वचनेन निरोधसच्चं गहितं । तस्मिं गहिते मग्गसच्चं गहितमेव होति तस्स उपायत्ता । इति पुब्बे चाहं, अनुराध, एतरहि च चतुसच्चमेव पञ्जपेमीति दस्सेति । एवं इमस्मिं सुत्ते वट्ठविवट्ठमेव कथितं । चतुत्थं ।

#### ५. वक्कलिसुत्तवण्णना

८७. पञ्चमे कुम्भकारनिवेसनेति कुम्भकारसालायं । थेरो किर वुत्थवस्सो पवारेत्वा भगवन्तं दस्सनाय आगच्छति । तस्स नगरमज्जे महाआबाधो उप्पज्जि, पादा न वहन्ति । अथ नं मञ्चकसिविकाय कुम्भकारसालं आहरिं सु । सा च साला तेसं कम्मसाला, न निवेसनसाला । तं सन्धाय वुत्तं “कुम्भकारनिवेसने विहरती”ति । बाळहगिलानोति अधिमत्तगिलानो । समधोसीति समन्ततो अधोसि, चलनाकारेन अपचितिं दस्सेसि । वत्तं किरेतं बाळहगिलानेनपि बुद्धतरं दिस्वा उट्ठानाकारेन अपचितिं दस्सेतब्बा । तेन पन “मा चलि मा चली”ति वत्तब्बो । सन्तिमानि आसनानीति बुद्धकालस्मिञ्चि एकस्सपि भिक्खुनो वसनट्ठाने “सचे सत्था आगच्छिस्सति, इध निसीदिस्सती”ति आसनं पञ्चत्तमेव होति अन्तमसो फलकमत्तम्पि पण्णसन्धारमत्तम्पि । खमनीयं यापनीयन्ति कच्चि दुक्खं खमितुं इरियापथं वा यापेतुं सक्काति पुच्छति । पटिक्कमन्तीति निवत्तन्ति । अभिक्कमन्तीति अधिगच्छन्ति । पटिक्कमोसानन्ति पटिक्कमो एतासं । सीलतो न उपवदतीति सीलं आरब्ध सीलभावेन न उपवदति । चिरपटिकाहन्ति चिरपटिको अहं, चिरतो पट्टाय अहन्ति अत्थो । पूतिकायेनाति अत्तनो सुवण्णवण्णम्पि कायं भगवा धुवपग्घरणट्ठेन एवमाह । यो खो, वक्कलि, धम्मन्ति इध भगवा “धम्मकायो खो, महाराज, तथागतो”ति वुत्तं धम्मकायतं दस्सेति । नवविधो हि लोकुत्तरधम्मो तथागतस्स कायो नाम ।

इदानीं थेरस्स तिपरिवट्ठधम्मदेसनं आरभन्तो तं किं मञ्जसीति आदिमाह । काळसिलाति काळसिलाविहारो । विमोक्खायाति मग्गविमोक्खत्थाय । सुविमुत्तो विमुच्चिस्सतीति अरहत्तफलविमुत्तिया विमुत्तो हुत्वा विमुच्चिस्सति । ता किर देवता “येन नीहारेन इमिना विपस्सना आरब्धा, अनन्तरायेन अरहत्तं पापुणिस्सती”ति जत्वा एवमाहं सु । अपापकन्ति अलामकं । सत्थं आहरेसीति थेरो किर अधिमानिको अहोसि । सो समाधिविपस्सनाहि विक्खम्भितानं किलेसानं समुदाचारं अपस्सन्तो “खीणासवोम्ही”ति सञ्जी हुत्वा “किं मे इमिना दुक्खेन जीवितेन? सत्थं आहरित्वा मरिस्सामी”ति तिखिणेन सत्थेन कण्ठनाळं छिन्दि । अथस्स दुक्खा वेदना उप्पज्जि । सो तस्मिं खणे अत्तनो पुथुज्जनभावं जत्वा अविस्सट्ठकम्मट्ठानत्ता सीधं मूलकम्मट्ठानं आदाय सम्मसन्तो अरहत्तं पापुणित्वाव कालमकासि । पच्चवेक्खणा पनस्स च कथं अहोसीति? खीणासवस्स एकूनवीसति पच्चवेक्खणा न सब्बाव अवस्सं लद्धब्बा, तिखिणेनापि पन असिना सीसे छिज्जन्ते एकं द्वे जाणानि अवस्सं उप्पज्जन्ति ।

विवत्तक्खन्थन्ति परिवत्तक्खन्थं । सेमानन्ति सयमानं । थेरो किर उत्तानको निपन्नो सत्थं आहरि । तस्स सरीरं यथाठितमेव अहोसि । सीसं पन दक्खिणपस्सेन परिवत्तित्वा अट्ठासि । अरियसावका हि येभ्य्येन दक्खिणपस्सेनेव कालं

करोन्ति । तेनस्स सरीरं यथाठितंयेव अहोसि । सीसं पन दक्खिणपस्सेन परिवत्तित्वा ठितं । तं सन्धाय विवत्तकखन्धो नाम जातोतिपि वदन्ति । धूमायितत्तन्ति धूमायनभावं । तिमिरायितत्तन्ति तिमिरायनभावं । धूमवलाहकं विय तिमिरवलाहकं विय चाति अत्थो । पञ्चमं ।

## ६. अस्सजिसुत्तवण्णना

८८. छट्ठे कस्सपकारामेति कस्सपसेट्ठिना कारिते आरामे । कायसङ्खारेति अस्सासपस्सासे । सो हि ते चतुत्थज्झानेन पस्सम्भित्वा पस्सम्भित्वा विहासि । एवं होतीति इदानीं तं समाधिं अप्पटिलभन्तस्स एवं होति । नो चस्साहं परिहायामीति कच्चि नु खो अहं सासनतो न परिहायामि? तस्स किर आबाधदोसेन अप्पितप्पिता समापत्ति परिहायि, तस्मा एवं चिन्तेसि । समाधिसारका समाधिसामञ्जाति समाधिंयेव सारञ्च सामञ्जञ्च मज्जन्ति । मय्हं पन सासने न एतं सारं, विपस्सनामग्गफलानि सारं । सो त्वं समाधितो परिहायन्तो कस्मा चिन्तेसि “सासनतो परिहायामी”ति । एवं थेरं अस्सासेत्वा इदानीस्स तिपरिवट्टं धम्मदेसनं आरभन्तो तं किं मज्जसीतिआदिमाह । अथस्स तिपरिवट्टदेसनावसाने अरहत्तं पत्तस्स सततविहारं दस्सेन्तो सो सुखं चे वेदनं वेदयतीतिआदिमाह । तत्थ अनभिनन्दिताति पजानातीति सुखवेदनाय ताव अभिनन्दना होतु, दुक्खवेदनाय कथं होतीति? दुक्खं पत्त्वा सुखं पत्थेति, यदग्गेन सुखं पत्थेति, तदग्गेन दुक्खं पत्थेतियेव । सुखविपरिणामेन हि दुक्खं आगतमेव होतीति एवं दुक्खे अभिनन्दना वेदितब्बा । सेसं पुब्बे वुत्तनयमेवाति । छट्ठं ।

## ७. खेमकसुत्तवण्णना

८९. सत्तमे अत्तनियन्ति अत्तनो परिक्रारजातं । अस्मीति अधिगतन्ति अस्मीति एवं पवत्ता तण्हामाना अधिगता । सन्धावनिकायाति पुनप्पुनं गमनागमनेन । उपसङ्कमीति बदरिकारामतो गावुतमत्तं घोसितारामं अगमासि । दासकत्थेरो पन चतुक्खत्तुं गमनागमनेन तंदिवसं द्वियोजनं अब्दानं आहिण्डि । कस्मा पन तं थेरा पहिणिसु? विस्सुतस्स धम्मकथिकस्स सन्तिका धम्मं सुणिस्सामाति । सयं कस्मा न गताति? थेरस्स वसनट्ठानं अरञ्जं सम्बाधं, तत्थ सट्ठिमत्तानं थेरानं ठातुं वा निसीदितुं वा ओकासो नत्थीति न गता । “इधागन्त्वा अम्हाकं धम्मं कथेतू”तिपि कस्मा पन न पहिणिसूति? थेरस्स आबाधिकत्ता । अथ कस्मा पुनप्पुनं पहिणिसूति? सयमेव जत्त्वा अम्हाकं कथेतुं आगमिस्सतीति । थेरोपि तेसं अज्झासयं जत्त्वाव अगमासीति ।

न ख्वाहं, आवुसो, रूपन्ति यो हि रूपमेव अस्मीति वदति, तेन इतरे चत्तारो खन्धा पच्चक्खाता होन्ति । यो अज्जत्र रूपा वदति, तेन रूपं पच्चक्खातं होति । वेदनादीसुपि एसेव नयो । थेरस्स पन समूहतो पञ्चसुपि खन्धेसु अस्मीति अधिगतो, तस्मा एवमाह । होतेवाति होतियेव । अनुसहगतोति सुखुमो । ऊसेति छारिकाखारे । खारेति ऊसखारे । सम्मद्वित्वाति तेमेत्वा खादेत्वा ।

एवमेव खोति एत्थ इदं ओपम्मसंसन्दनं — किलिडुवत्थं विय हि पुथुज्जनस्स चित्ताचारो, तयो खारा विय तिस्सो अनुपस्सना, तीहि खारेहि धोतवत्थं विय देसनाय मद्वित्वा ठितो अनागामिनो चित्ताचारो, अनुसहगतो ऊसादिगन्धो विय अरहत्तमग्गवज्झा किलेसा, गन्धकरण्डको विय अरहत्तमग्गजाणं गन्धकरण्डकं आगम्म अनुसहगतानं ऊसगन्धादीनं समुग्घातो विय अरहत्तमग्गेन सब्बकिलेसक्खयो, गन्धपरिभावितवत्थं निवासेत्वा छणदिवसे अन्तरवीथियं सुगन्धगन्धिनो विचरणं विय खीणासवस्स सीलगन्धादीहि दस दिसा उपवायन्तस्स यथाकामचारो ।

आचिक्खितुन्ति कथेतुं। देसेतुन्ति पकासेतुं। पज्जापेतुन्ति जानापेतुं। पट्टपेतुन्ति पतिट्ठापेतुं। विवरितुन्ति विवटं कातुं। विभजितुन्ति सुविभत्तं कातुं। उत्तानीकातुन्ति उत्तानकं कातुं। सट्ठिमत्तानं थेरानन्ति ते किर थेरेन कथितकथितद्वाने विपस्सनं पट्टपेत्वा उपरूपरि सम्मसन्ता देसनापरियोसाने अरहत्तं पापुणिसु। थेरोपि अज्जेन नीहारेन अकथेत्वा विपस्सनासहगतचित्तेनेव कथेसि। तस्मा सोपि अरहत्तं पापुणि। तेन वुत्तं — “सट्ठिमत्तानं थेरानं भिक्खून् अनुपादाय आसवेहि चित्तानि विमुच्चिसु आयस्मतो खेमकस्स चा”ति। सत्तमं।

## ८. छन्नसुत्तवण्णना

१०. अट्ठमे आयस्मा छन्नोति तथागतेन सट्ठिं एकदिवसे जातो महाभिनिक्खमनदिवसे सट्ठिं निक्खमित्वा पुन अपरभागे सत्थु सन्तिके पब्बजित्वा “अम्हाकं बुद्धो अम्हाकं धम्मो”ति एवं मक्खी चेव पळासी च हुत्वा सब्रह्मचारीनं फरुसवाचाय सट्ठिट्ठनं करोन्तो थेरो। अवापुरणं आदायाति कुज्जिकं गहेत्वा। विहारेन विहारं उपसङ्कमित्वाति एकं विहारं पविसित्वा ततो अज्जं, ततो अज्जन्ति एवं तेन तेन विहारेन तं तं विहारं उपसङ्कमित्वा। एतदवोच ओवदन्तु मन्ति कस्मा एवं महन्तेन उस्साहेन तत्थ तत्थ गन्त्वा एतं अवोचाति? उप्पन्नसंवेगताय। तस्स हि परिनिब्बुते सत्थरि धम्मसङ्गाहकथेरेहि पेसितो आयस्मा आनन्दो कोसम्बिं गन्त्वा ब्रह्मदण्डं अदासि। सो दिन्ने ब्रह्मदण्डे सज्जातपरिळाहो विसज्जीभूतो पतित्वा पुन सज्जं लभित्वा वुट्ठाय एकस्स भिक्खुनो सन्तिकं गतो, सो तेन सट्ठिं किज्जि न कथेसि। अज्जस्स सन्तिकं अगमासि, सोपि न कथेसीति एवं सकलविहारं विचरित्वा निब्बिन्नो पत्तचीवरं आदाय बाराणसिं गन्त्वा उप्पन्नसंवेगो तत्थ तत्थ गन्त्वा एवं अवोच।

सब्बे सङ्गारा अनिच्चाति सब्बे तेभूमकसङ्गारा अनिच्चा। सब्बे धम्मा अनत्ताति सब्बे चतुभूमकधम्मा अनत्ता। इति सब्बेपि ते भिक्खू थेरं ओवदन्ता अनिच्चलक्खणं अनत्तलक्खणन्ति द्वेव लक्खणानि कथेत्वा दुक्खलक्खणं न कथयिंसु। कस्मा? एवं किर नेसं अहोसि — “अयं भिक्खु वादी दुक्खलक्खणे पज्जापियमाने रूपं दुक्खं...पे०... विज्जाणं दुक्खं, मग्गो दुक्खो, फलं दुक्खन्ति ‘तुम्हे दुक्खप्पत्ता भिक्खू नामा’ति गहणं गणहेय्य, यथा गहणं गहेतुं न सक्कोति, एवं निद्वोसमेवस्स कत्वा कथेस्सामा”ति द्वेव लक्खणानि कथयिंसु।

परितस्सना उपादानं उप्पज्जतीति परितस्सना च उपादानञ्च उप्पज्जति। पच्चुदावत्तति मानसं, अथ को चरहि मे अत्ताति यदि रूपादीसु एकोपि अनत्ता, अथ को नाम मे अत्ताति एवं पटिनिवत्तति “मय्हं मानस”न्ति। अयं किर थेरो पच्चये अपरिगगहेत्वा विपस्सनं पट्टपेसि, सास्स दुब्बलविपस्सना अत्तगाहं परियादातुं असक्कुणन्ती सङ्गारेसु सुज्जतो उपट्ठहन्तेसु “उच्छिज्जिस्सामि विनस्सिस्सामी”ति उच्छेदिदिट्ठिया चेव परितस्सनाय च पच्चयो अहोसि। सो च अत्तानं पापते पपतन्तं विय दिस्वा, “परितस्सना उपादानं उप्पज्जति, पच्चुदावत्तति मानसं, अथ को चरहि मे अत्ता”ति आह। न खो पनेवं धम्मं पस्सतो होतीति चतुसच्चधम्मं पस्सन्तस्स एवं न होति। तावतिका विस्सट्ठीति तत्तको विस्सासो। सम्मुखा मेतन्ति थेरो तस्स वचनं सुत्वा, “कीदिसा नु खो इमस्स धम्मदेसना सप्पाया”ति? चिन्तेन्तो तेपिटकं बुद्धवचनं विचिनित्वा कच्चानसुत्तं (सं० नि० २.१५) अद्वस “इदं आदितोव दिट्ठिविनिवेठनं कत्वा मज्झे बुद्धबलं दीपेत्वा सण्हसुखुमपच्चयाकारं पकासयमानं गतं, इदमस्स देसेस्सामी”ति दस्सेन्तो “सम्मुखा मेत”न्ति आदिमाह। अट्ठमं।

## ९-१०. राहुलसुत्तादिवण्णना

११-१२. नवमदसमानि राहुलसंयुत्ते (सं० नि० २.१८८) वुत्तत्थानेव। केवलं हेतानि अयं थेरवग्गोति कत्वा

इथागतानीति । नवमदसमानि ।

थेरवगो नवमो ।

## १०. पुष्पवगो

### १. नदीसुत्तवण्णना

१३. पुष्पवगस्स पठमे पब्बतेय्याति पब्बते पवत्ता । ओहारिनीति सोते पतितपतितानि तिणपण्णकट्टादीनि हेट्टाहारिनी । दूरङ्गमाति निक्खन्तट्टानतो पट्टाय चतुपञ्चयोजनसतगामिनी । सीघसोताति चण्डसोता । कासातिआदीनि सब्बानि तिणजातानि । रुक्खाति एरण्डादयो दुब्बलरुक्खा । ते नं अज्झोलम्बेय्युन्ति ते तीरे जातापि ओनमित्वा अगोहि उदकं फुसन्तेहि अधिओलम्बेय्युं, उपरि लम्बेय्युन्ति अत्थो । पलुज्जेय्युन्ति समूलमत्तिकाय सद्धिं सीसे पतेय्युं । सो तेहि अज्झोत्थटो वालुकमत्तिकोदकेहि मुखं पविसन्तेहि महाविनासं पापुणेय्य ।

एवमेव खोति एत्थ सोते पतितपुरिसो विय वट्टस्सनिस्सितो बालपुथुज्जनो दट्टब्बो, उभतोतीरे कासादयो विय दुब्बलपञ्चक्खन्धा, “इमे गहितापि मं तारेतुं न सक्खिस्सन्ती”ति तस्स पुरिसस्स अजानित्वा गहणं विय इमे खन्धा “न मय्हं सहाया”ति बालपुथुज्जनस्स अजानित्वा चतूहि गाहेहि गहणं, गहितगहितानं पलुज्जनत्ता पुरिसस्स ब्यसनप्पत्ति विय चतूहि गाहेहि गहितानं खन्धानं विपरिणामे बालपुथुज्जनस्स सोकादिव्यसनप्पत्ति वेदितब्बा । पठमं ।

### २. पुष्पसुत्तवण्णना

१४. दुतिये विवदतीति “अनिच्चं दुक्खं अनत्ता असुभ”न्ति यथासभावेन वदन्तेन सद्धिं “निच्चं सुखं अत्ता सुभ”न्ति वदन्तो विवदति । लोकधम्मोति खन्धपञ्चकं । तज्झि लुज्जनसभावत्ता लोकधम्मोति वुच्चति । किन्ति करोमीति कथं करोमि? मय्हज्झि पटिपत्तिकथनमेव भारो, पटिपत्तिपूरणं पन कुलपुत्तानं भारोति दस्सेति । इमस्मिं सुत्ते तयो लोका कथिता । “नाहं, भिक्खवे, लोकेना”ति एत्थ हि सत्तलोको कथितो, “अत्थि, भिक्खवे, लोके लोकधम्मो”ति एत्थ सङ्खारलोको, “तथागतो लोके जातो लोके संवट्ठो”ति एत्थ ओकासलोको कथितो । दुतियं ।

### ३. फेणपिण्डूपमसुत्तवण्णना

१५. ततिये गङ्गाय नदिया तीरेति अयुज्झपुरवासिनो अपरिमाणभिक्खुपरिवारं चारिकं चरमानं तथागतं अत्तनो नगरं सम्पत्तं दिस्वा एकस्मिं गङ्गाय निवत्तनट्टाने महावनसण्डमण्डितप्पदेसे सत्थु विहारं कत्वा अदंसु । भगवा तत्थ विहरति । तं सन्धाय वुत्तं “गङ्गाय नदिया तीरे”ति । तत्र खो भगवा भिक्खू आमन्तेसीति तस्मिं विहारे वसन्तो भगवा सायन्हसमयं गन्धकुटितो निक्खमित्वा गङ्गातीरे पञ्चत्तवरबुद्धासने निसिन्नो गङ्गाय नदिया आगच्छन्तं महन्तं फेणपिण्डं दिस्वा, “मम सासने पञ्चक्खन्धनिस्सितं एकं धम्मं कथेस्सामी”ति चिन्तेत्वा परिवारेत्वा निसिन्ने भिक्खू आमन्तेसि ।

महन्तं फेणपिण्डन्ति उट्टानुट्टाने बदरपक्कप्पमाणतो पट्टाय अनुसोतागमनेन अनुपुब्बेन पवट्ठित्वा पब्बतकूटमत्तं जातं, यत्थ उदकसप्पादयो अनेकपाणयो निवसन्ति, एवरूपं महन्तं फेणपिण्डं । आवहेय्याति आहरेय्य । सो पनायं फेणपिण्डो उट्ठितट्टानेपि भिज्जति, थोकं गन्त्वापि, एकद्वियोजनादिवसेन दूरं गन्त्वापि, अन्तरा पन अभिज्जन्तोपि महासमुद्दं

पत्वा अवस्समेव भिज्जति । निज्झायेय्याति ओलोकेय्य । योनिःसो उपपरिक्खेय्याति कारणेन उपपरिक्खेय्य । किञ्चि सिया, भिक्खवे, फेणपिण्डे सारोति, भिक्खवे, फेणपिण्डमि सारो नाम किं भवेय्य? विलीयित्वा विद्धंसेय्येव ।

एवमेव खोति यथा फेणपिण्डो निस्सारो, एवं रूपमि निच्चसारधुवसारअत्तसारविरहेन निस्सारमेव । यथा च सो “इमिना पत्तं वा थालकं वा करिस्सामी”ति गहेतुं न सक्का, गहितोपि तमत्थं न सार्धेति, भिज्जति एव, एवं रूपमि निच्चन्ति वा धुवन्ति वा अहन्ति वा ममन्ति वा गहेतुं न सक्का, गहितमि न तथा तिष्ठति, अनिच्चं दुक्खं अनत्ता असुभज्जेव होतीति एवं फेणपिण्डसदिसमेव होति । यथा वा पन फेणपिण्डो छिद्वावच्छिद्दो अनेकसन्धिघटितो बहूनां उदकसप्पादीनां पाणानां आवासो, एवं रूपमि छिद्वावच्छिद्दं अनेकसन्धिघटितं, कुलवसेनेवेत्थ असीति किमिकुलानि वसन्ति, तदेव तेसं सूतिघरमि वच्चकुटिपि गिलानसालापि सुसानमि, न ते अज्जत्थ गन्त्वा गम्भवुद्धानादीनि करोन्ति, एवमि फेणपिण्डसदिसं ।

यथा च फेणपिण्डो आदितो बदरपक्कमत्तो हुत्वा अनुपुब्बेन पब्बतकूटमत्तोपि होति, एवं रूपमि आदितो कललमत्तं हुत्वा अनुपुब्बेन ब्याममत्तमि गोमहिंसहत्थिआदीनां वसेन पब्बतकूटादिमत्तं होति मच्छकच्छपादीनां वसेन अनेकयोजनसतपमाणमि, एवमि फेणपिण्डसदिसं । यथा च फेणपिण्डो उद्धितमत्तोपि भिज्जति, थोकं गन्त्वापि, दूरं गन्त्वापि, समुद्धं पत्वा पन अवस्समेव भिज्जति, एवमेवं रूपमि कललभावेपि भिज्जति अब्बुदादिभावेपि, अन्तरा पन अभिज्जमानमि वस्ससतायुकानां वस्ससतं पत्वा अवस्समेव भिज्जति, मरणमुखे चुण्णविचुण्णं होति, एवमि फेणपिण्डसदिसं ।

किञ्चि सिया, भिक्खवे, वेदनाय सारोतिआदीसु वेदनादीनां पुब्बुळादीहि एवं सदिसता वेदितब्बा । यथा हि पुब्बुळो असारो एवं वेदनापि । यथा च सो अबलो अगय्हूपगो, न सक्का तं गहेत्वा फलकं वा आसनं वा कातुं, गहितोपि भिज्जतेव, एवं वेदनापि अबला अगय्हूपगा, न सक्का निच्चाति वा धुवाति वा गहेतुं, गहितापि न तथा तिष्ठति, एवं अगय्हूपगतायपि वेदना पुब्बुळसदिसा । यथा पन तस्मिं तस्मिं उदकबिन्दुमि पुब्बुळो उप्पज्जति चेव भिज्जति च, न चिरट्टितिको होति, एवं वेदनापि उप्पज्जति चेव भिज्जति च, न चिरट्टितिका होति । एकच्छरक्खणे कोटिसतसहस्ससङ्का उप्पज्जित्वा निरुज्झति । यथा च पुब्बुळो उदकतलं, उदकबिन्दुं, उदकजल्लं, सङ्काट्टित्वा पुटं कत्वा गहणवातज्जाति चत्तारि कारणानि पटिच्च उप्पज्जति, एवं वेदनापि वत्थुं आरम्मणं किलेसजल्लं फस्ससङ्काट्टनज्जाति चत्तारि कारणानि पटिच्च उप्पज्जति । एवमि वेदना पुब्बुळसदिसा ।

सज्जापि असारकट्टेन मरीचिसदिसा । तथा अगय्हूपगट्टेन । न हि सक्का तं गहेत्वा पिवितुं वा न्हायितुं वा भाजनं वा पूरेतुं । अपिच यथा मरीचि विष्फन्दति, सज्जातूमिवेगा विय खायति, एवं नीलसज्जादिभेदा सज्जापि नीलादिअनुभवनत्थाय फन्दति विष्फन्दति । यथा च मरीचि महाजनं विष्पलम्भेति “पुण्णवापि विय पुण्णनदी विय दिस्सती”ति वदार्पेति, एवं सज्जापि विष्पलम्भेति, “इदं नीलकं सुभं सुखं निच्च”न्ति वदार्पेति । पीतकादीसुपि एसेव नयो । एवं सज्जा विष्पलम्भनेनापि मरीचिसदिसा ।

अकुक्कुक्काजान्ति अन्तो असज्जातघनदण्डकं । सङ्कारापि असारकट्टेन कदलिक्खन्धसदिसा, तथा अगय्हूपगट्टेन । यथेव हि कदलिक्खन्धतो किञ्चि गहेत्वा न सक्का गोपानसिआदीनां अत्थाय उपनेतुं, उपनीतमि न तथा होति, एवं सङ्कारापि न सक्का निच्चादिवसेन गहेतुं, गहितापि न तथा होन्ति । यथा च कदलिक्खन्धो बहुपत्तवट्टिसमोधानो होति, एवं सङ्कारक्खन्धो बहुधम्मसमोधानो । यथा च कदलिक्खन्धो नानालक्खणो । अज्जोयेव हि बाहिराय पत्तवट्टिया वण्णो, अज्जो

ततो अब्भन्तरअब्भन्तरानं, एवमेव सङ्खारखन्धेपि अज्जदेव फस्सस्स लक्खणं, अज्जा चेतनादीनं, समोधानेत्वा पन सङ्खारखन्धोव वुच्चतीति एवम्पि सङ्खारखन्धो कदलिकखन्धसदिसो ।

**चक्खुमा पुरिसो**ति मंसचक्खुना चेव पज्जाचक्खुना चाति द्वीहि चक्खूहि चक्खुमा । मंसचक्खुम्पि हिस्स परिसुद्धं वट्ठति अपगतपटलपिळकं, पज्जाचक्खुम्पि असारभावदस्सनसमत्थं । विज्जाणम्पि असारकट्टेन मायासदिसं, तथा अगय्हूपगट्टेन । यथा च माया इत्तरा लहुपच्चुपट्टाना, एवं विज्जाणं । तज्झि ततोपि इत्तरतरज्जेव लहुपच्चुपट्टानतरज्ज । तेनेव हि चित्तेन पुरिसो आगतो विय गतो विय ठितो विय निसिन्नो विय होति । अज्जदेव च आगमनकाले चित्तं, अज्जं गमनकालादीसु । एवम्पि विज्जाणं मायासदिसं । माया च महाजनं वज्जेति, यंकिज्जिदेव “इदं सुवण्णं रजतं मुत्ता”ति गाहापेति, विज्जाणम्पि महाजनं वज्जेति । तेनेव हि चित्तेन आगच्छन्तं विय गच्छन्तं विय ठितं विय निसिन्नं विय कत्वा गाहापेति । अज्जदेव च आगमने चित्तं, अज्जं गमनादीसु । एवम्पि विज्जाणं मायासदिसं ।

**भूरिपज्जेना**ति सण्हपज्जेन चेव विपुलवित्थतपज्जेन च । **आयू**ति जीवित्तिन्द्रियं । **उस्मा**ति कम्मजतेजोधातु । **परभत्तन्ति** नानाविधानं किमिगणादीनं भत्तं हुत्वा । **एतादिसायं सन्तानो**ति एतादिसी अयं पवेणी मतकस्स याव सुसाना घट्टीयतीति । **मायायं बाललापिनी**ति ख्यायं विज्जाणखन्धो नाम, अयं बालमहाजनलपापनिकमाया नाम । **वधको**ति द्वीहि कारणेहि अयं खन्धसङ्घातो वधको अज्जमज्जघातनेनपि, खन्धेसु सति वधो पज्जायतीतिपि । एका हि पथवीधातु भिज्जमाना सेसधातुयो गहेत्वाव भिज्जति, तथा आपोधातुआदयो । रूपखन्धो च भिज्जमानो अरूपखन्धे गहेत्वाव भिज्जति, तथा अरूपखन्धेसु वेदनादयो सज्जादिके । चत्तारोपि चेते वत्थुरुपन्ति एवं अज्जमज्जवधनेनेत्थ वधकता वेदितब्बा । खन्धेसु पन सति वधबन्धनच्छेदादीनि सम्भवन्ति, एवं एतेसु सति वधभावतोपि वधकता वेदितब्बा । **सब्बसंयोगन्ति** सब्बं दसविधम्पि संयोजनं । **अच्चुतं** पदन्ति निब्बानं । ततियं ।

#### ४-६. गोमयपिण्डसुत्तादिवण्णना

**९६-९८.** चतुत्थे **सस्सतिसमन्ति** सिनेरुमहापथवीचन्दिमसूरियादीहि सस्सतीहि समं । **परित्तं गोमयपिण्डन्ति** अप्पमत्तकं मधुकपुप्फप्पमाणं गोमयखण्डं । कुतो पनानेनेतं लद्धन्ति । परिभण्डकरणत्थाय आभततो गहितन्ति एके । अत्थस्स पन विज्जापनत्थं इद्धिया अभिसङ्खरित्वा हत्थारुळ्हं कतन्ति वेदितब्बन्ति । **अत्तभावपटिलाभो**ति पटिलद्धअत्तभावो । **न यिदं ब्रह्मचरियवासो पज्जायेथा**ति अयं मग्गब्रह्मचरियवासो नाम न पज्जायेय्य । मग्गो हि तेभूमकसङ्खारे विवट्टेन्तो उप्पज्जति । यदि च एत्तको अत्तभावो निच्चो भवेय्य, मग्गो उप्पज्जित्वापि सङ्खारवट्ठं विवट्टेतुं न सक्कुणेय्याति ब्रह्मचरियवासो न पज्जायेथ ।

इदानीं सचे कोचि सङ्खारो निच्चो भवेय्य, मया महासुदस्सनराजकाले अनुभूता सम्पत्ति निच्चा भवेय्य, सापि च अनिच्चाति तं दस्सेतुं **भूतपुब्बाहं भिक्खु राजा अहोसिन्ति**आदिमाह । तत्थ **कुसावतीराजधानिप्पमुखानी**ति कुसावतीराजधानी तेसं नगरानं पमुखा, सब्बसेट्ठाति अत्थो । **सारमयानी**ति रत्तचन्दनसारमयानि । उपधानं पन सब्बेसं सुत्तमयमेव । **गोणकत्थतानी**ति चतुरङ्गुलाधिकलोमेन काळकोजवेन अत्थतानि, यं महापिट्ठिकोजवोति वदन्ति । **पटलकत्थतानी**ति उभतोलोमेन उण्णामयेन सेतकम्बलेन अत्थतानि । **पटलिकत्थतानी**ति घनपुप्फेन उण्णामयअत्थरणेन अत्थतानि । **कदलिमिगपवरपच्चत्थरणानी**ति कदलिमिगचम्ममयेन उत्तमपच्चत्थरणेन अत्थतानि । तं किर पच्चत्थरणं सेतवत्थस्स उपरि कदलिमिगचम्मं अत्थरित्वा सिब्बेत्वा करोन्ति । **सउत्तरच्छदानी**ति सह उत्तरच्छदेन, उपरि बद्धेन रत्तवितानेन सद्धिन्ति अत्थो । **उभतोलोहितकूपधानी**ति सीसूपधानज्ज पादूपधानज्जाति पल्लङ्कानं



उभतोलोहितकूपधानानि । वेजयन्तरथप्पमुखानीति एत्थ वेजयन्तो नाम तस्स रज्जो रथो, यस्स चक्कानं इन्दनीलमणिमया नाभि, सत्तरतनमया अरा, पवाळमया नेमि, रजतमयो अक्खो, इन्दनीलमणिमयं उपक्खरं, रजतमयं कुब्बरं । सो तेसं रथानं पमुखो अग्गो । **दुकूलसन्दानानीति** दुकूलसन्थरानि । **कंसूपधारणानीति** रजतमयदोहभाजनानि । **वत्थकोटिसहस्सानीति** यथारुचितं परिभुज्जिस्सतीति न्हत्वा ठितकाले उपनीतवत्थानेव सन्धायेतं वुत्तं । **भत्ताभिहारोति** अभिहरितव्वभत्तं ।

**यमहं तेन समयेन अज्झावसामीति** यत्थ वसामि, तं एकज्जेव नगरं होति, अवसेसेसु पुत्तधीतादयो चेव दासमनुस्सा च वसिंसु । पासादकूटागारादीसुपि एसेव नयो । पल्लङ्कादीसु एकंयेव सयं परिभुज्जति, सेसा पुत्तादीनं परिभोगा होन्ति । इत्थीसु एकाव पच्चुपट्ठाति, सेसा परिवारमत्ता होन्ति । **वेलामिकाति** खत्तियस्स वा ब्राह्मणिया, ब्राह्मणस्स वा खत्तियानिया कुच्छिस्मिं जाता । **परिदहामीति** एकंयेव दुस्सयुगं निवासेमि, सेसानि परिवारेत्वा विचरन्तानं असीतिसहस्साधिकानं सोळसन्नं पुरिससतसहस्सानं होन्तीति दस्सेति । **भुज्जामीति** परमप्पमाणेन नाळिकोदनमत्तं भुज्जामि, सेसं परिवारेत्वा विचरन्तानं चत्तालीससहस्साधिकानं अट्ठन्नं पुरिससतसहस्सानं होतीति दस्सेति । एकथालिपाको हि दसन्नं जनानं प्होति ।

इति इमं महासुदस्सनकाले सम्पत्तिं दस्सेत्वा इदानी तस्सा अनिच्चतं दस्सेन्तो **इति खो भिक्खू**तिआदिमाह । तत्थ **विपरिणताति** पकतिजहनेन निब्बुतपदीपो विय अपण्णत्तिकभावं गता । **एवं अनिच्चा खो भिक्खु सङ्घाराति** एवं हुत्वाअभावट्ठेन अनिच्चा । एत्तावता भगवा यथा नाम पुरिसो सतहत्युब्बेधे चम्पकरुक्खे निस्सेणिं बन्धित्वा अभिरुहित्वा चम्पकपुप्फं आदाय निस्सेणिं मुज्जन्तो ओतरेय्य, एवमेवं निस्सेणिं बन्धन्तो विय अनेकवस्सकोटिसतसहस्सुब्बेधं महासुदस्सनसम्पत्तिं आरुह्य सम्पत्तिमत्थके ठितं अनिच्चलक्खणं आदाय निस्सेणिं मुज्जन्तो विय ओतिण्णो । **एवं अद्भुवाति** एवं उदकपुब्बुळादयो विय धुवभावरहिता । **एवं अनस्सासिकाति** एवं सुपिनके पीतपानीयं विय अनुलित्तचन्दनं विय च अस्सासविरहिता । इति इमस्मिं सुत्ते अनिच्चलक्खणं कथितं । पज्चमे सब्बं वुत्तनयमेव । छट्ठं तथा बुज्झनकस्स अज्झासयेन वुत्तं । चतुत्थादीनि ।

### ७. गहुलबद्धसुत्तवण्णना

**१९. सत्तमे यं महासमुदोति** यस्मिं समये पज्चमे सूरिये उट्ठिते महासमुदो उस्सुस्सति । **दुक्खस्स अन्तकिरियन्ति** चत्तारि सच्चानि अप्पटिविज्झित्वा अविज्जाय निवुतानंयेव सतं वट्ठदुक्खस्स अन्तकिरियं परिच्छेदं न वदामि । **सा गहुलबद्धोति** गहुलेन बद्धसुनखो । **खीलेति** पथवियं आकोटिते महाखीले । **थम्भेति** निखणित्वा ठपिते थम्भे । **एवमेव खोति** एत्थ सुनखो विय वट्ठनिस्सितो बालो, गहुलो विय दिट्ठि, थम्भो विय सक्कायो, गहुलरज्जुया थम्भे उपनिबद्धसुनखस्स थम्भानुपरिवत्तनं विय दिट्ठितण्हाय सक्काये बद्धस्स पुथुज्जनस्स सक्कायानुपरिवत्तनं वेदितव्वं । सत्तमं ।

### ८. दुतियगहुलबद्धसुत्तवण्णना

**१००. अट्ठमे तस्माति** यस्मा दिट्ठिगहुलनिस्सिताय तण्हारज्जुया सक्कायथम्भे उपनिबद्धो वट्ठनिस्सितो बालपुथुज्जनो सब्बिरियापथेसु खन्धपज्चकं निस्सायेव पवत्तति, यस्मा वा दीघरत्तमिदं चित्तं संकिलिडुं रागेन दोसेन मोहेन, तस्मा । **चित्तसंकिलेसाति** सुन्हातापि हि सत्ता चित्तसंकिलेसेनेव संकिलिस्सन्ति, मलग्गहितसरीरापि चित्तस्स वोदानत्ता

विसुज्झन्ति । तेनाहु पोराणा —

“रूपमिह संकिलिडुमिह, संकिलिस्सन्ति माणवा ।  
रूपे सुद्धे विसुज्झन्ति, अनक्खातं महेसिना ॥

“चित्तमिह संकिलिडुमिह, संकिलिस्सन्ति माणवा ।  
चित्ते सुद्धे विसुज्झन्ति, इति वुत्तं महेसिना”ति ॥

**चरणं नाम चित्तन्ति** विचरणचित्तं । सङ्ख्वा नाम ब्राह्मणपासण्डिका होन्ति, ते पटकोट्टकं कत्वा तत्थ नानप्पकारा सुगतिदुगतिवसेन सम्पत्तिविपत्तियो लेखापेत्वा, “इमं कम्मं कत्वा इदं पटिलभति, इदं कत्वा इदं”न्ति दस्सेन्ता तं चित्तं गहेत्वा विचरन्ति । **चित्तेनेव चित्तितन्ति** चित्तकारेण चिन्तेत्वा कतत्ता चित्तेन चिन्तितं नाम । **चित्तञ्जेव चित्ततरन्ति** तस्स चित्तस्स उपायपरियेसनचित्तं ततोपि चित्ततरं । **तिरच्छानगता पाणा चित्तेनेव चित्तिताति** कम्मचित्तेनेव चित्तिता । तं पन कम्मचित्तं इमे वट्टकतित्तिरादयो “एवं चित्ता भविस्सामा”ति आयूहन्ता नाम नत्थि । कम्मं पन योनिं उपनेति, योनिमूलको तेसं चित्तभावो । योनिउपगता हि सत्ता तंतंयोनिहेहि सदिसचित्ताव होन्ति । इति योनिस्सिद्धो चित्तभावो, कम्मस्सिद्धा योनीति वेदितब्बा ।

अपिच चित्तं नामेतं सहजातं सहजातधम्मचित्ताय भूमिचित्ताय वत्थुचित्ताय द्वारचित्ताय आरम्भणचित्ताय कम्मनानत्तमूलकानं लिङ्गनानत्तसञ्ज्ञानानत्तवोहारनानत्तादीनं अनेकविधानं चित्तानं निष्पादनतायपि तिरच्छानगतचित्ततो चित्ततरमेव वेदितब्बं ।

**रजकोति** वत्थेसु रङ्गेन रूपसमुट्ठापनको । सो पन अछेको अमनापं रूपं करोति, छेको मनापं दस्सनीयं, एवमेव पुथुज्जनो अकुसलचित्तेन वा जाणविप्पयुत्तकुसलेन वा चक्खुसम्पदादिविरहितं विरूपं समुट्ठापेति, जाणसम्पयुत्तकुसलेन चक्खुसम्पदादिसम्पन्नं अभिरूपं । अट्टमं ।

## ९. वासिजटसुत्तवण्णना

१०१. नवमे सेय्यथापि, भिक्खवे, **कुक्कुटिया अण्डानीति** इमा कण्हपक्खसुक्कपक्खवसेन द्वे उपमा वुत्ता । तासु कण्हपक्खउपमा अत्थस्स असाधिका, इतरा साधिकाति । सुक्कपक्खउपमाय एवं अत्थो वेदितब्बो — **सेय्यथाति** ओपम्मत्थे निपातो, **अपीति** सम्भावनत्थे । उभयेनापि सेय्यथा नाम, भिक्खवेति दस्सेति । **कुक्कुटिया अण्डानि अट्ट वा दस वा दस वा द्वादस वाति** एत्थ पन किञ्चापि कुक्कुटिया वुत्तप्पकारतो ऊनाधिकानिपि अण्डानि होन्ति, वचनसिलिडुताय पन एवं वुत्तं । एवञ्चि लोके सिलिडुवचनं होति । **तानस्सूति** तानि अस्सु, तानि भवेय्युन्ति अत्थो । **कुक्कुटिया सम्मा अधिसयितानीति** ताय च जनेत्तिया कुक्कुटिया पक्खे पसारेत्वा तेसं उपरि सयन्तिया सम्मा अधिसयितानि । **सम्मा परिसेदितानीति** कालेन कालं उतुं गण्हापेन्तिया सुट्ठु समन्ततो सेदितानि उस्मीकतानि । **सम्मा परिभावितानीति** कालेन कालं सुट्ठु समन्ततो भावितानि, कुक्कुटगन्धं गाहापितानीति अत्थो । **किञ्चापि तस्सा कुक्कुटियाति** तस्सा कुक्कुटिया इमिना तिविधकिरियाकरणेन अप्पमादं कत्वा किञ्चापि न एवं इच्छा उपज्जेय्य । **अथ खो भब्बाव तेति** अथ खो ते कुक्कुटपोतका वुत्तनयेन सोत्थिना अभिनिब्भिज्जितुं भब्बाव । ते हि यस्मा ताय कुक्कुटिया एवं तीहाकारेहि तानि अण्डानि परिपालियमानानि न पूतीनि होन्ति, यो नेसं अल्लसिनेहो, सोपि परियादानं गच्छति, कपालं

तनुकं होति, पादनखसिखा च मुखतुण्डकञ्च खरं होति, सयम्पि परिणामं गच्छन्ति, कपालस्स तनुत्ता बहि आलोको अन्तो पञ्जायति, तस्मा “चिरं वत मयं सङ्कुटितहत्थपादा सम्बाधे सयिम्हा, अयञ्च बहि आलोको दिस्सति, एत्थ दानि नो सुखविहारो भविस्सती”ति निक्खमितुकामा हुत्वा कपालं पादेन पहरन्ति, गीवं पसारेन्ति, ततो तं कपालं द्वेधा भिज्जति । अथ ते पक्खे विधुनन्ता तंखणानुरूपं विरवन्ता निक्खमन्तियेव, निक्खमित्वा च गामक्खेत्तं उपसोभयमाना विचरन्ति ।

**एवमेव खोति** इदं ओपम्मसम्पटिपादनं । तं एवं अत्थेन संसन्दित्वा वेदितब्बं — तस्सा कुक्कुटिया अण्डेसु तिविधकिरियाकरणं विय हि इमस्स भिक्खुनो भावानुयोगं अनुयुत्तकालो, कुक्कुटिया तिविधकिरियासम्पादनेन अण्डानं अपूतिभावो विय भावनानुयोगमनुयुत्तस्स भिक्खुनो तिविधानुपस्सनासम्पादनेन विपस्सनाजाणस्स अपरिहानि, तस्सा तिविधकिरियाकरणेन अल्लसिनेहपरियादानं विय तस्स भिक्खुनो तिविधानुपस्सनासम्पादनेन भवत्तयानुगतनिकन्तिसिनेहपरियादानं, अण्डकपालानं तनुभावो विय तस्स भिक्खुनो अविज्जण्डकोसस्स तनुभावो, कुक्कुटपोतकानं पादनखसिखमुखतुण्डकानं थद्धखरभावो विय भिक्खुनो विपस्सनाजाणस्स तिविधखरविप्पसन्न सूरभावो, कुक्कुटपोतकानं परिणामकालो विय भिक्खुनो विपस्सनाजाणस्स परिणामकालो वड्ढितकालो गब्भगगहणकालो, कुक्कुटपोतकानं पादनखसिखाय वा मुखतुण्डकेन वा अण्डकोसं पदालेत्वा पक्खे पप्फोटेत्वा सोत्थिना अभिनिब्बिदाकालो विय तस्स भिक्खुनो विपस्सनाजाणगब्भं गण्हापेत्वा विचरन्तस्स तज्जातिकं उतुसप्पायं वा भोजनसप्पायं वा पुग्गलसप्पायं वा धम्मस्सवनसप्पायं वा लभित्वा एकासने निसिन्नस्सेव विपस्सनं वड्ढेन्तस्स अनुपुब्बाधिगतेन अरहत्तमग्गेन अविज्जण्डकोसं पदालेत्वा अभिज्जापक्खे पप्फोटेत्वा सोत्थिना अरहत्तपत्तकालो वेदितब्बो । यथा पन कुक्कुटपोतकानं परिणतभावं जत्वा मातापि अण्डकोसं भिन्दति, एवं तथारूपस्स भिक्खुनो जाणपरिपाकं जत्वा सत्थापि —

“उच्छिन्द सिनेहमत्तनो, कुमुदं सारदिकं व पाणिना ।

सन्तिमग्गमेव ब्रूहय, निब्बानं सुगतेन देसित”न्ति ॥ (ध० प० २८५) —

आदिना नयेन ओभासं फरित्वा गाथाय अविज्जण्डकोसं पहरति । सो गाथापरियोसाने अविज्जण्डकोसं भिन्दित्वा अरहत्तं पापुणाति । ततो पट्टाय यथा ते कुक्कुटपोतका गामक्खेत्तं उपसोभयमाना तत्थ विचरन्ति, एवं अयम्पि महाखीणासवो निब्बानारम्भणं फलसमापत्तिं अप्पेत्वा सङ्घारामं उपसोभयमानो विचरति ।

**पलगण्डस्साति** वड्ढिकस्स । सो हि ओलम्बकसङ्घातं पलं धारेत्वा दारूनं गण्डं हरतीति पलगण्डोति वुच्चति । **वासिजटेति** वासिदण्डकस्स गहण्डाने । **एत्तकं वत मे अज्ज आसवानं खीणन्ति** पब्बजितस्स हि पब्बज्जासङ्खेपेन उद्देसेन परिपुच्छाय योनिसो मनसिकारेन वत्तपटिपत्तिया च निच्चकालं आसवा खीयन्ति । एवं खीयमानानं पन तेसं “एत्तकं अज्ज खीणं, एत्तकं हिय्यो”ति एवमस्स जाणं न होतीति अत्थो । इमाय उपमाय विपस्सनायानिसंसो दीपितो । **हेमन्तिकेनाति** हेमन्तसमयेन । **पटिप्पस्सम्भन्तीति** थिरभावेन परिहायन्ति ।

**एवमेव खोति** एत्थ महासमुद्धो विय सासनं दट्ठब्बं, नावा विय योगावचरो, नावाय महासमुद्धे परियादानं विय इमस्स भिक्खुनो ऊनपञ्चवस्सकाले आचरियुपज्झायानं सन्तिके विचरणं, नावाय महासमुद्धोदकेन खज्जमानानं बन्धनानं तनुभावो विय भिक्खुनो पब्बज्जासङ्खेपेन उद्देसपरिपुच्छादीहि चेव संयोजनानं तनुभावो, नावाय थले उक्खित्तकालो विय भिक्खुनो निस्सयमुच्चकस्स कम्मट्ठानं गहेत्वा अरज्जे वसनकालो, दिवा वातातपेन संसुस्सनं विय विपस्सनाजाणेन तण्हास्त्रेहसंसुस्सनं, रत्तिं हिमोदकेन तेमनं विय कम्मट्ठानं निस्साय उप्पन्नेन पीतिपामोज्जेन चित्ततेमनं, रत्तिन्दिवं वातातपेन

चेव हिमोदकेन च परिसुखपरितन्तानं बन्धनानं दुब्बलभावो विय एकदिवसं उतुसप्पायादीनि लद्धा विपस्सनाजाणपीतिपामोज्जेहि संयोजनानं भिय्योसोमत्ताय दुब्बलभावो, पावुस्सकमेघो विय अरहत्तमग्गजाणं, मेघवुट्ठिउदकेन नावाय बन्धे पूतिभावो विय आरद्धविपस्सकस्स रूपसत्तकादिवसेन विपस्सनं वड्ढेन्तस्स ओक्खायमाने पक्खायमाने कम्मट्ठाने एकदिवसं उतुसप्पायादीनि लद्धा एकपल्लङ्केन निसिन्नस्स अरहत्तफलाधिगमो, पूतिबन्धनावाय कच्चि कालं ठानं विय खीणसंयोजनस्स अरहतो महाजनं अनुगगणहन्तस्स यावतायुकं ठानं, पूतिबन्धनावाय अनुपुब्बेन भिज्जित्वा अपण्णत्तिकभावूपगमो विय खीणासवस्स उपादिण्णक्खन्धभेदेन अनुपादिसेसाय निब्बानधातुया परिनिब्बुतस्स अपण्णत्तिकभावूपगमोति इमाय उपमाय संयोजनानं दुब्बलता दीपिता । नवमं ।

## १०. अनिच्चसज्जासुत्तवण्णना

१०२. दसमे अनिच्चसज्जाति अनिच्चं अनिच्चन्ति भावेन्तस्स उप्पन्नसज्जा । परियादियतीति खेपयति । सब्बं अस्मिमानन्ति नवविधं अस्मिमानं । मूलसन्तानकानीति सन्तानेत्वा ठितमूलानि । महानङ्गलं विय हि अनिच्चसज्जा, खुद्धानुखुद्दकानि मूलसन्तानकानि विय किलेसा, यथा कस्सको कसन्तो नङ्गलेन तानि पदालेति, एवं योगी अनिच्चसज्जं भावेन्तो अनिच्चसज्जाजाणेन किलेसे पदालेतीति इदमेत्थ ओपम्मसंसन्दनं ।

ओधुनातीति हेट्ठा धुनाति । निद्धुनातीति पफ्फोटेति । निच्छोटेतीति पफ्फोटेत्वा छट्ठेति । इधापि पब्बजानि विय किलेसा, लायनं निच्छोटनं विय अनिच्चसज्जाजाणन्ति इमिना अत्थेन उपमा संसन्देतब्बा ।

वण्टच्छिन्नायाति तिण्हेन खुरप्पेन वण्टच्छिन्नाय । तदन्वयानि भवन्तीति तं अम्बपिण्डं अनुगच्छन्ति, तस्सा पतमानाय अम्बानि भूमियं पतन्ति । इधापि अम्बपिण्डि विय किलेसा, तिण्हखुरप्पो विय अनिच्चसज्जा, यथा खुरप्पेन छिन्नाय अम्बपिण्डिया सब्बानि अम्बानि भूमियं पतन्ति, एवं अनिच्चसज्जाजाणेन किलेसानं मूलभूताय अविज्जाय छिन्नाय सब्बकिलेसा समुग्घातं गच्छन्तीति, इदं ओपम्मसंसन्दनं ।

कूटङ्गमाति कूटं गच्छन्ति । कूटनिन्नाति कूटं पविसनभावेन कूटे निन्ना । कूटसमोसरणाति कूटे समोसरित्वा ठिता । इधापि कूटं विय अनिच्चसज्जा, गोपानसियो विय चतुभूमककुसलधम्मा, यथा सब्बगोपानसीनं कूटं अगगं, एवं कुसलधम्मानं अनिच्चसज्जा अग्गा । ननु च अनिच्चसज्जा लोकिया, सा लोकियकुसलानं ताव अगगं होतु, लोकुत्तरानं कथं अगगन्ति? तेसम्पि पटिलाभकरणत्थेन अगगन्ति वेदितब्बा । इमिना उपायेन सब्बासु उपमासु ओपम्मसंसन्दनं वेदितब्बं । पुरिमाहि पनेत्थ तीहि अनिच्चसज्जाय किच्चं, पच्छिमाहि बलन्ति । दसमं ।

पुप्फवग्गो दसमो ।

मज्झिमपण्णासको समत्तो ।

## ११. अन्तवग्गो

### १. अन्तसुत्तवण्णना

१०३. अन्तवग्गस्स पठमे अन्ताति कोट्टासा । इदं सुत्तं चतुसच्चवसेन पञ्चक्खन्धे योजेत्वा अन्तोति वचनेन

बुद्धानकानं अज्झासयवसेन वुत्तं । पठमं ।

### २-३. दुक्खसुत्तादिवण्णना

१०४-१०५. दुतियम्पि पञ्चक्खन्धे चतुसच्चवसेन योजेत्वा दुक्खन्ति बुद्धानकानं अज्झासयेन कथितं । ततियम्पि तथेव सक्कायोति बुद्धानकानं अज्झासयेन कथितं । दुतियततियानि ।

### ४. परिज्जेय्यसुत्तवण्णना

१०६. चतुत्थे परिज्जेय्येति परिजानितब्बे समतिक्कमितब्बे । परिज्जन्ति समतिक्कमं । परिज्जाताविन्ति तां परिज्जाय परिजानित्वा समतिक्कमित्वा ठितं । रागक्खयोतिआदीहि निब्बानं दस्सितं । चतुत्थं ।

### ५-१०. समणसुत्तादिवण्णना

१०७-११२. पञ्चमादीसु चतूसु चत्तारि सच्चानि कथितानि । नवमदसमेसु किलेसप्पहानन्ति । पञ्चमादीनि ।

अन्तवग्गो एकादसमो ।

### १२. धम्मकथिकवग्गो

### १-२. अविज्जासुत्तादिवण्णना

११३-११४. धम्मकथिकवग्गस्स पठमे एत्तावता च अविज्जागतो होतीति यावता इमां चतूसु सच्चेषु अज्जाणभूताय अविज्जाय समन्नागतो, एत्तावता अविज्जागतो होतीति अत्थो । दुतियेपि एसेव नयो । पठमदुतियानि ।

### ३. धम्मकथिकसुत्तवण्णना

११५. ततिये पठमेन धम्मकथिको, दुतियेन सेखभूमि, ततियेन असेखभूमीति एवं धम्मकथिकं पुच्छितेन विसेसेत्वा द्वे भूमियो कथिता । ततियं ।

### ४. दुतियधम्मकथिकसुत्तवण्णना

११६. चतुत्थे तिस्सन्नम्पि पुच्छानं तीणि विस्सज्जनानि कथितानि । चतुत्थं ।

### ५-९. बन्धनसुत्तादिवण्णना

११७-१२१. पञ्चमे अतीरदस्सीति तीरं वुच्चति वट्ठं, तं न पस्सति । अपारदस्सीति पारं वुच्चति निब्बानं, तं न पस्सति । बद्धोति किलेसबन्धनेन बद्धो हुत्वा जीयति च मीयति च अस्मा लोका परं लोकं गच्छतीति । इमस्मिं सुत्ते वट्ठदुक्खं कथितन्ति । छट्ठादीनि उत्तानत्थानेव । पञ्चमादीनि ।

### १०. सीलवन्तसुत्तवण्णना

१२२. दसमे अनिच्चतोतिआदीसु हुत्वा अभावाकारेन अनिच्चतो, पटिपीळनाकारेन दुक्खतो, आबाधट्टेन रोगतो, अन्तोदोसट्टेन गण्डतो, तेसं तेसं गण्डानं पच्चयभावेन वा खणनट्टेन वा सल्लतो दुक्खट्टेन अघतो, विसभागमहाभूतसमुद्धानआबाधपच्चयट्टेन आबाधतो, असकट्टेन परतो, पलुज्जनट्टेन पलोकतो, सत्तसुज्जतट्टेन सुज्जतो, अत्ताभावेन अनत्ततो। एवमेत्थ “अनिच्चतो पलोकतो”ति द्वीहि पदेहि अनिच्चमनसिकारो, “सुज्जतो अनत्ततो”ति द्वीहि अनत्तमनसिकारो, सेसेहि दुक्खमनसिकारो वुत्तोति वेदितब्बो। सेसमेत्थ उत्तानमेव। दसमं।

### ११. सुतवन्तसुत्तवण्णना

१२३. तथा एकादसमे। दसमस्मिहि “सीलवता”ति चतुपारिसुद्धिसीलं वुत्तं, इध सुतवताति कम्मट्ठानसुतं इदमेव नानाकरणं। एकादसमं।

### १२-१३. कप्पसुत्तादिवण्णना

१२४-१२५. द्वादसमतेरसमानि राहुलोवादसदिसानेवाति। द्वादसमतेरसमानि।

धम्मकथिकवग्गो द्वादसमो।

### १३. अविज्जावग्गो

### १-१०. समुदयधम्मसुत्तादिवण्णना

१२६-१३५. अविज्जावग्गो उत्तानत्थोव। इमस्मिहि वग्गो सब्बसुत्तेसु चतुसच्चमेव कथितं।

अविज्जावग्गो तेरसमो।

### १४. कुक्कुळवग्गो

### १-१३. कुक्कुळसुत्तादिवण्णना

१३६-१४९. कुक्कुळवग्गस्स पठमे कुक्कुळन्ति सन्तत्तं आदित्तं छारिकरासिं विय महापरिळाहं। इमस्मिं सुत्ते दुक्खलक्खणं कथितं, सेसेसु अनिच्चलक्खणादीनि। सब्बानि चेतानि पाटियेक्कं पुग्गलज्झासयेन कथितानीति।

कुक्कुळवग्गो चुद्धसमो।

### १५. दिट्ठिवग्गो

### १-९. अज्झत्तसुत्तादिवण्णना

१५०-१५८. दिट्ठिवग्गस्स पठमे किं उपादायाति किं पटिच्च। दुतिये किं अभिनिविस्साति किं अभिनिविसित्वा, पच्चयं कत्वाति अत्थो। ततियादीसु दिट्ठीतिआदीनि पुग्गलज्झासयेन वुत्तानि। पठमादीनि।

## १०. आनन्दसुत्तवण्णना

१५९. दसमे उपसङ्कमीति अज्जे भिक्खू पञ्चकखन्धकम्मट्ठानं कथापेत्वा युज्जित्वा घटेत्वा अरहत्तं पत्वा सत्थु सन्तिके अज्जं ब्याकरोन्ते दिस्वा “अहम्पि पञ्चकखन्धकम्मट्ठानं कथापेत्वा युज्जन्तो घटेन्तो, अरहत्तं पत्वा अज्जं ब्याकरिस्सामी”ति चिन्तेत्वा उपसङ्कमि। सत्था पन अत्तनो धरमानकाले थेरस्स उपरिमग्गतयवज्झानं किलेसानं पहानं अपस्सन्तोपि “इमस्स चित्तं गण्हिस्सामी”ति कथेसि। तस्सापि एकं द्वे वारे मनसि कत्वाव बुद्धुपट्टानवेला जाताति गन्तब्बं होति। इतिस्स चित्तं सम्पहंसमानो विमुत्तिपरिपाचनीयधम्मोव सो कम्मट्ठानानुयोगो जातोति। दसमं।

दिट्ठिवग्गो पन्नरसमो।

उपरिपण्णासको समत्तो।

खन्धसंयुत्तवण्णना निट्ठिता।

## २. राधसंयुत्तं

### १. पठमवग्गो

#### १. मारसुत्तवण्णना

१६०. राधसंयुत्तस्स पठमे मारो वा अस्साति मरणं वा भवेय्य। मारेता वाति मारेतब्बो वा। यो वा पन मीयतीति यो वा पन मरति। निब्बिदत्थन्ति निब्बिदाजाणत्थं। निब्बानत्थाति फलविमुत्ति नामेसा अनुपादानिब्बानत्थाति अत्थो। अच्चयासीति अतिक्कन्तोसि। निब्बानोगधन्ति निब्बाने पतिट्ठितं। इदं मग्गब्रह्मचरियं नाम निब्बानब्भन्तरे वुस्सति, न निब्बानं अतिक्कमित्वाति अत्थो। निब्बानपरियोसानन्ति निब्बानं अस्स परियोसानं, निप्फत्ति निट्ठाति अत्थो। पठमं।

#### २-१०. सत्तसुत्तादिवण्णना

१६१-१६९. दुतिये सत्तो सत्तोति लग्गपुच्छा। तत्र सत्तो तत्र विसत्तोति तत्र लग्गो तत्र विलग्गो। पंस्वागारकेहीति पंसुघरकेहि। केळायन्तीति कीळन्ति। धनायन्तीति धनं विय मज्जन्ति। ममायन्तीति “मम इदं, मम इदं”न्ति ममत्तं करोन्ति, अज्जस्स फुसितुम्पि न देन्ति। विकीळनियं करोन्तीति “निट्ठिता कीळा”ति ते भिन्दमाना कीळाविगमं करोन्ति। ततिये भवनेत्तीति भवरज्जु। चतुत्थं उत्तानमेव। पञ्चमादीसु चतूसु चत्तारि सच्चानि कथितानि, द्वीसु किलेसप्पहानन्ति। दुतियादीनि।

पठमो वग्गो।

### २. दुतियवग्गो

#### १-१२. मारसुत्तादिवण्णना

१७०-१८१. दुतियवग्गस्स पठमे **मारो**, **मारो**ति मरणं पुच्छति । यस्मा पन रूपादिविनिमुत्तं मरणं नाम नत्थि, तेनस्स भगवा **रूपं खो**, **राध**, **मारो**तिआदिमाह । दुतिये **मारधम्मो**ति मरणधम्मो । एतेनुपायेन सब्बत्थ अत्थो वेदितब्बोति ।

दुतियो वग्गो ।

### ३-४. आयाचनवग्गादि

#### १-११. मारादिसुत्तएकादसकवण्णना

१८२-२०५. ततो परं उत्तानत्थमेव । अयञ्जि राधत्थेरो पटिभानियत्थेरो नाम । तथागतस्स इमं थेरं दिस्वा सुखुमं कारणं उपट्ठाति । तेनस्स भगवा नानानयेहि धम्मं देसेति । एवं इमस्मिं राधसंयुत्ते आदितो द्वे वग्गा पुच्छावसेन देसिता, ततियो आयाचनेन, चतुत्थो उपनिसिन्नककथावसेन । सकलम्पि पनेतं राधसंयुत्तं थेरस्स विमुत्तिपरिपाचनीयधम्मवसेनेव गहितन्ति वेदितब्बं ।

राधसंयुत्तवण्णना निट्ठिता ।

## ३. दिट्ठिसंयुत्तं

### १. सोतापत्तिवग्गो

#### १. वातसुत्तवण्णना

२०६. दिट्ठिसंयुत्ते न वाता वायन्तीतिआदीसु एवं किर तेसं दिट्ठि — “येपि एते रुक्खसाखादीनि भञ्जन्ता वाता वायन्ति, न एते वाता, वातलेसो नामेसो, वातो पन एसिकत्थम्भो विय पब्बतकूटं विय च ठितो । तथा यापि एता तिणकट्टादीनि वहन्तियो नदियो सन्दन्ति, न एत्थ उदकं सन्दकि, उदकलेसो नामेस, उदकं पन एसिकत्थम्भो विय पब्बतकूटं विय च ठितं । यापिमा गब्भिनियो विजायन्तीति च वुच्चन्ति, किञ्चापि ता मिलातुदरा होन्ति, गब्भो पन न निक्खमति, गब्भलेसो नामेसो, गब्भो पन एसिकत्थम्भो विय पब्बतकूटं विय च ठितो । येपि एते चन्दिमसूरिया उदेन्ति वा अपेन्ति वा, नेव ते उदेन्ति न अपेन्ति, चन्दिमसूरियलेसो नामेस, चन्दिमसूरिया पन एसिकत्थम्भो विय पब्बतकूटं विय च ठिता”ति ।

### २-४. एतंममसुत्तादिवण्णना

२०७-२०९. दिट्ठन्तिआदीसु दिट्ठं रूपायतनं । सुत्तं सद्दायतनं । मुत्तं गन्धायतनं रसायतनं फोट्टब्बायतनं । तज्जि पत्वा गहेतब्बतो मुतन्ति च वुत्तं । अवसेसानि सत्तायतनानि विज्जातं नाम । पत्तन्ति परियेसित्वा वा अपरियेसित्वा वा पत्तं । परियेसितन्ति पत्तं वा अपत्तं वा परियेसितं । अनुविचरितं मनसाति चित्तेन अनुसज्जरितं । लोकस्मिञ्जि परियेसित्वा पत्तम्पि अत्थि, परियेसित्वा नोपत्तम्पि, अपरियेसित्वा पत्तम्पि, अपरियेसित्वा नोपत्तम्पि । तत्थ परियेसित्वा पत्तं पत्तं नाम, परियेसित्वा नोपत्तं परियेसितं नाम । अपरियेसित्वा पत्तञ्च अपरियेसित्वा नोपत्तञ्च मनसानुविचरितं नाम । अथ वा परियेसित्वा पत्तम्पि अपरियेसित्वा पत्तम्पि पत्तद्वेन पत्तं नाम, परियेसित्वा नोपत्तमेव परियेसितं नाम, अपरियेसित्वा नोपत्तं



मनसानुविचरितं नाम । सब्बं वा एतं मनसा अनुविचरितमेव ।

#### ५. नत्थिदिन्नसुत्तवण्णना

२१०. नत्थि दिन्नन्तिआदीसु नत्थि दिन्नन्ति दिन्नस्स फलाभावं सन्धाय वदन्ति । यिट्ठं वुच्चति महायागो । हुतन्ति पहेणकसक्कारो अधिप्पेतो । तम्पि उभयं फलाभावमेव सन्धाय पटिक्खपन्ति । सुकतदुक्कटानन्ति सुकतदुक्कतानं, कुसलाकुसलानन्ति अत्थो । फलं विपाकोति यं फलन्ति वा विपाकोति वा वुच्चति, तं नत्थीति वदन्ति । नत्थि अयं लोकोति परलोके ठितस्स अयं लोको नत्थि । नत्थि परो लोकोति इध लोके ठितस्सपि परो लोको नत्थि, सब्बे तत्थ तत्थेव उच्छिज्जन्तीति दस्सेन्ति । नत्थि माता नत्थि पिताति तेसु सम्मापटिपत्तिमिच्छापटिपत्तीनं फलाभाववसेन वदन्ति । नत्थि सत्ता ओपपातिकाति चवित्वा उपपज्जनकसत्ता नाम नत्थीति वदन्ति । नत्थि लोके समणब्राह्मणाति लोके सम्मापटिपन्ना समणब्राह्मणा नाम नत्थीति वदन्ति ।

चातुमहाभूतिकोति चतुमहाभूतमयो । पथवी पथवीकायन्ति अज्झत्तिका पथवीधातु बाहिरं पथवीधातुं । अनुपेतीति अनुयाति । अनुपगच्छतीति तस्सेव वेवचनं, अनुगच्छतीतिपि अत्थो । उभयेनापि उपेति उपगच्छतीति दस्सेन्ति । आपादीसुपि एसेव नयो । इन्द्रियानीति मनच्छट्ठानि इन्द्रियानि । सङ्कमन्तीति आकासं पक्खन्दन्ति । आसन्दिपञ्चमाति निपन्नमञ्चेन पञ्चमा, मञ्चो चेव, चत्तारो मञ्चपादे गहेत्वा ठिता चत्तारो पुरिसा चाति अत्थो । याव आळाहनाति याव सुसाना । पदानीति “अयं एवं सीलवा अहोसि, एवं दुस्सीलो”तिआदिना नयेन पवत्तानि गुणागुणपदानि । सरीरमेव वा एत्थ पदानीति अधिप्पेतं । कापोतकानीति कपोतकवण्णानि, पारावतपक्खवण्णानीति अत्थो । भस्सन्ताति भस्मन्ता । अयमेव वा पाळि । आहुतियोति यं पहेणकसक्कारादिभेदं दिन्नदानं, सब्बं तं छारिकावसानमेव होति, न ततो परं फलदायकं हुत्वा गच्छतीति अत्थो । दत्तुपञ्चत्तन्ति दत्तूहि बालमनुस्सेहि पञ्चत्तं । इदं वुत्तं होति — बालेहि अबुद्धीहि पञ्चत्तमिदं दानं, न पण्डितेहि । बाला देन्ति, पण्डिता गणहन्तीति दस्सेन्ति ।

#### ६. करोतोसुत्तवण्णना

२११. करोतोति सहत्था करोन्तस्स । कारयतोति आणत्तिया कारेन्तस्स । छिन्दतोति परेसं हत्थादीनि छिन्दन्तस्स । छेदापयतोति परेहि छेदापेन्तस्स । पचतोति दण्डेन पीळेन्तस्स । पचापयतोति परेहि दण्डादिना पीळापेन्तस्स । सोचतो सोचापयतोति परस्स भण्डहरणादीहि सोकं सयं करोन्तस्सापि परेहि कारेन्तस्सापि । किलमतो किलमापयतोति आहारुपच्छेदबन्धनागारपवेसनादीहि सयं किलमेन्तस्सापि परेहि किलमापेन्तस्सापि । फन्दतो फन्दापयतोति परं फन्दन्तं फन्दनकाले सयम्पि फन्दतो परेम्पि फन्दापयतो । पाणमतिपातयतोति पाणं हनन्तस्सापि हनापेन्तस्सापि । एवं सब्बत्थ करणकारापनवसेनेव अत्थो वेदितब्बो ।

सन्धिन्ति घरसन्धिं । निल्लोपन्ति महाविलोपं । एकागारिकन्ति एकमेव घरं परिवारेत्वा विलुम्पनं । परिपन्थे तिट्ठतोति आगतागतानं अच्छिन्दनत्थं मग्गे तिट्ठतो । करोतो न करीयति पापन्ति यंकिञ्चि पापं करोमीति सज्जाय करोतोपि पापं न करीयति, नत्थि पापं । सत्ता पन करोमाति एवंसज्जिनो होन्तीति दीपेन्ति । खुरपरियन्तेनाति खुरनेमिना, खुरधारसदिसपरियन्तेन वा । एकमंसखलन्ति एकमंसरासिं । पुज्जन्ति तस्सेव वेवचनं । ततोनिदानन्ति एकमंसखलकरणनिदानं ।

दक्खिणन्ति दक्खिणतीरे मनुस्सा कक्खळा दारुणा, ते सन्धाय हनन्तोतिआदि वुत्तं । उत्तरन्ति उत्तरतीरे सद्धा होन्ति पसन्ना बुद्धमामका धम्ममामका सङ्गमामका, ते सन्धाय ददन्तोतिआदि वुत्तं । तत्थ यजन्तोति महायागं करोन्तो । दमेनाति इन्द्रियदमेन उपोसथकम्मेन । संयमेनाति सीलसंयमेन । सच्चवज्जेनाति सच्चवचनेन । आगमोति आगमनं, पवत्तीति अत्थो । सब्बथापि पापपुञ्जानं किरियमेव पटिक्खिपन्ति ।

### ७. हेतुसुत्तवण्णना

२१२. नत्थि हेतु नत्थि पच्चयोति एत्थ पच्चयोति हेतुवेवचनमेव । उभयेनापि विज्जमानमेव कायदुच्चरितादीनं संकिलेसपच्चयं, कायसुचरितादीनञ्च विसुद्धिपच्चयं पटिक्खिपन्ति । नत्थि बलन्ति यम्हि अत्तनो बले पतिट्ठिता इमे सत्ता देवत्तम्पि मारत्तम्पि ब्रह्मत्तम्पि सावकबोधिम्पि पच्चेकबोधिम्पि सब्बञ्जुतम्पि पापुणन्ति, तं बलं पटिक्खिपन्ति । नत्थि वीरियन्तिआदीनि सब्बानि अञ्जमञ्जवेवचनानेव । “इदं नो वीरियेन, इदं पुरिसथामेन, इदं पुरिसपरक्कमेन पत्तं”न्ति, एवं पवत्तवचनपटिक्खेपकरणवसेन पनेतानि विसुं आदियन्ति ।

सब्बे सत्ताति ओट्टुगोणगद्गभादयो अनवसेसे परिगणहन्ति । सब्बे पाणाति एकिन्द्रियो पाणो, द्विन्द्रियो पाणोतिआदिवसेन वदन्ति । सब्बे भूताति अण्डकोसवत्थिकोसेसु भूते सन्धाय वदन्ति । सब्बे जीवाति सालियवगोधुमादयो सन्धाय वदन्ति । तेसु हि ते विरुहनभावेन जीवसञ्जिनो । अवसा अबला अवीरियाति तेसं अत्तनो वसो वा बलं वा वीरियं वा नत्थि । नियतिसङ्गतिभावपरिणताति एत्थ नियतीति नियतता । सङ्गतीति छन्नं अभिजातीनं तत्थ तत्थ गमनं । भावोति सभावोयेव । एवं नियतिया च सङ्गतिया च भावेन च परिणता नानप्पकारतं पत्ता । येन हि यथा भवितब्बं, सो तथेव भवति । येन न भवितब्बं, सो न भवतीति दस्सेन्ति । छस्वेवाभिजातीसूति छसु एव अभिजातीसु ठत्वा सुखञ्च दुक्खञ्च पटिसंवेदेन्ति, अञ्जा सुखदुक्खभूमि नत्थीति दस्सेन्ति ।

### ८-१०. महादिट्ठिसुत्तादिवण्णना

२१३-२१५. अकटाति अकता । अकटविधाति अकतविधाना, “एवं करोही”ति केनचि कारितापि न होन्तीति अत्थो । अनिम्मिताति इन्द्रियापि न निम्मिता । अनिम्माताति अनिम्मापिता । “अनिम्मितब्बा”तिपि पाठो, न निम्मितब्बाति अत्थो । वज्झाति वज्झपसुवज्झतालादयो विय अफला कस्सचि अजनका । पब्बतकूटं विय ठिताति कूटट्टा । एसिकट्टायिनी विय हुत्वा ठिताति एसिकट्टायिट्टिता, यथा सुनिखातो एसिकत्थम्भो निच्चलो तिट्ठति, एवं ठिताति अत्थो । न इज्जन्तीति एसिकत्थम्भो विय ठितत्ता न चलन्ति । न विपरिणमन्तीति पकतिं न विजहन्ति । न अञ्जमञ्जं ब्याबाधेन्तीति अञ्जमञ्जं न उपहनन्ति । नालन्ति न समत्था । पथवीकायोतिआदीसु पथवीयेव पथवीकायो, पथवीसमूहो वा । सत्तन्नंत्वेव कायानन्ति यथा मुग्गरासिआदीसु पहटं सत्थं मुग्गरासिआदीनं अन्तरेनेव पविसति, एवं सत्तन्नं कायानं अन्तरेन छिद्देन विवरेन सत्थं पविसति । तत्थ “अहं इमं जीविता वोरोपेमी”ति केवलं सञ्जामत्तमेव होतीति दस्सेन्ति ।

योनिपमुखसतसहस्सानीति पमुखयोनीनं उत्तमयोनीनं चुहससतसहस्सानि अञ्जानि च सट्ठिसतानि अञ्जानि च छसतानि पञ्च च कम्मुनो सतानीति पञ्चकम्मसतानि चाति केवलं तक्कमत्तकेन निरत्थकदिट्ठिं दीपेन्ति । पञ्च च कम्मानि तीणि च कम्मानीतिआदीसुपि एसेव नयो । केचि पनाहु “पञ्च कम्मानीति पञ्चिन्द्रियवसेन गणहन्ति, तीणीति कायकम्मादिवसेना”ति । कम्मे च अट्ठकम्मे चाति एत्थ पनस्स कायकम्मवचीकम्मानि कम्मन्ति लद्धि, मनोकम्मं उपट्ठकम्मन्ति । द्वट्ठिपटिपदाति द्वासट्ठिपटिपदाति वदन्ति । द्वट्ठन्तरकप्पाति एकस्मिं कप्पे चतुसट्ठि अन्तरकप्पा नाम होन्ति,

अयं पन अज्जे द्वे अजानन्तो एवमाह ।

**छळाभिजातियो**ति कण्हाभिजाति नीलाभिजाति लोहिताभिजाति हलिद्वाभिजाति सुक्काभिजाति परमसुक्काभिजातीति इमा छ अभिजातियो वदन्ति । तत्थ ओरब्भिका सूकरिका साकुणिका मार्गविका लुद्धा मच्छघातका चोरा चोरघातका बन्धनागारिका, ये वा पनज्जेपि केचि कुरुरकम्मन्ता, अयं कण्हाभिजातीति वदन्ति । भिक्खू नीलाभिजातीति वदन्ति । ते किर चतूसु पच्चयेसु कण्टके पक्खिपित्वा खादन्ति, “भिक्खू च कण्टकवुत्तिका”ति (अ० नि० ६.५७) अयं हिस्स पाळि एव । अथ वा कण्टकवुत्तिका एव नाम एके पब्बजिताति वदन्ति । लोहिताभिजाति नाम निगण्ठा एकसाटकाति वदन्ति । इमे किर पुरिमेहि द्वीहि पण्डरतरा । गिही ओदातवसना अचेलकसावका हलिद्वाभिजातीति वदन्ति । एवं अत्तनो पच्चयदायके निगण्ठेहिपि जेट्टकतरे करोन्ति । आजीवका आजीविनियो अयं सुक्काभिजातीति वदन्ति । ते किर पुरिमेहि चतूहि पण्डरतरा । नन्दो वच्छो, किसो संकिच्चो, मक्खलि गोसालो परमसुक्काभिजातीति वदन्ति । ते किर सब्बेहि पण्डरतरा ।

**अट्ट पुरिसभूमियो**ति मन्दभूमि खिड्डाभूमि वीमंसकभूमि उजुगतभूमि सेखभूमि समणभूमि जाननभूमि पन्नभूमीति इमा अट्ट पुरिसभूमियोति वदन्ति । तत्थ जातदिवसतो पट्ठाय सत्त दिवसे सम्बाधट्टानतो निक्खन्तत्ता सत्ता मन्दा होन्ति मोमूहा, अयं मन्दभूमीति वदन्ति । ये पन दुग्गतितो आगता होन्ति, ते अभिण्हं रोदन्ति चेव विरवन्ति च, सुगतितो आगता तं अनुस्सरित्वा अनुस्सरित्वा हसन्ति, अयं खिड्डाभूमि नाम । मातापितूनं हत्थं वा पादं वा मज्जं वा पीठं वा गहेत्वा भूमियं पदनिक्खपनं वीमंसकभूमि नाम । पदसा गन्तुं समत्थकालो उजुगतभूमि नाम । सिप्पानि सिक्खनकालो सेखभूमि नाम । घरा निक्खम्म पब्बजनकालो समणभूमि नाम । आचरियं सेवित्वा जाननकालो जाननभूमि नाम । “भिक्खू च पन्नको जिनो न किञ्चि आहा”ति एवं अलाभिं समणं पन्नभूमीति वदन्ति ।

**एकूनपज्जास आजीवकसते**ति एकूनपज्जास आजीववुत्तिसतानि । **परिब्बाजकसते**ति परिब्बाजकपब्बज्जासतानि । **नागवाससते**ति नागमण्डलसतानि । **वीसे इन्द्रियसते**ति वीस इन्द्रियसतानि । **तिंसे निरयसते**ति तिंस निरयसतानि । **रजोधातुयो**ति रजओकिरणट्टानानि । हत्थपिट्ठिपादपिट्ठादीनि सन्धाय वदति । **सत्त सज्जीगब्भा**ति ओट्टुगोणगद्रभअजपसुमिगमहिंसे सन्धाय वदति । **सत्त असज्जीगब्भा**ति सालियवगोधुममुग्गकङ्गवरककुद्रूसके सन्धाय वदति । **निगण्ठिगब्भा**ति गण्ठिम्हि जातगब्भा, उच्छुवेळुनळादयो सन्धाय वदति । **सत्त देवा**ति बहू देवा, सो पन सत्ताति वदति । मनुस्सापि अनन्ता, सो सत्ताति वदति । **सत्त पेसाचा**ति पिसाचा महन्तमहन्ता, सत्ताति वदति । **सरा**ति महासरा । कण्णमुण्ड-रथकार-अनोत्त-सीहप्पपात-छदन्त-मुचलिन्द-कुणालदहे गहेत्वा वदति ।

**पवुटा**ति गण्ठिका । **पपाता**ति महापपाता । **पपातसतानी**ति खुद्दकपपातसतानि । **सुपिना**ति महासुपिना । **सुपिनसतानी**ति खुद्दकसुपिनसतानि । **महाकप्पिनो**ति महाकप्पानं । एत्थ एकम्हा महासरा वस्ससते वस्ससते कुसग्गेन एकं उदकबिन्दुं नीहरित्वा सत्तक्खत्तुं तम्हि सरे निरुदके कते एको महाकप्पोति वदति । एवरूपानं महाकप्पानं चतुरासीतिसतसहस्सानि खेपेत्वा बाले च पण्डिते च दुक्खस्सन्तं करोन्तीति अयमस्स लद्धि । पण्डितोपि किर अन्तराविसुज्झितुं न सक्कोति, बालोपि ततो उद्धं न गच्छति ।

**सीलेन वा**ति अचेलकसीलेन वा अज्जेन वा येन केनचि । **वतेना**ति तादिसेनेव वतेन । **तपेना**ति तपोकम्मेन । **अपरिपक्कं परिपाचे**ति नाम यो “अहं पण्डितो”ति अन्तरा विसुज्झति । **परिपक्कं फुस्स फुस्स ब्यन्तीकरो**ति नाम यो “अहं बालो”ति वुत्तपरिमाणकालं अतिक्कमित्वा याति । **हेवं नत्थी**ति एवं नत्थि । तज्हि उभयम्पि न सक्का कातुन्ति

दीपेति । दोणमितेति दोणेन मितं विय । सुखदुक्खेति सुखदुक्खं । परियन्तकतेति वुत्तपरिमाणेन कालेन कतपरियन्तो । नत्थि हायनवड्डनेति नत्थि हायनवड्डनानि, न संसारो पण्डितस्स हायति, न बालस्स वड्डतीति अत्थो । उक्कंसावकंसेति उक्कंसावकंसा । हायनवड्डनानमेवेतं वेवचनं । इदानि तमत्थं उपमाय साधेन्तो सेय्यथापि नामातिआदिमाह । तत्थ सुत्तगुळेति वेठेत्वा कतसुत्तगुळे । निब्बेठियमानमेव पलेतीति पब्बते वा रुक्खग्गे वा ठत्वा खित्तं सुत्तप्पमाणेन निब्बेठियमानमेव गच्छति, सुत्ते खीणे तत्थेव तिड्ढति, न गच्छति एवमेव बाला च पण्डिता च कालवसेन निब्बेठियमाना सुखदुक्खं पलेन्ति, यथावुत्तेन कालेन अतिक्कमन्तीति दस्सेति ।

## ११-१८. अन्तवासुत्तादिवण्णना

२१६-२२३. अन्तवा लोकोति एकतो वड्डितनिमित्तं लोकोति गाहेन वा तक्केन वा उप्पन्नदिट्ठि । अनन्तवाति सब्बतो वड्डितं अप्पमाणनिमित्तं लोकोति गाहेन वा तक्केन वा उप्पन्नदिट्ठि । तं जीवं तं सरीरन्ति जीवञ्च सरीरञ्च एकमेवाति उप्पन्नदिट्ठि । सेसं सब्बत्थ उत्तानमेवाति । इमानि ताव सोतापत्तिमग्गवसेन अट्टारस वेय्याकरणानि एकं गमनं ।

## २. दुतियगमनादिवग्गवण्णना

२२४-३०१. दुतियं गमनं दुक्खवसेन वुत्तं । तत्रापि अट्टारसेव वेय्याकरणानि, ततो परानि “रूपी अत्ता होती”तिआदीनि अट्ट वेय्याकरणानि, तेहि सद्धिं तं दुतियपेय्यालोति वुत्तो ।

तत्थ रूपीति आरम्मणमेव “अत्ता”ति गहितदिट्ठि । अरूपीति ज्ञानं “अत्ता”ति गहितदिट्ठि । रूपी च अरूपी चाति आरम्मणञ्च ज्ञानञ्च “अत्ता”ति गहितदिट्ठि । नेव रूपी नारूपीति तक्कमत्तेन गहितदिट्ठि । एकन्तसुखीति लाभीतक्कीजातिस्सरानं उप्पन्नदिट्ठि । ज्ञानलाभिनोपि हि अतीते एकन्तसुखं अत्तभावं मनसिकरोतो एवं दिट्ठि उप्पज्जति । तक्किनोपि “यथा एतरहि अहं एकन्तसुखी, एवं सम्परायेपि भविस्सामी”ति उप्पज्जति । जातिस्सरस्सपि सत्तट्ठभवे सुखितभावं पस्सन्तस्स एवं उप्पज्जति, एकन्तदुक्खीतिआदीसुपि एसेव नयो ।

ततियपेय्यालो अनिच्चदुक्खवसेन तेहियेव छब्बीसतिया सुत्तेहि वुत्तो, चतुत्थपेय्यालो तिपरिवट्टवसेनाति ।

दिट्ठिसंयुत्तवण्णना निड्डिता ।

## ४. ओक्कन्तसंयुत्तं

### १-१०. चक्खुसुत्तादिवण्णना

३०२-३११. ओक्कन्तसंयुत्ते अधिमुच्चतीति सद्धाधिमोक्खं पटिलभति । ओक्कन्तो सम्मत्तनियामन्ति पविट्ठो अरियमग्गं । अभब्बो च ताव कालं कातुन्ति इमिना उप्पन्ने मग्गे फलस्स अनन्तरायतं दीपेति । उप्पन्नस्मिज्झि मग्गे फलस्स अन्तरायकरणं नाम नत्थि । तेनेवाह — “अयञ्च पुग्गलो सोतापत्तिफलसच्छिकिरियाय पटिपन्नो अस्स, कप्पस्स च उड्डुह्नवेला अस्स, नेव ताव कप्पो उड्डुह्नेय्य, यावायं पुग्गलो न सोतापत्तिफलं सच्छिकरोति, अयं वुच्चति पुग्गलो ठितकप्पी”ति (पु० प० १७) । मत्तसो निज्झानं खमन्तीति पमाणतो ओलोकनं खमन्ति । सेसं सब्बत्थ उत्तानमेवाति ।

ओक्कन्तसंयुत्तवण्णना निट्ठिता ।

## ५. उप्पादसंयुत्तवण्णना

३१२-३२१. उप्पादसंयुत्ते सब्बं पाकटमेव ।

उप्पादसंयुत्तवण्णना निट्ठिता ।

## ६. किलेससंयुत्तवण्णना

३२२-३३१. किलेससंयुत्ते चित्तस्सेसो उपक्किलेसोति कतरचित्तस्स? चतुभूमकचित्तस्स । तेभूमकचित्तस्स ताव होतु, लोकुत्तरस्स कथं उपक्किलेसो होतीति? उप्पत्तिनिवारणतो । सो हि तस्स उप्पज्जितुं अप्पदानेन उपक्किलेसोति वेदितब्बो । नेक्खम्मनिन्नन्ति नवलोकुत्तरधम्मनिन्नं । चित्तन्ति समथविपस्सनाचित्तं । अभिज्जा सच्छिकरणीयेसु धम्मेषूति पच्चवेक्खणजाणेन अभिजानित्वा सच्छिकातब्बेसु छळभिज्जाधम्मेषु, एकं धम्मं वा गणहन्तेन नेक्खम्मन्ति गहेतब्बं । सेसं सब्बत्थ उत्तानमेवाति ।

किलेससंयुत्तवण्णना निट्ठिता ।

## ७. सारिपुत्तसंयुत्तं

१-९. विवेकजसुत्तादिवण्णना

३३२-३४०. सारिपुत्तसंयुत्तस्स पठमे न एवं होतीति अहङ्कारममङ्कारानं पहीनत्ता एवं न होति । दुतियादीसुपि एसेव नयो । पठमादीनि ।

१०. सुचिमुखीसुत्तवण्णना

३४१. दसमे सुचिमुखीति एवंनामिका । उपसङ्कमीति थेरं अभिरूपं दस्सनीयं सुवण्णवण्णं समन्तपासादिकं दिस्वा “इमिना सद्धिं परिहासं करिस्सामी”ति उपसङ्कमि । अथ थेरेन तस्मिं वचने पटिक्खित्ते “इदानिस्स वादं आरोपेस्सामी”ति मज्जमाना तेन हि, समण, उब्भमुखो भुज्जसीति आह । दिसामुखोति चतुदिसामुखो, चतस्सो दिसा ओलोकेन्तोति अत्थो । विदिसामुखोति चतस्सो विदिसा ओलोकेन्तो ।

वत्थुविज्जातिरच्छानविज्जायाति वत्थुविज्जासङ्घाताय तिरच्छानविज्जाय । वत्थुविज्जा नाम लाबुवत्थु-कुम्भण्डवत्थु-मूलकवत्थु-आदीनं वत्थूनं फलसम्पत्तिकारणकालजाननुपायो । मिच्छाजीवेन जीविकं कप्पेन्तीति तेनेव वत्थुविज्जातिरच्छानविज्जासङ्घातेन मिच्छाजीवेन जीविकं कप्पेन्ति, तेसं वत्थूनं सम्पादनेन पसन्नेहि मनुस्सेहि दिन्ने पच्चये परिभुज्जन्ता जीवन्तीति अत्थो । अधोमुखाति वत्थुं ओलोकेत्वा भुज्जमानवसेन अधोमुखा भुज्जन्ति नाम । एवं सब्बत्थ योजना कातब्बा । अपि चेत्थ नक्खत्तविज्जाति “अज्ज इमं नक्खत्तं इमिना नक्खत्तेन गन्तब्बं, इमिना इदञ्चिदञ्च कातब्ब”न्ति एवं जाननविज्जा । दूतेय्यन्ति दूतकम्मं, तेसं तेसं सासनं गहेत्वा तत्थ तत्थ गमनं । पहिणगमनन्ति

एकगामस्मिंयेव एककुलस्स सासनेन अञ्जकुलं उपसङ्कमनं । अङ्गविज्जाति इत्थिलक्खणपुरिसलक्खणवसेन अङ्गसम्पत्तिं जत्वा “ताय अङ्गसम्पत्तिया इदं नाम लब्धती”ति एवं जाननविज्जा । विदिसामुखाति अङ्गविज्जा हि तं तं सरीरकोट्टासं आरब्ध पवत्तता विदिसाय पवत्ता नाम, तस्मा ताय विज्जाय जीविकं कप्पेत्वा भुञ्जन्ता विदिसामुखा भुञ्जन्ति नाम । एवमारोचेसीति “धम्मिकं समणा”तिआदीनि वदमाना सासनस्स निव्यानिकं गुणं कथेसि । तञ्च परिब्बाजिकाय कथं सुत्वा पञ्चमत्तानि कुलसतानि सासने ओतरिंसूति ।

सारिपुत्तसंयुत्तवण्णना निट्ठिता ।

## ८. नागसंयुत्तं

### १. सुद्धिकसुत्तवण्णना

३४२. नागसंयुत्ते अण्डजाति अण्डे जाता । जलाबुजाति वत्थिकोसे जाता । संसेदजाति संसेदे जाता । ओपपातिकाति उपपत्तित्वा विय जाता । इदञ्च पन सुत्तं अट्ठप्पत्तिया वुत्तं । भिक्खूनञ्हि “कति नु खो नागयोनियो”ति कथा उदपादि । अथ भगवा पुग्गलानं नागयोनीहि उद्धरणत्थं नागयोनियो आविकरोन्तो इमं सुत्तमाह ।

### २-५०. पणीततरसुत्तादिवण्णना

३४३-३९१. दुतियादीसु वोस्सट्टकायाति अहितुण्डिकपरिबुद्धं अगणेत्वा विस्सट्टकाया । द्वयकारिनोति दुविधकारिनो, कुसलाकुसलकारिनोति अत्थो । सचज्ज मयन्ति सचे अज्ज मयं । सहब्यतं उपपज्जतीति सहभावं आपज्जति । तत्रस्स अकुसलं उपपत्तिया पच्चयो होति, कुसलं उपपन्नानं सम्पत्तिया । अन्नन्ति खादनीयभोजनीयं । पानन्ति यंकिञ्चि पानकं । वत्थन्ति निवासनपारुपनं । यानन्ति छत्तुपाहनं आदिं कत्वा यंकिञ्चि गमनपच्चयं । मालन्ति यंकिञ्चि सुमनमालादिपुष्पं । गन्धन्ति यंकिञ्चि चन्दनादिगन्धं । विलेपनन्ति यंकिञ्चि छविरागकरणं । सेय्यावसथपदीपेय्यन्ति मञ्चपीठादिसेय्यं एकभूमिकादिआवसथं वट्ठितेलादिपदीपूपकरणञ्च देतीति अत्थो । तेसञ्हि दीघायुक्ताय च वण्णवन्तताय च सुखबहुलताय च पत्थनं कत्वा इमं दसविधं दानवत्थुं दत्वा तं सम्पत्तिं अनुभवितुं तत्थ निब्बत्तन्ति । सेसं सब्बत्थ उत्तानमेवाति ।

नागसंयुत्तवण्णना निट्ठिता ।

## ९. सुपण्णसंयुत्तवण्णना

३९२-४३७. सुपण्णसंयुत्ते पत्तानं वण्णवन्तताय गरुळा सुपण्णाति वुत्ता । इधापि पठमसुत्तं पुरिमनयेनेव अट्ठप्पत्तियं वुत्तं । हरन्तीति उद्धरन्ति । उद्धरमाना च पन ते अत्तना हीने वा समे वा उद्धरितुं सक्कोन्ति, न अत्तना पणीततरे । सत्तविधा हि अनुद्धरणीयनागा नाम पणीततरा कम्बलस्सतरा धतरट्ठा सत्तसीदन्तरवासिनो पथविट्ठका पब्बतट्ठका विमानट्ठकाति । तत्र अण्डजादीनं जलाबुजादयो पणीततरा, ते तेहि अनुद्धरणीया । कम्बलस्सतरा पन नागसेनापतिनो, ते यत्थ कत्थचि दिस्वा यो कोचि सुपण्णो उद्धरितुं न सक्कोति । धतरट्ठा पन नागराजानो, तेपि कोचि उद्धरितुं न सक्कोति । ये पन सत्तसीदन्तरे महासमुद्धे वसन्ति, ते यस्मा कत्थचि विकम्पनं कातुं न सक्का, तस्मा कोचि उद्धरितुं न सक्कोति ।

पथविट्ठकादीनं निलीयनोकासो अत्थि, तस्मा तेपि उद्धरितुं न सक्कोति । ये पन महासमुद्धे ऊमिपिट्ठे वसन्ति, ते यो कोचि समो वा पणीततरो वा सुपण्णो उद्धरितुं सक्कोति । सेसं नागसंयुत्ते वुत्तनयमेवाति ।

सुपण्णसंयुत्तवण्णना निट्ठिता ।

## १०. गन्धब्बकायसंयुत्तवण्णना

४३८-५४९. गन्धब्बकायसंयुत्ते मूलगन्धे अधिवत्थाति यस्स रुक्खस्स मूले गन्धो अत्थि, तं निस्साय निब्बत्ता । सो हि सकलोपि रुक्खो तेसं उपकप्पति । सेसपदेसुपि एसेव नयो । गन्धगन्धेति मूलादिगन्धानं गन्धे । यस्स हि रुक्खस्स सब्बेसम्पि मूलादीनं गन्धो अत्थि, सो इध गन्धो नाम । तस्स गन्धस्स गन्धे, तस्मिं अधिवत्था । इध मूलादीनि सब्बानि तेसंयेव उपकप्पन्ति । सो दाता होति मूलगन्धानन्ति सो काळानुसारिकादीनं मूलगन्धानं दाता होति । एवं सब्बपदेसु अत्थो वेदितब्बो । एवज्झि सरिक्खदानम्पि दत्त्वा पत्थनं ठपेन्ति, असरिक्खदानम्पि । तं दस्सेतुं सो अन्नं देतीतिआदि दसविधं दानवत्थु वुत्तं । सेसं सब्बत्थ उत्तानमेवाति ।

गन्धब्बकायसंयुत्तवण्णना निट्ठिता ।

## ११. वलाहकसंयुत्तवण्णना

५५०-६०६. वलाहकसंयुत्ते वलाहककायिकाति वलाहकनामके देवकाये उप्पन्ना आकासचारिकदेवा । सीतवलाहकाति सीतकरणवलाहका । सेसपदेसुपि एसेव नयो । चेतोपणिधिमन्वायाति चित्तद्वपनं आगम्म । सीतं होतीति यं वस्साने वा हेमन्ते वा सीतं होति, तं उतुसमुद्धानमेव । यं पन सीतेपि अतिसीतं, गिम्हे च उप्पन्नं सीतं, तं देवतानुभावेन निब्बत्तं सीतं नाम । उण्हं होतीति यं गिम्हाने उण्हं, तं उतुसमुद्धानिकं पाकतिकमेव । यं पन उण्हेपि अतिउण्हं, सीतकाले च उप्पन्नं उण्हं, तं देवतानुभावेन निब्बत्तं उण्हं नाम । अब्भं होतीति अब्भमण्डपो होति । इधापि यं वस्साने च सिसिरे च अब्भं उप्पज्जति, तं उतुसमुद्धानिकं पाकतिकमेव । यं पन अब्भेयेव अतिअब्भं, सत्तसत्ताहम्पि चन्दसूरिये छादेत्वा एकन्धकारं करोति, यच्च चित्तवेसाखमासेसु अब्भं, तं देवतानुभावेन उप्पन्नं अब्भं नाम । वातो होतीति यो तस्मिं तस्मिं उतुम्हि उत्तरदक्खिणादिपकतिवातो होति, अयं उतुसमुद्धानोव । योपि पन रुक्खक्खन्धादिपदालनो अतिवातो नाम अत्थि, अयज्जेव, यो च अज्जोपि अकालवातो, अयं देवतानुभावनिब्बत्तो नाम । देवो वस्सतीति यं वस्सिके चत्तारो मासे वस्सं, तं उतुसमुद्धानमेव । यं पन वस्सेयेव अतिवस्सं, यच्च चित्तवेसाखमासेसु वस्सं, तं देवतानुभावनिब्बत्तं नाम ।

तत्रिदं वत्थु — एको किर वस्सवलाहकदेवपुत्तो तलकूटकवासि खीणासवत्थेरस्स सन्तिकं गन्त्वा वन्दित्वा अट्ठासि । थेरो “कोसि त्व”न्ति पुच्छि । “अहं, भन्ते, वस्सवलाहकदेवपुत्तो”ति । “तुम्हाकं किर चित्तेन देवो वस्सती”ति? “आम, भन्ते”ति । “पस्सितुकामा मय”न्ति । “तेमिस्सथ, भन्ते”ति । “मेघसीसं वा गज्जितं वा न पज्जायति, कथं तेमिस्सामा”ति? “भन्ते, अम्हाकंचित्तेन देवो वस्सति, तुम्हे पण्णसालं पविसथा”ति । “साधु देवपुत्ता”ति सो पादे धोवित्वा पण्णसालं पाविसि । देवपुत्तो तस्मिं पविसन्तेयेव एकं गीतं गायित्वा हत्थं उक्खिपि । समन्ता तियोजनद्धानं एकमेघं अहोसि । थेरो अद्धतिन्तो पण्णसालं पविट्ठोति । अपिच देवो नामेस अट्ठहि कारणेहि वस्सति नागानुभावेन सुपण्णानुभावेन देवतानुभावेन सच्चकिरियाय उतुसमुद्धानेन मारावट्टनेन इद्धिबलेन विनासमेघेनाति ।

वलाहकसंयुत्तवण्णना निट्ठिता ।

## १२. वच्छगोत्तसंयुत्तवण्णना

६०७-६६१. वच्छगोत्तसंयुत्ते अज्जाणाति अज्जाणेन । एवं सब्बपदेसु करणवसेनेव अत्थो वेदितब्बो । सब्बानि चेतानि अज्जमज्जवेवचनानेवाति । इमस्मिञ्च पन संयुत्ते एकादस सुत्तानि पञ्चपज्जास वेय्याकरणानीति वेदितब्बानि ।

वच्छगोत्तसंयुत्तवण्णना निट्ठिता ।

## १३. ज्ञानसंयुत्तं

### १. समाधिमूलकसमापत्तिसुत्तवण्णना

६६२. ज्ञानसंयुत्तस्स पठमे समाधिकुसलोति पठमं ज्ञानं पञ्चङ्गिकं दुतियं तिवङ्गिकन्ति एवं अङ्गववत्थानकुसलो । न समाधिस्मिं समापत्तिकुसलोति चित्तं हासेत्वा कल्लं कत्वा ज्ञानं समापज्जितुं न सक्कोति । इमिना नयेन सेसपदानिपि वेदितब्बानि ।

### २-५५. समाधिमूलकठितिसुत्तादिवण्णना

६६३-७१६. दुतियादीसु न समाधिस्मिं ठितिकुसलोति ज्ञानं ठपेतुं अकुसलो, सत्तट्ठअच्छरामत्तं ज्ञानं ठपेतुं न सक्कोति । न समाधिस्मिं वुट्ठानकुसलोति ज्ञानतो वुट्ठातुं अकुसलो, यथापरिच्छेदेन वुट्ठातुं न सक्कोति । न समाधिस्मिं कल्लितकुसलोति चित्तं हासेत्वा कल्लं कातुं अकुसलो । न समाधिस्मिं आरम्भणकुसलोति कसिणारम्भणेषु अकुसलो । न समाधिस्मिं गोचरकुसलोति कम्मट्ठानगोचरे चेव भिक्खाचारगोचरे च अकुसलो । न समाधिस्मिं अभिनीहारकुसलोति कम्मट्ठानं अभिनीहरितुं अकुसलो । न समाधिस्मिं सक्कच्चकारीति ज्ञानं अप्पेतुं सक्कच्चकारी न होति । न समाधिस्मिं सातच्चकारीति ज्ञानप्पनाय सततकारी न होति, कदाचिदेव करोति । न समाधिस्मिं सप्पायकारीति समाधिस्स सप्पाये उपकारकधम्मे पूरेतुं न सक्कोति । ततो परं समापत्तिआदीहि पदेहि योजेत्वा चतुक्का वुत्ता । तेसं अत्थो वुत्तनयेनेव वेदितब्बो । सकलं पनेत्थ ज्ञानसंयुत्तं लोकिज्ज्ज्ञानवसेनेव कथितन्ति ।

ज्ञानसंयुत्तवण्णना निट्ठिता ।

इति सारत्थप्पकासिनिया संयुत्तनिकाय-अट्ठकथाय

खन्धवग्गवण्णना निट्ठिता ।

संयुत्तनिकाय-अट्ठकथाय दुतियो भागो ।